

Firmly Star Lyngdoh

KA JUBAN KI JINGIEIT



1980

Firmly Star Lyngdoh

Ka Juban

Ki Jingieit

*Da kaba burom bad kynmaw leit jong
nga ia i Mei iba la khlad noh naduh ka jing-
long khynnah rit ha u snem 1961 bad ia i Pa
iba la khlad noh ha ka por samla jong nga ha
u snem 1974 na ki ba ka la long la thymmoi
jong ka jingstad bad jingshemphang baroh.*

Is ka hok longtrai la bat tyngkai

(KA SILN SHON BANYNGKONG)

LA PYNMHH DA U NONGTHOH.

1980

State Central Library
Meghalaya, Shillong.

REFERENCE
Not to be Lent out

SHI KYNTIEN

Wat la u lyoh ba dum bad longngit u kah dum ia ki jingmut jingpyrkhat jong ka jingim jong ngi, wat la ka kyrduh kyrtan ka leh lahduh, jopduh bad thombor pynban khyndiat dang don hi i dak jingkyrmen la ka sahit bneng jong ka jingim jong ngi. Lyngba jong ine i dak phyrnai barit hapdeng ka suiñ bneng ba ikynsha jong ka jingim, i kylla long pynban ka jingkyrmen bad shemphang jong ngi ia kiei kiei ba ngi leh ne thmu.

Bun sien ruh ha ka jingim jong ngi ju don bad ia kynduh shibun ki jingeh, ki diengpynkiang, kynduh Mawsiang, jynthut ngi iaid ruh lyngba ki jingbishni pihuiñ, rkhe beifi bad bun kiwei kiwei ki jingeh ba ngi ia kyndnh. Kine baroh kim long ei ei, ki long tang ka lynti ba pun sha ka nam bad ka burom. Wat la ki brierw ki thmu da kumwei pynban U Blei U pynlaid da kumwei pat.

Nga la sdang ia kane ka kot da kaba nga pynshong nongrim na ki khana bapher jong ki kmie tymmen bad kpa tymmen bad ruh ynda nga la poi shane sha Sor, nga la lohi bad shem ia ki jingjia, jingkylla bapher bapher kiba kat kum ka jaka, ka por bad kumta ter ter, ia kiba kiwei kiwei ruh ki shem, ki lohi, ki lap bad ia kynduh lem khamtam ha kane ka pateng jong ngi mynta; la ha ka wad kam wad jam, ka kam ing kam sem, ka akor burom, ka kyrduh kyrtan bad bun kiwei kiwei ki jingjia. Kine baroh ki la pynkhih ia nga ba ngan pruid dak bad ban thoh lyngba jong ine i kot barit jong nga kum ban pyni ia ki jingtam ne duna ha ka longbrierw man brierw ia kiba baroh ngi ia shem ne ia kynduh bad ha ka juh ka por kum ka jingsneng ba lalam pat sha ka kyndit bynrierw bad shemphang, khnang ba ka ri bad ka jaitbynrierw kan nangkiew irat sha jrong lyngba ine i jingsdang jong nga.

La kham slem nga la kwah bad pynmih ia kane ka kot, hynrei tang namar ki jingpynwit bad jingeh khamtam ha ing ha sem kaba baroh ki ias'em ne iakynduh, kumta nga ruh ngam shym la toh lad satia.

Ngam lah ruh khlem da ai shi hajar nguh ia i bah B. C. Jyrwa, iba long u wei na ki nongthoh bad saif dur ia ka thoh ka tar khasi, iba la pruid dak thymmai ia ki rukom bad ki dur ba pher ia kiba;ngim pat ju shem koit mynshwa. I ne i rangbah wat la hapdeng ka jingbun kam kaba khraw, da la ka mon sngewbha i la pyllait por khnang ban ia shongkai bad nga shi sien ar sien bad iba la shim da kaba sngewbha bad kitkhia ban pule, tainia bad aibuit ai mynsiem lem ia nga. I la ai ruh ka jingkynthoh jong i halor ki jongthoh jong nga kaba da ai jingkymen bad ai mynsiem shisha katta kata bad lyngba ka jingpyrsad mynsiem bad pynshlur jong i nga la lah ban pynmih madan ia kane ka kot barit jong nga kaba long tang ka jingpyrshang ban jam sha u mawjam jong ka thoh ka tar.

I la long ruh u Mangkara ba ai jingkmn bad kdew lynti ia kiba noh mynsiem bad ba la duh jingkyrmen. To U Blei Un nangai kyrhai ka jingkoit jingkhiah ba pura ia kaba in nang iai lah ban ialan bad ai mynsiem lem ia kiwei ruh kiba don ha ka jingnohmynsiem, bad ba in nanglah ban shakri ia la ka ri bad jait bynriew ha ki rukom bad dur ba pher.

Nga kyrpad ruh ia ki Nongpule baieit, ba kin nym da jied shiah ne thew pylla ch ia kano kano ka tam ne duna ba ki lah ban shem ha kane ka jingpyrshang jong nga, hynrei ba kin nymthaw ia ka tam bad pyndap ia ka duna; khnang ba ka jingpyrshang jong nga kan nang-iohlah ban iaid shaphrang ha kaba shakri ia la ka Ri bad ka jaitbynriew.

Khatduh eh, ngam lah khlem da sngew nguh ia ka Sorkar Jylla kaba lyngba ka Education Department, ka la iarap lem ban bei bai lut ha kaba shon ia kane ka kot.

Khublei shibun eh.

SHI SYMBOH AR SYMBOH.

U Tnum u Tyndai ka thoh ka tar bad ka pule ka dangle ki khun ki ksiew u Hynñiew Trep ka la nang iar na ka samoi sha ki samoi, da kaba nang pynkha ruh ia ki kamra kiba itynnai bad ba iphuh iphieng. Katba ki umksiar umrupa ki dang iai kyrsoi na ki Tlong unpohliw ka Meirilung ka Meirisan. katba ki 'Erhatemon ki 'Erbatesi ki dang beh tymfang, katba ka pyrkhat ka pyrdaiñ ba nylla ka dang kyrsong, latta ruh ki khun ki Mai ki Bon ki thylleng na ka Aiom sha ka Aiom ha ban da phuh syntiew, ban pynkup pynphong ia ka Ri bad ka jaitbynriew da ka Burom kaba da kat ka burom. Hood, u 'Nai rupa u shat jingshai khlem tyngkai, ban kyrsiew ia ka rngiew ba dap ryngieng, ym tang ha ki jylli ba khlem sawar. Haba ngi jurip ia kane ka phang ngin shem ba ka pynkiang bad ka lynter jong ka, ki long kiba ngim lah ban tda.

Da ki Pyrha ki ktien ba la sei na ki par ba jylliew tam ka dohnud u briew, ban pun ia ka lynti ki Nongpule da ki Syrwet ksiar, shaduh ki Ryngngi ka por. Kumba na ki kyngjang jong ka khet sha ki syrtap bym lah ban jngi, ki kha ia ki Moin bad ki Manik kiba shlei da ka jingkyrmen ia ka lawei kaba phyrnar. Ki ktien paila ba shongsbai, ki khyllie la ki khmat kum ki 'Tiewmationg ba shong diengbah. Hangne ruh ngi iohi ia u wei pat u samla ha ka thoh ka tar, u Firmly Star Lyngdoh. La u long u khaw thymmai, pynban ka sap ka phong kaba u don, ka phalang kum u Lurstep na khap ki Lum Mawkdok. Lyngba ka sap kaba u don, u la pynkha ia kine ki San Thaiñ ki khor ki khriam, kiba u la thir bin pa bin khlem pynkhleh rong ei ei ia ki ha kaba u la Saiñdur ia ki ha ki Shlem ka Tulieh, hajan ka 'Weishaidom ha ba kan da ni bha. Mynta ngi la lah ban iohi ia ka phong ka kup, ka rong ka rup, kumjuh ruh ia ki shrong ki shrup kiba u la pynphong pynkup ha ka dur kaba maian bha.

“Ka Juban Ki Jingieit,” ka lah ban ieng kum ki Novel Lyngkot (Novelette) ha ka thoh ka tar khasi. Hynrei ki

Nongpeitsani ki don la ka bhah ban thew ban woh, ynda ki la pynhap sawar bha ia kawei pa kawei ka thup. Ngi iohi hangne ia ka sap ba kyrpang jong une u samla, u Firmly Star Lyngdoh, ha kane ka bynta, ula tynsat ruh hangne ia ki jingsneng puramit kiba khia thew, hadien ba u la dok biang pa biang. Ki Longing kiba u wan rah hangne, ki long ka nongmuna ba ai jingmut bha ia kane ka pateng bad ia ka pateng ka ban wan. Lyngba jong ki ruh, ki phalang sha ki jingpyrkhat ba kham kynjang. Kumta, katba nga dang pyrshang ban jngi sha kine ki San Syrtap ba shong kyrpang, ki kynting ia nga sha ki Par - Mawhira, ba shong ki Koina, hyndai.

Ka jingim kaba kordor tam ha ka Pyrthei, ka dei ka ka jingim kaba ai ne leh ei ei ia ka pyrthei bad ka mynsiem ban kyntiew ia ki lok ha ki khen kiba eh. Une u samla u la pyrshang ban leh hok ia la ka bynta, wat la u dang sdang ban thylleng. Kine nga ngeit kin long ki Syrwet Ksiar kiba un bud tdop shi tdop ha ban da shem ia ka Pubon ki Mawhira ba shong ka dor barem bha. Ngam shym sabut ei ei ruh ban suba ba u dei u dieng krap, hynrei pynban u don la ka thymmei kaba paka. La u long tang u phning tyrso, pynban u don ha u ka umphniang kaba kordor ia ka jaitbynrlew. Ki Pukri Umpohliaw kiba ki khun ka Ri kin ioh mad, kin long da shisha kiba shngiam. Um shym khang khyrdep ruh ia la ka dwar tang na ka bynta ia lade.

U Bah Frimly Star u la bet ia la u symbai, ha ki lyngkha baiar ka thoh ka tar, ba un speh, ba un sei sla, ba un pur ki thied, ba un thylleng, ba un phuuh syntiew haduh ba un da sei soh. Shisha, ki shrah ki dang byllai kyrhai, kiba u dang dei ban pymgat. Hato don ma kaba lah ban khang ia u 'riew satar uba don ka jingkut jingmut kaba khlaifi ? Ka jobab ka long kaba shai, 'Em!' ym don dieng pyngkang, ym don at ym don them, ym don khehruh khohram ia u 'riewiaksaid. Dei tang u 'riew lili uba kynran lupa shwa ban ia ai reng. Nga sngew burom namarkata, haba nga pyrkhat ia ka jingiauw mynsiem jong une u samla, uba wat fia pdeng ki jingiatyngkhuh kiba u ia kynduh Mawsiang ha kane ka jingpyrshang ruh, pynban u ksoh hi triang ha ba

kan da plih plaif. Nga don ka jagkyrmen kaba kyrpang, ba une u samla u lah ban nangiai bteng ban sei sa ia kiwei pat ki thup kiba u dang saif ha ki shlem ka Tulieh, kiba lah ban pynshaiong ia ki para samla kiba iatbeh ha ka rta bad u.

Ka sap ka dei hi ka sap, ym lah ban ong da kumwei pat ia ka. Hynrei ki bym iather bor bah pat ki nang klet bad nang tep pynban sha ki lhuh ka jingklet ia la ka sap kynsai kiba U Trai Kynrad u la tynsat ha ki. Ka Ri bad ka jaitbynriew nga ngeit, kan sngewsarong ban iohi ba ki Samla kane ka pateng, ki iaksaid katlah katiai ban pyndap pynbiang ia ki kamra ba dang suda ha ka thoh ka tar. Ym slem shuh haba shu peit, ba sa tang katto katne ngin sa iohi ia ka jingroi kaba dap pura ha ki phang baroh, ka ban pynkup ia ka Ri bad ka Jaitbynriew da ka burom kaba kynshyeng bha.

Nga don ka jingkyrmen ba ngan dang ioh mad sa ia kiwei pat ki symboh ksiar na une u samla, ha kiwei pat ki Aiom.

Dated Mawlai Iewrynghep, |
Shillong - 8. |
U Naitung, 16, 1980. |

B. CHEDRACK JYRWA,
Department of Khasi,
Shillong College, Shillong

KI MAT

LYN.

PEIJ

- | | | | | |
|----|--|-----|-----|-------|
| 1. | Daei ngin tei Mot Ia phi? | ... | ... | 1— 7 |
| 2. | Ka Akor dei ka lynti sha ka Jingsuk... | | | 8—34 |
| 3. | Ka 'Wei Shaidom. | ... | ... | 34—52 |
| 4. | Ka Jingieit ba jylliew sat | ... | ... | 53—83 |
| 5. | Ka Dor ka Jingieit. | ... | ... | 83—88 |

DAEI NGIN TEI MOT IA PHI?

I trep i lah ban long iba jot, hynrei lada ka burom ka don hangta, i kham i phuh i phieng wat ia ki ing pakı dulan jong ki Syiem kiba ka burom bad ka jingieit kam don. Haba ka jingieit bad burom ki don ha ka juh ka tnum, ki wan rah ia ka jingsuk bad jingpalei. Lada weng noh ia ki na ki ing jong ngi, ngin shem ba kaba sah kam long ei ei ruh em. Ki lum ki wah ki pynitynnad ia ka mariang, ki dieng ki siej ki pyntngen ia ka khyndew ka mariang, ki sim ki doh ki pyndap da ka jingkmien ia ka pyrthei ba tmang bad kumjuh ruh ki khniang ki ksiah ki pynshlei ia ki them bad ki lhuh da ki sur bathiang.

La don shisien ha kawei ka Nongrit uwei u tymmen uba don arngut ki khun shynrang. Ka kmie jong ki ka la iap noh naduh ba une ubarit u dang hynfiaw bnai. Kumta u kpa u la hap ban peit bad kit khlieh ha lade ha kaba ri bad sumar na ka bynta jong ki khamtam eh na ka bynta jong une u khun ba dangrit jong u, uba hamar ka por ba dang don kam bha ia ka jingsumar jong ka kmie ha kaba ai buifi ai thiang. Hynrei uba pli uba la thoh hi la ka nusib sniew, kumta u la dei ia kaban duh noh ia ka umbuifi ksia umbuifi rupa jong ka kmie bad ban mad pat da ka dud jong ki jingri. Ka kyrteng uba heh ka la long u Lamphang bad uba ar pat u Kyrshanlang.

Ynda haba kine baroh arngut ki ia kham heh bad ki la ibit ia ka ban leit skul noh, ba kumta ruh u kpa jong ki u la phah skul noh ia ki baroh arngut ha kawei na ki skul rit kaba don hangta ha shnong, kaba ym shym da jngai eh na ka ing ba ki shong.

U kpa jong ki pat khnang ban pyndap ia la ki khun ia ka bam ka di, ka kup ka sem bad ka buh skul de, u la dei ban trei shitom da kaba leit byla sngi ha ing jong ki

briew. Wat la u slap ka lyer ki shoh, um ju pynsngap namar u tip skhem ba lada u pynsngap ia kine ki jingeh, ki khun kin sa thiah jingit.

Kine ki khynnah ki la long kiba stad bad ba barabor ki ju wan shakhmat eh ha ka pule ka thoh jong ki ba kumta kane ka la pynlong ia ki Nonghikai ba kin icit ia ki bad kham tam ruh namarba ki long ki khynnah kiba don akor.

Hadien kato katne snem kine baroh arngut ki la dei ia ka ban ialeh ia ka Eksamin M.E. ba kumta ki la dei ban pule bha ia la ki lynnong jong ki khnangba kin lah ban thoh bha ha ka eksamin jong ki.

Shen hadien katto katne sngi ka eksamin jong ki ruh ka la poi ba kamta ki la dei ban leit sha kawei ka shnong kaba don marjan jong ki namarba kata ka shnong ka Sorkar ka buh ia ka, ka jaka pdeng ban ialeh eksamin. Kamta ki la mih lypa shisngi shuwa ban dei kata ka sngi ban leit sah bad kiba ha ing kiba don hangta. Haba ka eksamin jong ki ka la dep, kine baroh arngut ki la wan phai pat sha la shnong. Ha kane ka por ki skul ruh ki la lait shuti lut baroh, namar ba la dep la ka kamram, ki la hap ban shong noh ha ing bad ban iarak kam ia la u kpa. Shen hadien katto katne bnai ka jingtip ka la mih bad u kpa bran bran u la leit sha ing jong u Nonghikai ban kylli la ki long kumno ki khun jong u. U Nonghikai ruh da ka jingkmn ka bym lah ong shuh u la ong, "Nga la nang mut ban wan la shibit sha ing jong phi ban wan iathuh hynrei phi la wan hi pynban, to fiiuma kam pher, ngan sa shu wan kai noh la shai ban ia khublei na ka bynta ka jing-jop donburom jong ki baroh arngut. Baroh arngut ki la wan ha ka hyrdan kaba nyngkong eh."

Hadien ba la ia shongkai katto katne por bad u Nonghikai, da ka jingkmn u la mih ban leit iathuh ia la ki khun kiba la thrang bad angnud ia kata. Tang shu poi ha ing u la shim ia ki baroh arngut bad kdup da ka jingkmn bad u da iathuh ba ki la pas bha.

Ha kawei ka jan miet katba u kpa bad la ki khun ki dang ia shongkai lyngngai ha rud dpei ban ia kren ia khana shaphang ki kam ki jam baroh, u kpa u la ong ia u khun rangbah jong u kumne, "khun da ka jingsngewsih kaba ngam lah ban ong shuh kumno ngan leh bad kumno ngan pyndap bad da kumno ngan buh skul ia phi baroh arngut. Ka jinglut ka long kaba bun hynrei ka jingmih ym don, namarkata nga khuslai bad shitom jingmut keiñ namar kane, lada ngan pynpep skul ruh nga sngewbynnud bad lada ngan phah ruh da kumno ngan kyrshan ia phi baroh arngut."

"Papa, haba nga peit ia phi katno nga dap da ka jingsngewsynei ba hapdeng ka jinglong tymmen phi hap ia ka ban trei shitom namar jongngi, kumta wat la ka jingthrang jong nga ka long kaba ymdon ba lah ban batai shuh, hynrei tang na ka bynta ka jingaram jong phi bad na ka bynta ka jingbit ha ing ha sem, nga kloi ban iarap noh ia phi ban ia kyrshan lang noh ia phi ha kaba trei ba ktah khnangba i Shan (kata ka long ka kirteng lyngkot jong u Kyrshanlang) in ioh pule shuh kham sha khmat."

Da ka jingsngewsih kaba khraw ka bym lah ong shuh u kpa hadien ba u la pynshong nongrim bha jai ia ki jing-kren jong u khun rangbah jong u, u la mynjur ia kata bad u ong, "to kam pher khun kumba phi ong, U Blei ruh un nangiarap ia phi ba phin long brieve man brieve hadien habud wat la phi trei kano kano ka kam ruh."

Satang shitalaw la dei ka por plie skul, ba kumta ruh u kpa jong kine ki arngut u la ong, "kan khambha ban nang ialeit noh kham kloi khnangba ngin ia kynduh ia u Headmaster ha ing, bad ban ia kren de ia u ba un ai bad ka Hostel. Namarkata, nga bad i hep ngin ia leit noh la shai sha Shillong bad phi sa nangsah hi katto katne sngi katba nga ngam pat wan namar nga hap ban ia sah kai pynshngaifi shipor arpor bad u Shan. Kumta to nangleh ia ki kam baroh kiba dei ban leh bad sa nangleh tip sngi khop."

Ha ka step kaba bud u kpa bad u Kyrshanlang ki la khreh la khrum ban leit noh sha Shillong na ka bynta ka

jingpule jong u. Shwa ba kin mih noh artad ban leit sha ka jaka sangeh Bos, u hymmen u la ong ia la u para, "Shan, sa da minot bha keifi, bad to da leh tip sngi bad don akor bha, sumar ia la ka burom haba phi don sha shnong ki briew ioh phin sa shah kren beifi, bad to da kynmaw ruh ban duwai ha U Blei ba un larap ia phi wat la phi don hangno hangno ruh. Wat klet ruh ban da thoh shithi ia nga." Katba u hymmen u dang kren la kine ki ktien u da jaw artad bad ki ummat jingieit ia la u para namar u tip skhem ba naduh kata ka sngi un nym lah ban ia shem shuh ia la u para katba dang dei ka por long skul, "Shan! katto te ngim ioh ban ia rkhe ia kmen lang shuh bad ban ia thiah ia bam ryngkat kumba mynshuwa, namar phi sha ka wei ka shnong nga pat shane," la ong u hymmen ia la u para kumta da ka mynsiem kaba lung kine baroh arngut ki la ia iam lang bad ki da ia kdup iwei ia iwei pat ryngkat ka jingiadoh ia dait.

Ha kata ka por ki iohsngew ia ka jingpah (horn) jong ka Bos kaba wan na Shillong ban wan shaw briew sha kata ka shnong man ka sngi, te u kpa u la ong, "ia, ia ngio ia mih noh kata ka Bos ka la da wan." Kumta ki la ia mih bad u hymmen u la ong, "leitsuk Shan." "Shongsuk bah-bah," la phai ktien kyliang u para.

Ha kata ka sngi, baroh shisngi uta hymmen um shym nang ban trei ei ei ruh em namar ka jingmut jingpyrkhat jong u, ka her tang sha la u para ba ieit bad ba thep mynsiem jong u.

Haba u kpa lem bad u Kyrshanlang ki la poi ha Shillong u Kyrshanlang u la shu ang dheng kum ka Muid namarba um pat ju poi sor wat tang shisien ruh. Kumta u la lyngngoh ia ki ing paki dulan jong ki briew, ki kali ruh kine ki shu mareh khlem shongthait sharum sharum shaneng shaneng, bad ha man la ki lad bad ki dong don sa ki dukan kiba heh bad itynnad. kiba la pynitynnaat da ki rong ki rup ba bun jait.

Ynda ia jan miet, U Kyrshanlang u la nangkham phyl-ia shuh shuh ba ki ding sharak ki meh haman la ki ing

ki brierw bad wat ha surok ruh. Kumta u la lyngngoh ia kane namarba sha la shnong kim ju don ding sharak kum kine, kumta u la kylli ia la u kpa, "Papa, dei kine kita ki ielektrik ia kiba ngi la ju pule ha skul?"

"Hood, khun ki dei," la jubab u kpa da kaba puh sam rkhié.

Ha ka step kaba bud, u kpa u la leit pynrung skul ia la u khun ha Government Hight School bad u la sah pat ha Earl Hostel lem ruh bad u kpa uba la shah kyrpang ban sah kai shihat shitaew namar ka jingkyrpad eh jong u.

Nyngkong nyngshap eh, u Kyrshan u la kwah ban thoh shithi shwa sha la u hymmen ban iathuh ia kiei kiei ki jingphylla jong ka sor Shillong. Kumta u la phah ia kata ka shithi jong u sha la u hynmen.

U Lamphang tang shu ioh ia kata ka shithi na la u para, katno u la dap da ka jingsngewtynnat kaba khraw ban iohngew ia kiei kiei kiba phylla bad kiba itynnat jong ka sor Snillong, kumta u la thoh shithi ai khublei ruh ia la u para namar kane.

Ki sngi ki snem ki la nangiaid bad mareh stet, kiei kiei ki nangkylla man la ka por bad khyllipmat, ba kumta ruh u Kyrshan u la nangsang u la nangrangbah bad ryngkat bad ka jingpule ruh ka la nangiaid shaphrang man la ka snem.

Ynda katto katne snem ba ka la iaiaid ka jingpule jong u, u Kyrshan u la dei ia ka ban ia leh ia ka Matrik. Tang shudcp eksamin u la leit phai noh sha la shnong katba ym pat ioh jingtip. Ym slem hadien katto katne por ka result Matrik ruh ka la mih, bad kumta u la leit sha Shillong ban leit peit ia la ka result. Tang shupoi ha Shillong u la leit beit beit sha skul ban peit nombar, bad da ka jingkyndeh ka shadum bad jingtied u klong snam u la peit bha ia la u momber, bad tangmar shisien arsien peit u la shen ia ia u mombar ba u don hajan jong u wei u para lok ba ia pule lang. Markumta hi da ka jingkmén ka bym lah shuh ban

batai u la leit bran bran sha ka jaka sangeh kali ban ioh leit iathuh sha la u kpa bad u hynmen kiba la angnud bha ban tip ia ka khubor ba bha ia kaba ma u un sa wan rah.

Hadien ba u la poi ha ing u Kyrshan u la iathuh ia la u kpa bad u hynmen ba u la lait ha ka kyrdan kaba nyng-kong bad kumta u kpa da ka jingkmn kaba khraw u la pynlong ka jingaisha sngewbha ia ki lok ki jor malu mala katba kot ei la i bor barit jong u, tang ban donbok bad eh rngiew u khun jong u. Hadien katto katne sngi, u Kyrshan u la dei ia ka ban wan biang sha Shillong, khnang ban ioh leit pule shuh shuh. U la leit pule ha kawei na ki Kolej kiba don ha Shillong, bad hadien katto katne por u la ioh kam sorkar noh. U la dei ia ka ban pynkylla noh na kaba leit mynsngi sha kaba mynmiet.

Ynda u la trei katto katne bnai bad ynda u la wai ing noh da kaba kham heh, u la thoh shithi sha la u kpa u da ong, "Papa, nga la dep wai ka ing kaba kham heh khyndiat bad kumta kan kham bha ba phin ia wan lang noh shane bad na ka bynta i bah - bah ruh i lah ban ioh ia ka kam rit kam ria hangne ha sor. Kumta papa wat nym kyntait ia kane ha jingai jingmut jong nga ia phi."

Da kaba pyrkhath bha ia kiei kiei baroh bad da kaba peit ia kiei kiei ki jingbha kiba lah ban wan hadien habud, kumta u la ong ba kane shi sha ka long ka lad bah na ka bynta jong ngi. Baroh arngut shi kpa shi khun ki la ia hap jingmut ban ia leit lang noh sha sor Shillong ban ia sah ia shong lang bad u para.

Ha kane ka por ka la don ka jingpynbna ba don kam kyrkieh ia ki katto katne ki kam ban iarap ai shithi ha ophis, ha kawei na ki ophis sorkar, kumta ruh une u hynmen u la aplai bad namar ba duta ki nongaplai, kumta ruh u la ioh da kaba suk. Kumta baroh arngut ki la ioh mynta la ka kam ka duk bad ki la lah ruh ban pynsuk pynsain ia la u kpa ba la tymmen jong ki.

Hadien katto katne por, ka jingshitom ka la wan ia u kpa jong ki ba kumta ha ka jinglong tymmen artat wat la ki khun ki la ia leh shitom ha ka ba pynsumar sukher ia la u jong u kpa, hynrei long leh nohei haba U Blei u la ibit ia ka ban shim noh ia u. U kpa shwa ban khlad, u la sneng la kraw ia la ki khun ba kin im hok ia id beit katba ki dangim ha kane ka pyrtnei sngi, nalar kata ruh u la ong "ai ba ka jingim jong phi baroh arngut kan ia syrdoh iwei ia iwei pat wat nym ia sapra ioh ki nongshun kin wan tyllap ia ka jingim jong phi Ka wei ruh kaba nga kwah eh ka long phin tei mot ia nga da ka jingim jong phi, ba ha ka dohnud bad ka jingim jong phi hi. To ia im hok, ia id beit, ia ieit shipara, iarap iwei ia iwei pat bad long kiba don akor la ha ka ktien ba phi kren ne kam ba phi leh la ka long iano iano ruh. Bud ia kaba nga la pyni bad ialam ia phi, dei uta kei u mot u ban sah nam sah burom ia nga wat lada nga la khlad ruh, bad uba ym lah shuh ban pynkyllon da ki wei pat lano lano ruh lada phi ngoit bad kohnguh ia kaei kaba nga la hikai bad ialam ia phi."

Ki ruh baroh arngut ki la sngewthuh ba ka la dei artat ka por ba u kpa jong ki un sa leit noh bad ba kin ym lah shuh ban ia shem shuh lano lano ruh, ki la ong, "Hooiid, papa ngin kohnguh bad bud ia ka nuksa ba phi la ialam ia ngi naduh myndang khyannah bad haduh kat kine ki sngi ba mynta." U kpa ynda u la iohsngew ia kine ki jingjubab bathiang bad ba pyntngen jong ki khun, u ruh da ka jing-kmen bad jingsngewbha u la khlad noh sha la u jong U Nongthaw.

Naduh kata ka sngi kine baroh arngut ki la dei ban ia im ia san hi tang baroh arngut shipara bad ki la ia bud ruh ia kiei kiba u kpa jong ki u la hikai bad ia-lam ia ki naduh dangrit haduh ka sngi ka jingiap.

KA AKOR KA DEI KA LYNTI SHA KA JINGSUK.

Katba ka aïom synrai ka dang noh kjat ha kane ka Mariang, ki kjat sngi mynstep ki suit rong ksiar ia ki dieng ki siej, ki syntiew ki skud. Ki sim ki doh ki pah sngew-thiang ha ki tnat dieng ban pynpaw ia ka jingiaroh ia la U Trai Nongpynlong. Ka Iyer batemon batesi ha beh jem jai, ha kaba ki brieve baroh ki sngewtynnat ban mih iaid kai shane shatai bad ki da peit ieit da ka mynsiem ba kmen ia ki jingthung jingtep baroh kiba mynta ki la dei ha ka aïom kaba biang.

Dei ruh kum ha kane ka por ba ha ka Shnong Mawar-ted, la don u wei u khynnah uba tipsngi bad don akor katta katta. Uba baroh ki brieve ha shnong ki peit sha u kum u nongialam jong ki, naduh kiba rit eh haduh kiba la san la rangbah kumjuh. Kane ka long namar ka jingbha, ka akor burom bad ka jingtipsngi jong u. Ka kyrteng jong u ka long u Rijied.

Ki kmie ki kpa jong u kim da long eh kiba don ba em, ki shu im tang da ka rep ka riang bad ka ri jingri jingdup ki don bun ngut ki khun kynthai bad tang uwei u shynrang ba kumta ki ialeh katba lah ban pynnang pynstad ia u katba ki don ei la ibor barit jong ki, khnangba une un long uba nang ba stad na ka ing jong ki namarba ym shym la don iwei ruh i ban mih khmat na ka ing bad ka jait, jong ki.

Ynda haba u Rijied u la lait na la ka skul shnong u la dei ban leit pule noh sha sor Shillong namarba ha kata ka shnong kaba u shong ym pat don skul pdeng. Kumta u la dei ban mih noh na la ka shnong kaba la kha ia u bad ban ieh noh shipor ia la kiba ha ing ha sem baroh, kham-tam eh ia ka kmie bad u kpa la jong khnangba u lah ban leit pynbit shuh shuh ia lade ha ka liang ka jingnang jingstad.

U Rijied u la sah ha Shillong tat haduh ban da lait
 Ia ka Matrik bad nangta namar ka jingkhlah noh jong i
 kpa iba long u rishot jong ka ing bad iba ju kyrshan ia u
 baroh shi katta ha ka bam ka dih, ka kup ka sem bad ka
 bai kot bai sla, kumta mynta mano pat ban kyrshan ia u
 ba un leit skul biang namar i kmie ruh i la tymmen bad ki
 hynmen jong u baroh ki la leit ing brieve lut. Kumta i
 kmie da ka jingsngewsih bad khuslai i la ong, "khun, yn
 leh kumno haba ipa jong phi ruh i la khlah. Nga ruh nga
 la sdang noh kumne ka met, nga shem jingeh shibun ban
 kyrshan ia phi ba phin dang leit pule biang. Kawei ruh
 mano pat ban peit ia nga, tang kane ka para marwei kumno
 kan leh. Namarkata khun, sangeh noh shwa shipor ia ka
 jingpule jong phi bad iarap lem noh shwa ha ing, bad lada
 U Blei U ibit bad isynei ia ngi, te phin loh da kano
 kano ka kam ban trei ha Shillong, nga kloï ban bud ryingkat
 bad phi lem bad kane ka para de."

Kumta da ka jingsngewsih ka bym lah ong shuh bad
 da ka jingisynei ia la i kmie haba u peit, kumta u la kut
 jingmut ba un sangeh noh shipor da kaba u kyrmen ba ka
 lad kan sa plie ia u ba un dang loh leit pule pat hadien.
 Nadeh kata ka por u la dci ban trei noh la ka kam ka
 duk la jong bad ban peit ia la i kmie ba la tymmen jong u.
 Man la ka sngi u ju im sngi ban duwai ia U Blei ba Un
 isynei ban thaw lad thaw lynti ia u khnangba u lah ban dang
 loh leit pule biang. Um ju duh jingkyrmen ruh ba shisien
 ka sngi un sa loh hi ia kaei kaba u kwah bad khmih lynti
 wat la ka long ha ka por ba um khmih lynti shuh ruh, hyn-
 rei U Blei Un sa thaw lad thaw lynti hi.

Kumba ki jingthung jingtep ki phung bad ki heh man
 ia ka sngi, kumjuh ruh ki jingmut jingpyrkhat jong u brieve
 ruh ki nangproh bad nanglar ha ka jabiang jong u.

Ha kawei ka jan miet katba u dang wan phai na ia
 jingtrei sha ing, U la poi pyrkhat kumne ha ka jingmut
 jong u: 'Nga tharai kan kham bha ba ngan leit noh sha
 Shillong ban leit buh kyrteng noh ha ka ophis Emploimen
 Eshien, khnangba lada jia ba leit kam hangno hangno kane

ka ophis ka lah ban ai jingtip ia nga. Kumta ngan sa leit ha kine ki sngi."

Hadien ba ki la dep bam dep dih ha kawei ka janmiet, U Rijied U la ong ia la i kmie, "Mei, la shai ka sngi te namarba la dep kito ki kam shikhep shikhep, kan bha ba ngan leit mih sha sor Shillong na ka bynta kato ka kam ba nga la ong ha phi ha kato ka miet, long Mei?"

"Nga tharai kan jin da la bha keiñ khun kata ruh kaba phi ong katba dang lait por kumne, te phi dei ban khreh sum khreh sait lypa mynta ka miet namarba phin ioh leit da ka kali step khnangba phin ioh pyndep kam dang kloï ba phin ioh leit thied jingbam jingdih artat na iew ba ngin kham suk."

Katba u Rijied u dang khreh dang khrum kumne, i kmie i la ong, "sa nangkhreh ma phi khun, nga te ngan thiah noh namarba nga sngew baiong khlieh."

"Hooïd mei, khie leit thiah suk, nga ruh tang shu dep ngan thiah noh namar ban ioh khie pat dang kham step." Kumta i kmie ruh i la leit thiah noh katba ma u pat u sdang la ka sum ka sait.

Haba ka step ka la wan phai pat, u la khie ban khreh ban khrum la kata ka leit jingleit. Tang shu mih sngi u la khreh ban bam noh namar la jan dei artat ka por poi kali step. U la kyrsiew noh ia la i kmie, "Mei mei, nga la dei ban leit noh artat, kumta sngewbha seh khie noh ban pynai ja noh ia nga."

Ynda la dei ka por hynñiew baje mynstep ka kali kit dewiong ka la wan bad kumta u ruh u la ong, "shongsuk mei nga la leit. Tang poi harud surok u la ap la kata ka Trok kit dewiong kaba u la iohi na la ing, bad kumta u la pynsangeh bad kiew ban leit da kata baduh Shillong.

Mar ia poi ha Shillong, u Rijied nyngkong nyngshap u la pynkloi bran bran ban leit buh kyrteng shwa ia lade,

namarba ioh lap ba khang kata ka ophis. Tang shu poi hangta ha ophis, u Rijied u la sei la ki kot ki sla donkam baroh ki ban pynshisha ia u, bad u la ai ha uwei na ki Nongthoh kiba don hangta. Ynda haba uta u Nongthoh u la dep bishar bniah ia kita ki kot donkam jong u Rijied bad taba u la shem ba ki long kiba beit, kumta u pynrung ia ka kyrteng jong u Rijied. Shwa ba u Rijied un mih noh uta u Nongthoh u ai ha u kawei ka kot rben kaba don ka kyrteng jong u Rijied bad u nombar de bad u da ong, "ha kano kano ka por ba phi shah khot phi dei ban wan rah lang bad kane khnang ban ioh pynshisha."

U Rijied ruh hadien ba la pynpaw ia la ka jingsngew-nghu ia uta u Nongthoh, u la mih noh bak ban leit noh sha iew ban thied jingthied khyndiat Tang shu poi ha iew u Rijied u la pyndep shwa ia ki kam baroh bad hadien kata, u la leit sa sha basa diejadoh, namarba u la sngew pyrsut ki snier ba khlem ioh ei ei baroh shisngi. Ym slem ruh nangta ba ka por ia u Rijied ka la dei ba un leit noh sha jaka sangch kali namarba la jan dei artat ka por ba ka kali kan mih.

Ynda la poi ha shnong u Rijied u la iathuh ha la i kmie ia kaei kaba u la pyndep ha Shillong bad ki kmie ruh i la ong, "to lada U Blei hi U ibit phin sa ioh keiñ khun ia kaei ba phi kwah." Bad kumta namarba la miet ki la leit thiah noh, khnangba ki lah ban khue dang step ban leit sha la ki kam ki duk.

Man ka sngi u Rijied u ju leit lum leit wah kumba u ju leit khnangban pyndep sa ia kiwei kiwei ki kam ba dangsah bad ki ba dei ban pyndep ioh lap ba dier ka por.

Ki sngi ki iaid stet haduh ba u Rijied um pat lap ba sngewthuh ba kata ka jingwan buh kyrteng jong u sha ophis ha Shillong kala da poi sha ka shi bnai ei ei. Kumta u la angnud bad khmih lynti bha ba lehse ha kita ki sngi un sa ioh jingtip na ka bynta kano kano ka kam. Kumne miet bad sngi ki jingmut jingpyrkhat jong u ki her ban pusion tang na ka bynta ka kam. Hynrei imat kumba kata ka jing-

khmih lynti jong u kan nym ai jingkyrmen, u da kyrmen skhem ba un sa loh hi ynda la dei ka por.

Ha kawei ka sngi katba u Rijied u dang leit sha la lyngkha, ha lynti u la ia shem ia uwei u para lok uba long u Nongpyntrei surok sha kata ka thain u la ong ia u Rijied, "Bah Jied! Are nga nga nang kwah ban ia shem ia phi man ka sngi hynrei ngam ju lah ban ia kynduh, balei phim don ne ha shnong?"

"Wa phin ong kumta, nga don hi te tangba la dang step nga la mih na ing ban leit sha lyngkha. Balei ma, phi don kam ia nga?"

"Hooïd keiñ, namar myn ha kane ba nga wan sha ophis shatei sha Shillong, u Sahep rangbah jong ngi u ong ba u kwah Nongtrei uwei ha poh ophis jong u. Kumta nga la poi kynmaw ia phi ba phim pat don kam, kumta nga la kwah eh ban ia kynduh ia phi dei na kata ka daw keiñ, ban iathuh ia kata khnangba phin leit wad jingtip."

"Oh! phi ong kumta ma, lano kan kut ka por ban aplai?"

"Ka por te dang don hi sa shi tañew tam ei ei, phi dang loh por phi, lada phi mut hi ban buh."

"Khublei shibun eh ma, namar ka jingsbun jong phi."

"Koit kam pher bah Jied, namar jait para khasi te, dei keiñ ban iarap kylliang iwei ia iwei pat. "Nangta ki la ia khlad noh la la ka lynti sha la ki kam la jong.

Ha kata ka sngi, ka shadem u Rijied ka shu kyndeh baroh shi sngi namarba ka jingkmien ka shlei ha ka myn-siem jong u, u da tharai ba lehse kane te dei ka lad kaba bha tam na ka bynta ka kam ba un loh.

Ynda janmiet haba u ia poi ha la ing, u la iathuh ia kata baroh ha la i kmie bad u da ong ruh, "Mei, la shai ka

sngi te nga dei la kumno kumno ban leit biang sha Shillong namar kane ka kam."

"Phi dei ban leit keiñ, katba dang loh lad kumne lei lei."

La dang step u Rijied u la khie ban khreh ban khrum bad ban pynbiang ruh ia la ki kot ki sla ba don kam baroh kiba ia dei bad kata ka kam kaba un leit aplai. Hadien ba u la dep kren ia i kmie, u Rijied u mih noh de bak ban ap kali harud surok. Shen kawei ka Trok kit dieng sawdong ka la wan bad u Rijied ruh u la leit da kata haduh Shillong.

Tang mar ia poi ha Shillong, u Rijied beit beit u la leit sha ophis kaba dei peit ia ki surok ban ia shem bad uta u sahep. Hadien ba ki la dep ia kren ia khana, u Rijied ruh u la ai ia kita ki kot ki sla lem ruh bad ki wei ki kot ba don kam baroh ba la suh lang hangta bad u la mih noh de bak.

U Rijied u la leit beit noh sha jaka sangeh kali ban leit noh sha la shnong da ka kali kaba janmiet, Tang shu poi ha la ing, u la iathuh ha la i kmie ia kiei kiei baroh kiba u la ia kren bad uta u sahep bad u la iathuh ruh shaphang ka jingbha bad jingsbun mynsiem jong u. U da ong, "Mei imat mynta te khlem pep ngan sa loh ia kane ka kam, namarba u sahep ruh u la kular ban larap ia nga."

"Kumta keiñ khun, haba phi leh rit hi ia lade ki briew baroh ki leit lut wat naduh kiba heh ba haiñ haduh kiba rit ruh kumjuh."

Ka por ka la nangiaid bad ka synia ka la nang tap ba ka jingkyjah ruh ka la wan ha shnong ha thaw bad u Rijied ruh lem bad ia i kmie ki la leit thiah noh. Ha kata ka miet u Rijied u la phohsniew baroh shi miet ba u la trei kam ryingkat bad uta u sahep hapoh ophis jong u. Ka mynsiem jong u ka dap ka shlei bad ka kmen namarba u la loh kat kata ka kam. Katba u Rijied u dang jngi marwei hapdeng kata ka jingphohsniew, kyndit kyndit u syiar na sem n la kyndit

kynsan ba kumta u Rijied u la kyndit bad u la shem ia lade ba u don ha jingthiah bad ba kata baroh ka long tang ka jingphohsniew bad ba u don ha la i trep ba jo! la jong. U Rijied u khie bad u la shong khop ha khlieh thiah ban pyrkhath ia kata ka jingphohsniew. U pisa u lynga marwei namarba um lah ban pynshongnia ne ringdur ia kata ka jingphohsniew. Hamar kata ka por ki kmie ruh i la kyndit bad shem ba u khun jong i u shong halor jingthiah bad i kumba u pyrkhath ia ci re, kumta i la kren ia u, "phi pyrkhath aiu khun? Balei phi shong kum u bicit, ha ka jaka ba phin leit sliew ding sliew theh noh, ne phi phohsniew ia ei kaba phylla kaba la pynlong ia phi kumne?"

U Rijied u la phai sha la i kmie bad u da wait samr-khie artat bad u la ong, "Mei, nga la phohsniew kawei ka jingphohsniew kaba la pynlong ia nga ba ngan pyrkhath bad kata ka long nga la ioh jingtrei ha ka ophis jong uto u sahep bad nga la phohsniew ruh ba nga la wai kawei ka ing kaba heh bha, namarba nga mut ban ioh ia shong lang ma phi bad i duh de. Hynrei hamarba nga dang bang bha kata ka jingphohsniew, u syiar u la kynih ba kumta ruh nga la kyndit noh bad nga shem pynban ia lade halor jingthiah. Nga tharai imat khlem pep shisha ngan sa ioh ia kane ka kam."

I kmie i la shu rkhe ia u bad i la ong, "donbok khun ba phin ioh, hynrei tang kawei te ngan ong ia phi ba ka jingphohsniew barabor ka kut tang hangta hi keiñ. To kam pher dwai ia U Blei ba Un i arap ba phin ioh," bad kumta ki la ia khie noh artat.

U Rijied kumba u ju leh, kumta ruh ha kata ka sngi tang mardep bam dep dih u la mih noh ban leit lyngkha risai. Man ka sngi u ju pyrkhath bad mut dur ia kata ka kam kaba u khmih lynti bad man ka miet pat u phohsniew ia kita baroh kiba u la pyrkhath bad mut dur mynsngi. Kumne ka sngi ka la laid da ki taiew bad ki bnai khlem da sngewthuh.

Ha kawei ka sngi katba u Rijied u dangmih na la ing ban leit thied jingthied na dukan kaba don harud Surok, ha

lynti u la ia shem ia u wei u Nongsam shithi ne u Dak ba u da wan sha jan jong u ban kylli ia ka kyrteng u Rijied, kumta u Rijied u la pynithuh ia lade^{na} u. Da ka mynsiem kaba kyndeh bad ki kti ba kyih, u Rijied u la plied ia kata ka shithi bad u la shem ba kata ka shithi dei kaba na kato ka ophis ba u la aplai. Hangta la thoh ba u dei ban wan mih sha ophis ha ka 10 tarik khnang ban thew ban woh ia u la u bit ne em ha ka kata ka kam. U Rijied ruh u la mareh bran bran sha la ing ban iathuh ia kata ha la i kmie.

Kata ka sngi ba la buh ka la poi ba kumta u Rijied bran u la leit sha Shillong. Ynda u la poi ha ka ophis, u Nongap jingkhong u la ong ia u Rijied ba un ap hangta ha bar haduh ban da poi ka pali jong u, bad tang shu ioh-sngew ba la khot ia ka kyrteng jong u, un sa rung. Kumba la bthah da uta u Nongap jingkhong jong u sahep u Rijied ruh u la leh kumta. Hadien khyndiat por u la iohsngew ia ka jingkhong ia ka kyrteng jong u ba kumta u Rijied u la pynstet ban rung. Uta u sahep u la kylli jingkylli ia u Rijied shibun ki jingkylli, hynrei u Rijied u la jubab beit thik khlem bakla bad hadien kata la phah ia u Rijied ban leit noh. U ruh u la mih noh ryngkat bad ka jinglyngngoh kaba khraw ba uta u sahep ia uba la ia shongkai bad dih sha mynshwa hynrei mynta pat u leh kum bym ithuh ia u Rijied. La katta ruh u Rijied um da sngew ei ei eh ia kata baroh namarba u la lah bha ia ki jingkylli baroh kat kiba la kylli ia u. U tharai ba un sa ioh beit ia ka kam. Kumta u la leit wan noh sha la shnong. U Rijied u la iathuh lut baroh ia ki ei ba la jia ha la i kmie, bad i ruh i la sngewthuh lypa uei u soh u ban mih nangta i la spel lyndet tangba i sngap jar bad im nud ban kynthoh ei ei halor kata. Hynrei i la pyntngen ia u da kaba ong, "Kam pher khun, wei phi la leh bha kumba phi ong, te khlem pep phin sa loh hi ia ka kam."

Hadien shi talew ei ei, u Rijied u la leit biang sha Shillong ban wad jingtip shaphang kata ka kam, hynrei ynda u la poi hangta ha ophis la iathuh ia u ba la dep thung da uwei u briew uba kyrteng u Das. Da ka jingsha-long ngaiñ u Rijied u la leit phai noh sha la shnong. Ynda

la poi ha la ing, da ka jingsngewsih kthang u la lathuh ia kata baroh ha la i kmie.

“Khun phim dei ban sngewei ei namarba kane ka dang dei tang ka sien kaba nyngkong eh, kumta ka bok ne ka nusib jong phi kam pat poi keiñ.”

U Rijied ruh u sngew iahap bad kata ka jingpyni jong i kmie, u la shu pynpalei noh ia lade bad u da kyrmen ba hadien un sa ioh ia kaei kaba u kwah, la ka mynsiem ha kata ka por ka khia da ki jingsngewsih. Kumta u la leit trei noh la ka kam kumba u ju leh man ka sngi. Hadien khyn-diat sngi, U Rijied u la ioh sa kawei ka shithi kaba wan na kawei ka ophis jong ka sorkar pdeng, ba u dei ban leit mih sha kata ka ophis ha ka 27 tarik uta u bnai bad ba un wan rah lut ia ki kot ki sla kiba don kam baroh. Haba kata ka sngi ba la buh ka la poi, u Rijied ruh u la leit biang sha Shillong. Hadien ba u la dep baroh ki kam ba ia dei bad kata ka ophis, u la wan phai noh sha la ing. Tang hadied katto katne sngi, u Rijied u la ioh jingtip na ki para lok ba ha kata ka ophis ruh la dep thung da uwei u ba ha ing jong u babu rangbah jong kata hi ka ophis. Tang shu tip ia kane, katno ka mynsiem u Rijied ka pait bad ka sngewsih kthang namar kat shaba u phai ki kam kiba u la kyrmen ban ioh ki kylla khongpong lut pynban. Katba u dang pyrkhath sngewsih kumne, u la poi kynmaw biang ruh sa ia kato ka kam hikai skul kaba u la shah leh beifñ tang da ka ka jingbishni jong ki katto katne ki briew jong kata ka shnong, kane ka jingjia ruh kaba dang shen hi, kumta katno ka ktah ia ka mynsiem ba lui lui bad ba lung jong u Rijied. Katba u dang puson kumne ia ka jingsniew bok la jong, ki ummat kthang brup ki jaw bad u da lam sngewsih ia la ka nusib jot la jong kaba la wan ngat ha ka jingim jong u. Ynda la jan miet u la wan phai sha la ing, u Rijied u la leit thiah noh khlem bam khlem diñ. Te i kmie i la kylli, “balei khun phin shu thiah khlem bam? khie seh da bam da diñ shwa, ne phi sngew kumno ba phi i khia ka khmat jong phi kumde?”

“Ngam sngewkwah bam phi mei, namarba aga sngew balong khlich.”

“Niuma, wei ba phi ong ba phi sngew balong khlieh te, ka bha keñ ban nym bam ja namarba loh sa khie shit pynban shibit da miet. Hynrei ka sha te phi dei ban dih namar khlem bam ei ei pat ruh kam pynbha keñ.”

“Koit kam pher mei, ngar sa dih kham shibit mynta te ngam pat sngew kwah.”

“To niuma, ynda phi sengew kwah ha kano kano ka por sa da ong keñ, mo?”

“Hooïd mei,” la ong u Rijied bad u da leh myn loh-thiah noh artat katba i kmie ruh i dang leh noh ia kane ka tai.

Ka mynsiem jong u Rijied ka kyndeh bad ka pang da ka jingsngewsih ryngkat ruh ki ummat ki tuid bad ki shlei haduh ba la jhieh lut sa ka syngkhlieh jong u katba i kmie pat im poi pyrkhath ei ei ruh em ia kata baroh. Ynda la kham miet i kmie ba i la sngewsamthiah eh i la ong, “Kane ka umkhluïd nga la pynsyang lypa harud ding ba lada phi sngew kwah sha ha kano kano ka por sa shu theh beit bad lada phim sngewlah ruh sa kysiew ia ka Khatduh mo? Nga te ngan thiah noh namarba nga la sngewshoh eh kata ka khmat.”

“Hooïd mei, khie thiah noh, lada nga sngew kwah te ngan sa khie hi la shibit.” Kumta i la leit thiah noh. Katba ka jingkyngjah jong ka miet ka nangwan u Rijied ruh u la nang-jngi ia lade ha ka thwei jong ka jingsngewsih. Ki jingmut jingpyrkhat ruh ki shu ap brip, kumta kane kam ai lad ia u Rijied ba un lohthiah wat tang shi khmat ruh, u ksaid, u pisa, u lynga bad teng teng ki mih ruh wat ki ktien tim ia la ka jong ka nusib jot kaba la wan ngat ha ka jingim jong u. Nangta u la kren ha lade hi bad u da ong, “Ka nusib aïu kum kane kaba la ngat ha nga, shu kat sha ba phai tang da ki dieng pynkiang suda, kat sha ba iaid ruh tang da ki jingeh bad tang ka kynduh mawsiang khok shi khok, imat ka jingim jong nga ka long ka bym don kupar wat tang shi sohphit ruh.....” Katba u Rijied u dangtim

kumne la la ka nusib jot la joag i kmie ruh i la kyndit thred naba thiah bad i da phai kynsan wak sha phang ba thiah ma u, bad i da iohi ruh ba u da ksaid lynga shane shatai ryngkat bad kita ki jingtim jong u baroh, bad ruh u da ksaid lynga shane shatai ryngkat bad kita ki jingtim jong u baroh, bad ruh ynda i la peit bha lyngba i jingshai barit jong ka sharak, i la iohi ruh ba ki ummat ki mih bad tuid na u khun jong i bad ba u da jngi ruh ha kata ka pung jong ki ummat sngewsih kiba la kyrsoi na ka mynsiem ba kthang jong u. Kumta i kmie i la sngewthuh pleng u khun jong i ym dei ba u shitom hynrei dei na ka wei pat ka daw kaba la pynlong ia u kumne. Kumta i la kren ia u, "Rijied! Balei khun phi iam? Iano phi tim phi mai? Ne kaei ka jynjar khun kaba la ngat ha phi? Hato balei phim iathuh ha nga la ka kmie, khnangba ngan thaw lad thaw tynti ban pyllait na kita baroh? Iathuh khun,, balei?"

U Rijied ruh um banse ban iathuh noh ha la i kmie ryngkat bad ki ummat ki da tuid brup shi brup bad u da ong, "Mei, imat kam myntoi phi ia nga ban dang wad kam sorkar ne wat ban dang ioh leit pule shuh shuh namar kat kiba nga pyrshang ki khyrdep ki khang pyrshah pynban, katsha ba nga phai ruh la ker tang da ki dieng pyngkiang suda bad katsha ba nga faid tang ka tyngkhuh mawsiang khuk shi khuk. Te kumno pat ngan leh mo? Haba kato ka kam kaba nga dang shu wan faleh dang shen ruh pleng lada dep thung briew da uba ha ing ha sem jong uwei u babu rangbah uba na kata ka juh hi ka ophis. Kumta nga sngewba, ba ka jingim jong nga ka long ka bym don dor shuh ne ka bym don jingmut ei ei shuh ban dangim pat ha kane ka pyrthei,....." "Khun!" la kynrip ktien ka kmie, "balei phi kren kut lad kumta! Wat ju don kum kata ka jingsngewthuh bakla da sngap la kaei ba ngan pyni la phi, namar phi i khun, kane ka pyrthei kaba ngi im ka dei ka pyrthei ka jingfaleh suda bad ka long ruh ka pyrthei kaba ngi dei ban mad ym tang la kaba bha lynter, hynrei ngin hap ruh ban mad la ki ummat kthang. Kane kan long au laa phi la nujor bad kiwei kiba sngewsih ban la ngi. Ka por jong phi khun kaba dang kyrhai, bad ki kabu kiba phin dang loh ki dang bylai. Namar katta wat duh jingkyrmen

ba U Blei Um ju ieh noh ia la ki jong ki biew kiba wad da ka hok, phin sa loh'hi ia ka kam namar dei ruh lyngba kum kine ki jingeh pyriban'kin long ka jingkieng sha ka lynti jong ka burom. Kawei ruh phi i khun, ka lah ban long ba dei ka mon ka jong U Blei ne ki jingtyinh jong U ban it la phi long ne em uba kynmaw ia U wat ha kum kine ki jingeh kiba wan ngat ha phi. Kawei ruh ka long kumne, ba la da kano kano ka kam ba phi loh da kaba suk kumta ruh phin nym nang ban fiiewkor ia ka, bad kumta ka lah ban long ruh ka bym neh slem hynrei kynmaw ba ka kam kaba phi loh da ka jingialeh shitom bad ryngkat ki ummat, kata ka kam kan long kaba iai neh bad phi hi phin nang ban fiiewkor bad iait ia ka namar ka dei kaba phi da lalah shitom bad kaba phi da jaw rah bad ki ummat mynba phi dang wad ia ka. Bad tharai lada phi loh mynta ia kane ka kam ba phi lalah, hato phi tip pat don afa ha lyndet jong ka? Lane shano kan lalam ia ka jingim jong phi? Namarkata Uta keifi Uba sha lyndet ka bor jingsngewthuh jong ngi U kham sngewthuh kham bha ban ia kaci kaba ngi mut dur. U long ruh Uba la loh lut ia baroh. Kumta khun, nga ong ia phi wat nym pynsngewsih ei ei shuh ia lade shaniah beit tang ha Uta Uba donbor bad da ka jingkyrmen nga ngeit skhem ba phin sa loh ia kaba phi angnud ba kano ma ka por kaba phim poi pyrkhat bad katta kan long ruh kaba kham bha. Wat nym man thait noh ban la ksaid namar nga tip skhem ba phin sa loh hi ia ka hadien wat la ym mynta ruh. Kumta khie thiah noh khnangba phin loh pyngjah thait ia la ka met la jong.

U Rijied ruh hadien ba u la loh sngew ia ki ktien pynngen bad jingsneng jong i kmie, u la sngewhun bad da ka mynsiem kaba kmen bad ryngkat ruh da ka jingkyrmen skhem ha U Blei Un sa larap ia u ban loh ia kaci kaba u kwah, kumta ruh u la thiah noh.

Wat la hapdeng ka jingdum longngit ka suifi bneng, u slap ruh u hap ryngkat bad ka jingbeh jong ka lyer kaba beh kyrthep la i kumba kan sa khie sa ka eriong erngit, bad ym i don jingkyrmen shuh ba kan dang rang pat hynrei pynban shwa ban noh phai ka ngi, u Simpillyeng ba hynbiew

rong u mih shaphang mihngi ban pynpaw la ka dak jong ka jingsangeh noh jong u slap ba jur. Shen hadien khyn-diat por, ka sngi ruh na kliar ki lum ka peit iet na khap ki lyoh ryngkat bad ka jingwiat rymmuifi la kane ka pyrthei. Dei ruh ha kane ka sngi ba u Rijied katba u dang wan phai na la jingtrei sha la ing hapteng ka jingkut lad u la poi kynmaw khliak la i bah Rising iba long u trai ing mynba u dang pule mynshwa ha Shillong la iba u la klet noh baroh shikatta, kumta u la poi pyrkhata kumne, 'Nga tharai kan bha ba ngan leit la kynduh noh la i Mama namarba i trei kam sorkar kumta i lah ban tarap lem la nga ha kaba pyn-takren kam lem ha kano kano ka ophis sorkar, khnangba ngan tang loh lad ban leit pule biang ieh ngan sa leit ha kine ki sngi ban la kynduh ia i, ynda kham kylluid kam artat.'

Ha kawei ka jan miet hadien ba la dep bam dep dih, u la ong la la ka kmie, "Mei, la shai ka sngi te namarba la dep ki to ki kam shi khap, kan bha ba ngan leit noh sha Shillong ban leit la kynduh la i Mama kumba nga la ong la phi myn ha kato, mo Mei?"

"Nga nangmut keifi khun ban ong la kata kumne ba dang lait por artad, phi dei ban leit noh khnangba phin loh leit pule pat hadien. Nangta nga tharai kan kham bha ba phin leit noh lashai hi mynstep keifi, ym dei? Namar phi i phin leit sha ing jong i khlem da loh rah jingbam jingdih khyndiat la ki khun jong i sngewbieit keifi, kumta khnangba phin loh leit thied jingbam artat na lew, leit noh la shai da ka Kali step".

Kumta u ruh khnangba yn kham kloi mynstep, u la khreh la khrum lypa ia lade ha kaba pynbiang ia kine kitai kum ki kot ki sla ba don kam baroh ha kata hi ka miet katba i kmie pat i la nang leit thiah noh ba i la sngew-shoh samthiah eh.

La dangsaw ka bneng, u Rijied u la da khie thiah bad u la pynkloi lan ka shet ka tiow ba loh duh Kali, bad hadien ba u la dep bam dep dih, u la khublei ia la i kmie

bad u, da mih noh artat bak sha surok ban ap kali hangta. Shen ruh ka wei ka kali kit dewlong kala wan bad u Rijied ruh u la kiew noh da kata haduh Shillong.

Tang shupoi ha Shillong, u Rijied nyingkong nying-shap eh u la pyndep shwa ia ki kam ba i kmie i la ong ia u bad ynda u la dep baroh ki kam ki jam, u la leit thied jingbam de khyndiat ban rah na ka bynta ki khun jong i bah Rising. Ki kynta ki iaaid bad mareh stet ba kumta u Rijied um pat lap ba sngew ia ka iaaid ka ieng jong u hangta ha iew ba ka por ka la da poi sha ka lai baje. Kumta ka la jan dei sa ka por wai ophis, u ruh markumta u la pynkloi ban leit sha jaka sangeh Bos bad u la kiew noh ratat da kata kaba la khreh ban sa leit noh khnang ban kham kloi namar ba i bah Rising i sah sha Laitumkhrach. "Mar ia poi ha Laitumkhrach, u Rijied u la leit beit beit sha ing jong i bah Rising bad tang shu poi hangta ha ing, u la sei la uta u jingbam ba u la wan rah khnang na ka bynta ki khun rit jong i bah Rising; bad katno ki kmen bad ki la sngewtynnat ba u Rijied u la wan kai sha ki namar naduh ba u la leit sha la shnong um pat ju wan kai wat tang shisien ruh.

Hadien katto katne por la wan mih sa i kmie jong kita ki khynnah, "Wa! i bah bah du? Phi wan mynno bah bah?"

"Nga dang shu poi mynta kumne, Kong".

"Nangta phi wan donkam ne phi shu kwah wan kai khnang sha ngi ne?" I la kylli.

"Nga wan donkam khnang sha i Mama phi kong, nga tharai i la jan wan mo katto te?" U la kylli pat.

"Nga tharai, lymda i leit shane shatai, lada i wan beit te i la jan poi artat kumne por.

Ym slem hadien nangta ba ki ia kren ba i bah Rising ruh i la da poi ngung, bad tang shu poi i la iohi pynban da u Rijied, kumta i la kren ia u; "wa, kumno bah bah?"

Shano phi jah ba phim ju wan mih wat tang ka khmaf ruh katta bnai Phi ia shait ia khlaif bha em, kumno i mei i 'ong mynta?

Nga la mut ban wan kai hynrei tang namarba dang ia beh kam eh ha la shnong kumta ngam shym la loh por ban wan, i mei ruh i shaft i khlaif hi tangba i la kham noh artat phi mynta ka met."

Nangta i bah Rising i la khot ia ka khun heh jong i bad i ong, "leit tiaw noh da ka sha seh khun, ngin ia dih bad i bah bah namarba nga ruh nga sngewkwah sha."

Koit mama, kam pher yn sa dih pat kham shibit namarba nga dang shu dep dih mynta na few, te ngin sa dih namar mynta nga mut ban sah miet noh."

"Oh! phin sah shane mynta ka miet? Kata te la bha shibun eh namar ngin loh la kren khyndiat ki kam ba dei shaphang jong phi hi, namar nga la mut ban thoh shithi hynrei tangba ngam pat lap por. Khie khie khun theh klo i da ka sha katba ngi dang ia shongkai bad i bah bah," la ong i bah Rising.

"Phi dokkam aflu ia nga bah bah, nga loh sngewba ka kmie ka ong hynne?"

"Mama nga mut ban wan phah larap lem ha phi keif, namar phi kiba ia trei kam sorkar te phi ia tip hangno lait kam ne lada phi lohngew ba lait kam hangno hangno sa pynlarap lem keif mama ia nga; khnangba ngan tang loh bteng pat ia ka jingpule jong nga. Nga la shu shong noh naduh ba lap i papa, bad nga la pyrshang wad kam ha bun ki ophis hynrei ym man long kam satia kumta sngewbha seh mama ban larap lem ma phi tangba ngan loh leit pule biang ba ngan tang suk hadien habad."

"Oh! phi mut ia kata seh ba phi wan khnang ban la kynduh ia nga."

"Hooïd keiñ mama, lymda ha ki kam ki kam te leit loh por shano phi hapdeng ka por thiew kynbat kba mynta."

"Niuma, kata te la ia poi ha ka juh ka jingmut du, kumno kumta? Nga ruh nga nang ong keiñ ban sa pyn-tip, la phi ba phin wan shane bad ban wan rah ruh ia ki kot ki sla ba donkam baroh namarba ka lait kawei ka kam ha Ophis jong u D:C. phi la wan rah artat bad ki, ne mynta," la kylli i bah Rising.

"Hooïd mama, nga la shu wan rah baroh namar nga mut ban ai pynbat lypa ha phi ba ha kano kano ka por ba lait kam phin sa pynleh hi ma phi," la ong u Rijied.

I bah Rising i la rung sha kamra thiah la jong, katba u Rijied pat u dang shongkai marwei ha kamra shongkai, u da pyrkhat ha lade, 'ka bok aïu kat kane kaba la urlong kumba nga angnud, to ngan donbok sa ba ngan loh te ka la long shisha ka jingkyrkhu ba kbraw jong U Blei ia nga Hamar kata ka por i bah Rising i la wan mih bala ka kamra bad ida rah bad ka wei ka kot ha ka kti jong i, bad i la ong ia u Rijied, "kane ka dei ka kot kaba phi dei ban pyndap, bad sa suh lang bad ki kot ki sla kiba donkam baroh."

U Rijied u la shim da kaba sngewnguh na ka kti i bah Rising bad u da ong, "Khublei shibun eh mama." Ynda haba u la dep pyndap lut ia kata ka kot, u Rijied u la ai ha i bah Rising, "Kumne la bjang mama?"

"Hooïd, kumto keiñ, phi nang du pleng ban pyndap hi, kane te imat phin sa loh kam phi khlem artatien shuh."

"Donbok lem keiñ mama ba ngan loh ia kane ka kam bad la da nga loh te ngan nym lah klet shuh junom ia phi uba la larap ia nga," la ong u Rijied. Hamar kata ka por la wan rung ka khun heh i bah Rising, "Papa ala ia ham ja noh i ong i mei."

"To, ngi la wan, phi kloï da ia ih jyntah la dang mynta, to to la pynkreh ngi la wan artat," la ong i bah Rising.

“Ia bah bah ngin ia leit bam ja noh, nga tharai phi la thngan bha ym dei?” la ong i bah Rising da kaba phuh samrkhie ia u Rijied.

“Ngam da katta eh phi mama, namarba nga dang shu dep dih sha kumto kumto, bad sa kawei ruh ba shu shong baroh shisngi.” Kumta ki la leit artat sha kamra shetja namarba la dep pynkhreh.

Ynda la dep bam dep dih baroh kila ia shongkai lang khruai ha kamra shongkai, bad ki la sdang saka lathuh khana shaphang ka kam ka jam kaba u trei sha la shnong. Katba ka khana kala nangiaid ba kumta ka por ka laid khlem da lap ba sngew, “Wa! lah shiphew shiteng du kpa, ia ia leit thiah noh loh ym kyndit shuh la shai myn-step,” la ong i menkmie jong i bah Rising.

“Shisha mo! ia phi bah bah ngin ia leit thiah noh, oh! phi la dep pynsiang kato ka jingthiah jong i bah bah khun?” la kylli i bah Risang.

“Hooiid, nga la dep siang naduh hynne papa,” la ong ka khun heh jong i.

La dang step phyrngap, ka khun heh jong i bah Rising, kala khie ban shet ban tiaw namarba loh lap sngi i kpa ban leit trei. Ha ka por hynriew shiteng baroh kila ia khie lut bad dih sha step bad hadien khyndai baje kila sdang sa ka bam ka dih namarba i bah Rising i dei ban leit trei shiphew duna ei ei. Shwa ba i bah Rising in leit trei noh artat, i la ong ia u Rijied, “khmi bah bah, (kane ka long ka rukom khot leit jong i bah Rising ia u Rijied) phin leit noh la shibit sha la shnong, ym dei? Te la kumno kumno phi dei ban wan khtang khnang shane hadien shi talaw ei ei, khnangba phin sngewthuh kumno ka man kumno ka long ka kam, phi sngewthuh nga tharai,” la ong i bah Rising.

"Hood, mama, ngan sa wan khuang khnang."

Kumta ka por ka la dei ba i bah Rising in mih noh na la Ing ban leit trei noh, bad i da ong artat "sa nangleit biang ho bah bah, nga la leit."

"Hooid mama, sa nang shongsuk," la phai ktien pat sa u Rijied.

Ym slem shuh hadien ba i bah Rising i la mih na la Ing ban leit trei noh, ba kumta ruh u Rijied u la khreh ban leit phai noh. "Kong nga ruh ngan leit shwa phi ba ngan loh leit da ka kali sngi namarba nga wan thied jingthied artad mynhynnin ka sngi, bad ia kita nga buh ha few, ngan sa wan pat hadien shi tafew kumba la ong i mama, mo? Nang ia shongsuk."

"To ñiuma, bah bah khie leit suk bad sa da ai khublei ia i mei jonp phi lem bad ki hynmen ki para jong phi baroh," la phai ktien i men kmie jong i bah Rising.

U Rijied u la mih noh ban leit shim ki tiar ki tar bad nangta u la leit artat sha la shnong bak.

Dang san baje jan longreifi u Rijied u la da poi ha la shnong. Tang shu poi ha Ing, da ka jingkmien kaba khraw u la iathuh ia la i kmie shaphang ka jinglarap jong i bah Rising bad u ong, "mynta ngan ap satang ia ka por ba u sahep rangbah un khot trei." Wat la katta ruh u Rijied u don bi ka jingartatien katba um pat loh ia kam. I kmie ruh iba la loh sngew ia ki jingleh bha jong ita i mama ba u ong, katno i sngewtynnai bad i la ong, "Don bok keifi khun ba phin loh kam, wat klet ruh ia U Blei miet la bad sngi, khnangba Un larap ia phi kum ha kine ki por bad ym tang ia ka mynta hynrei lawei la ar kumjuh katba ka jingim jong phi ka dangsah ha kane ka pyrthei."

Ki sngi ki laid stet bad kumta um lap ba sngewthuh ba kata ka sngi ba u dei ban leit ia kynduh ia i bah Rising ka la dei. Ha kata ka jan miet kaba u dei ban sa mih noh

la shai ka sngi, u la ong ia la i kmie, "Mei, la shai ka step nga dei ban leit biang sha Shillong khnangba ngan loh leit wad jingtip na i mama kumno ka long kumno ka man ka kam ba i pynleh na ka bynta jong nga."

I kmie ruh da ka jingsngewbha i la ong "dei ban da leit mih keifi, ban tip la ka dang ka wai."

Ha ka sngi kaba bud, u Rijied u la khreh ban leit sha Shillong ba kumta u la bam la dih bad u da thep de khyn-diat khynsoit ki jhur ki phan na ka bynta ban rah sha Shillong. Shwa ba un mih noh, u Rijied u la khublei ia la i kmie bad u ong, "shongsuk mei, nga la leit."

"Leit biang khun, to U Blei ruh Un don ryngkat bad phi, ba phin loh ia kaei kaba phi thmu bad ba donkam eh ha ka jingim jong phi."

Hamarba u Rijied u dang mih ha phyllaw, kyndit kyn-dit uwei u ngap u la tawiar ia ka khmat jong u Rijied lai sien bad nangta u la jah noh. U Rijied u la sngewphylla ia kane ba kumta u la rung biang sha poh ing bad u la ong, "Mei! uwei u ngap keifi u wan tawiar ia uga mynta hamar-ba nga mut ban leit noh artat, lai sien tawiar bad u jah noh artat! ka mut aïu kane mei?"

I kmie i peit da ki khmat puh sam-rkhie sha la u khun!bad i da ong, "Phin sa loh kaei re ka khubor ba bha bad ba sngewtynnat shibun eh mynta ka sngi." Tang shu dep kren i kmie, u Rijied u la mih ban ap kali noh ha rud surok. Katba ka kali kam pat poi u Rijied u la shu pyrkhat ia kine ki ktien ba i kmie i batai la kin urlong shisha ne em. Katba u dang pynleit jingmut kumne mar-wei, ka wei ka kali iew kaba na sha Nongsharum ka la wan poi bad kumta u la pynsangeh bad kiew noh artat da kata.

Da ka jingthrang bad ka jingangtud ka bym lah ong ahuh ban tip la ka kam ka long ka man kumno, u Rijied tang mar shu poi ha Shillong, u la pyakloi lan ban leit

sha ing jong i bah Rising. U la kiew da ka Bos kaba la ap lypa hangta sa ba kan laid noh artat. Tang shu poi ha Laitumkhrah, u Rijied u la hiar noh na ka Bos bad u la leit beit beit sha ing jong i bah Rising. Ynda u la poi ha ing jong i, u shem ba i bah Rising im pat wan trei, i lok jong i ruh im don. Nangta u la kylli na ki khun jong ki, "I mei pat shano theirit?"

"Oh i mei ? I dang shu mih kumne ban leit don kam sha ing jong i Nah bad nangta in leit artat sha lew de namarba dei ka sngi Saitjaiñ, in leit siew jingsiew artat, shong seh bah bah, i papa kumne i la poi artat namarba ki loh shuti shiteng sngi," la ong ka khun ba ar jong i bah Rising.

Da ka jinglyng-a ka bym don pyrthei shuh bad ka jingkwah tip noh ia la ka kam, u Rijied u la shong hangta ha ing jong ki ryngkat bad kita ki khun jong i bah Rising. Tangban myllen, u Rijied u la ia kren noh ia kita ki khynnah, "Theirit, i kong thei pat im pat wau skul seh? Ne i leit shano?"

"I Theihah, i la wan naduh hynne namarba dei ka Sngi Saitjaiñ, ki long mynstep hynfiew baje bad ki wai pat shiphew baje. Mynta te i la ia leit lang bad i mei sha lew ban farap kit jingsiew lang," la jubab ka theirit.

Katba u Rijied u dang la bun ktien kumne bad kita ki khynnah, i bah Rising ine i la da wan ngung, bad tang shu rung i la lohi ia u Rijied ba u la don hangta ba u da ap la i, "phi la wan bah bah?"

"Hooïd mama."

"Phi la poi slem ne?" la kylli i bah Rising.

"La kham katto katne por ei ei, phi mama."

"Nangshong khyndiat, mo?" la ong i bah Rising.

"Kiei kine katne katne, mano ba wan rah, i bah bah ne?" la kylli kyndit i bah Rising ha i theirit.

"Hoooid papa, i wan rah i bah bah na sha shnong jong i myn hynne mynstep."

"Balei bah bah phi da wan rah katne katne tang pynkhia ei la lade pynban, ngi shane ba jan ka iew ka hat ngi ju loh hi man ka sngi," la ong i bah Rising fa u Rijied.

"Yn lei Phi mama, teng teng te, sa kawei pat ruh ba nga shong da ka kali te yn shitom lei?"

"Khublei shi bun eh la phi bah bah," la ong biang i bah Rising.

"Koit ym lei lei, mama."

Ynda la dep law jaiñ law nep, i bah Rising i la wan shongkai lang hangta ha kamra shongkai bad u Rijied bad katba ki khun pat ki nangleit pynkhreh sha fa ki.

"Peit shane bah bah, la kito ki kot ki sla jong phi nga da dep thep, nga la fa kren ruh bad u sahep rangbah ba un sngewbha ban iarap lem fa phi ban Pynrung ha ophis jong u. U ruh u la mynjur hadien ba nga la iathuh fa ki jingshem lanot jong phi baroh. Da ka jingsngewsynei u la ong ba un sa ai shithi fa phi lehse ha kaba jong une u bnai, kata ka mut sa tang shitaiew pura thik. Leh kumne mynta, leit noh sha la shnong bad pynkhreh pynkhrum fa ki jingdonkam baroh. Ka ing shong te phi lah ban sah lang bad ngi shipor, haduh utai u wei u bnai namar fa kato ka kamra ba shong ma phi mynshwa, la shong uwei u shipai liengsuiñ, bad u la ong fa nga ba un mih noh ha u tai u wei u bnai namarba u la shah thungkam sha wei pat. Kumta phin sa sah biang ma phi ha kato ka juh ka kamra," la ong i bah Rising.

"Khublei shibun eh mama, ngan sa leh kumba phi la bthah fa nga ban leh," la ong u Rijied da kaba sngewnguh bad kmen namar mynta te imat ka la long kam kane ka jingkwah bad jingthau jong u baroh.

"Mama kata ngan shu leit noh shwa ma nga, namarba dei ka sngi Saitjaiñ, dang don Kali kaba leit, san baje jan-miet," la ong u Rijied.

"Leit pat lashai seh bah bah, phin beh ing ban leh aiu, namar la shai ka dei ka sngi U Blei te, sah kai noh shane mynta shimiet," la ong pat i bah Rising. U Rijied ruh, da ka jingkyrpad eh jong i bah Rising u la mynjur ban sah noh. Kata ka miet hi baroh shimiet ka la long tang ka jing-kmen suda ka bym lah ong shuh ia u Rijied namar ka kam kaba u khmih lynti baroh shi katta ka la long kam.

Dangstep ha kata ka step kaba bud, u Rijied tang shu dep dih sha u la ong, "ngan leit noh da ka kali step ba nga hap leit jinglaseng pat sha ka wei ka shnong kaba marjan, namarba ka don ka jinglaseng kyrpang hangta bad ngam bit ban pep namarba la ia kut ban ia leit lang bad uwei u para lok," la ong u Rijied.

"Niuma, phi lah ban leit namarba phi ong ba don jing-laseng kyrpang kumta te, hynrei nga nangmut ba phin leit da kaba mynsngi shibit," la ong i bah Rising. Kumta u Rijied u la mih noh artat u da ong" ieh kampher ka por ka dang bun shadien ban ia shongkai shonglaid, nangla shongsuk ho baroh, nga la leit, u da mih ban leit noh artat. U Rijied, tang shu poi ha la shnong, u la lathuh ia kiei kiei baroh ba la jia, bad kumno ba i mama Rising i la larap-ia u ban loh ia kata ka kam. Katno i kmie i la kmen bym tip brierw shuh namarba u khun jong i mynta un sa loh ban leit pule biang sa shisien, kumta i la ong, "phi loh khun ba U Blei Um ju ieh noh la ki rangli ki juki ne kino kino kiba shem lanot ha kane ka pyrthei tangba barabor kidei ban nym klet la U wat la ha kano kano ka por."

Sa shisien pat ka Aiom lyiur ba lyhep bad ba dum lyoh ka la leit noh, kaba ju kah dum ia ka jingshai bad jingsyaid jong ka sngi. Ka lyer kyrthep ruh kam don shuh, u pyrthat ba tied sngewtriem ba ju pynsmiej ia ki jingthaw baroh mynta u la leit noh hynrei ka Aiom Synrai ba pyngngad bad ba phyrnai khlir kala wan biang ban noh kjat ha ka

mariang, ha kaba ki soh ki pai ki la ih. Baroh ki briew ki sngew kylluid met ban faid ban ieng katba mon, namar u slap um don shuh ban pynthut ia ki lane u lyoh ieng ba dum u la lait na ki. Kumta ki im phuh mut phuh mat bad da ka jingkmen ki leit sha la ki bri ki lyangkha ban lum ban lang ia la ki jingthung jingtep ia kiba ki la trei shitom baroh shi snem. Ki lum ki wah ki dap ki shlei tang da ki jingpah sngewthiang jong ki sim ki doh. ki ngap ki lwai bad thapbakrai. Baroh ki i kumba kila klet lut ia kito baroh ki jingsngewsih ba ki dang shu mad bad ba mynta ki mynsiem jong ki shlei ki dap tang da ki jingkmen suda. Dei ruh kum ha kane ka por ba ka mynsiem u Rijied ka la shlei tang da ki jingkmen bad jingsngewbha suda, ba kumta ki sngi ki la da poi sha kaba kut artad jong u bnai, sa tang ar sngi dang don ka por ia u Rijied ba u dang dei ban don ha la shnong. Ha kata ka sngi baroh shi sngi u la leit ban sum ban sait bad ynda jan miet u la dei ban song ban lum lypa ia ki jingdon kam baroh kiba u dei ban kit sha Shillong namar ka jingdon kam jong u.

"Mei, la shai ka sngi te nga la dei ban leit noh sha Shillong, khnangba ngan ioh leit sdang ia ka kam la shi-sngi kumba la ong i mama," la ong u Rijied.

"Ka bha keiff khun ban nangleit noh, wat nym pynslem ioh sa palat pat ka por." la ong pat i kmie.

"Mei ngan nangleit shwa ma nga bad hadien katto katne por ngan sa wan shaw ia phi de ban shong ryngkat ruh bad i Duh." la ong pat u Rijied da ka jingkmen.

Ka sngi laiphew tarik ka la poi ba kumta ruh, u Rijied u dei ban mih noh na la shnong ban leit sha sor Shillong. Kumta u la ong la la i kmie, "mei, sa nang shong suk, Duh ma phi ruh nangleh tipsngi ho? Ngan leit noh bad ngan sa wan shaw pat ia phi hadien katto katne por," la ong u Rijied. Nangta u la mih artat, ban leit noh sha Shillong ryngkat bad ka khmat kaba phuh samrkhie rymmuñ na marba u la kmen oh ba u la ioh kam mynta bad u da kyrmen ruh ba katto te un sa ioh leit pynbit shuh shuh la de hadien na bud.

Ynda haba u Rijied u la poi ha Shillong, u la leit shwa sha iew ban thied jingthied khyndiat khyensoit, kum ki jing-tah jingber bad kiwei kiwei de. Tang shu dep kine ki kam baroh, u Rijied u la leit noh sha ing jong i bah Rising. Bad tang shu poi tiap ha ing jong i, u la iohi 'ba i lok jong i bah Rising i ieng kai ha phyllaw. Bad tang marshu iohi ia u Rijied ba u la wan kit la tum la tam, katno ka mynsiem jong i ka kmen namarba ki sngew shngaiñ bad sngewtynnai ba u long u khynnah uba tip sngi bad donburom.

"Bah bah, phi la poi? Ale ale ai ka kti ban ia khublei donbok, namar mynmiet i kpa i la pyni ha nga ia ka wei ka shithi kaba dei ka jong phi, bad kata ka dei ka shithi thungkam. Phi hap ban leit sdang noh la shai ka sngi hi," la ong i lok jong i bah Rising da kaba kmen lem.

"Shano, i bah, im pat wan'trei ne?" la kylli pat u Rijied.

"Em phi, mynta ka sngi ka dei ka shuti aïu re i 'ong, kumta i dang leit donkam hangtei hanong khyndiat, kumne i la wan artat namar i la mih naduh kham hynne," la jubab i lok jong i bah Rising.

"Thei thei, khie pyntiew noh da ka sha ia i bah bah namar ba i la thait i bapli katne ki tum ki tam ba i 'kit," la ong biang i lok i bah Rising ia la ka khun heh. Hadien katto katne por ba ki la dep diñ sha, i bah Rising ruh i la da wan, tang shurung i la shimkti donbok ia u Rijied bad i da ong, "phi uba da donbok shisha, la shai ka sngi phi la dei bau leit sdang noh ia ka jingtrei," la ong i bah Rising da kaba kmen eh.

"Hooid mama, nga la dep tip na i kong mar ia rung hynne, kumta nga ai khublei shibun eh ia phi uba la pynkeh shitom na ka bynta jong nga," la ong pat u Rijied.

Kata ka sngi kaba bud kala poi (ka shi tarik), ba kumta u Rijied u leit sdang ia la ka jingtrei. Ha kaba sdang u Rijied u shem ba ka long kaba eh ia u u bym pat ju mlien trei kam sorkar hynrei namar ia jingminot bad trei hok

jong u bad sa kawei pat ruh u doi u ba kham proh artat ka jabieng, ba kumta tang hapteng khyndiat sngi u la da nang. ban trei haduh ba ka la pynlyngngoh ia baroh kiba ia trei lang hangta ia ka jingtbit trei kam jong u. Kawei ruh ka daw kaba la pynlong ia u Rijied ban long uba shemphang kloi ha ka rukom trei ka long ba um ju don ka mynsiem lehraifi ne sngewpoh ban kylli na kiba la kham tip ia ka ei kaba um sngewthuh: kane ka la pynlong ia u ban long uba tbit bad proh ha ka rukom trei kam Ha kane ka liang, ka la pynlong ia u Sahep rangbah ba un ieit bad shaniah ia u Rijied. Ha dien shi bnai ei ei ba u la trei, u Rijied u la shong noh la ka jong namar ba uta u Shipai Liengsuifi u la mih. Ha kawei na ki sngi Saitjaifi u la ong ia i bah Rising ba un leit shaw noh ia la i kmie lem bad la ka para ba kin wan ia sah lang noh bad u.

Naduh uta hi u bnai, i kmie lem bad la ka para khatduh jong u ki la wan sah ryngkat noh sha Shillong lem bad u Rijied. U ruh-naduh uta hi u bnai u la leit pynbit shuh shuh ia lade ba St. Anthony's Kolej kaba don shato sha jan.

Ynda haba u Rijied ula trei kumba shi snem ei ei, kane ka para jong u ka la lathoh noh bad u wei u samla nongkyndong uba la trei ha Shillong (kane ka la long da ka jing-ia pynbeit kaba don burom surom), kumta u la lalam noh ia ka ban sah sha Mawkhar. U la ong ruh ia i kmie (kiaw) ban leit lang bad ki, hynrei i pat i la ong ba in sawan, tangba mynta shipor in sah kai shwa bad u khun shynrang namarba u marwei eh.

Hadien katto katne snem, u Rijied u la pyndep 'ia ka jingpule ha Kolej. Ha kane ka por mynta, ula sngewthuh ba u la lah ban wad da kiwei pat ki kam kiba kham heh lada U Blei Un larap ia u. U tip skhem ba ha kane ka por u la long ruh uba bit ban lalah wat ia ki eksamin ia aireng lada don.

Ha kawei ka sngi katba u dang shongkai ha la kamra ha ophis, u la peit kai ia ki kot ki sa bad hangta u la shem

ia kawei ka jingpynbna kaba u ihm u ban ialeh bad da ka jingmut kaba skhem bad da ka mynsiem kaba thrang u la tyrwa ia lade sha kane, da kaba kyrmen ba ha kane ka kynti ruh U Blei Un nym iehnoh ia u kumba u la iarap ia u man ka por. Man ka sngi haba u la wan trei, u Rijied um ju shongthait hynrei u pule ia ki jaid kot kiba ia dei bad kane ka kam. Shem hadien katto katne por, u Rijied u la ioh ia ka shithi ba u lah ban ialeh ia kata ka eksamin. U la leit ban pyndep ia ka da ka mynsiem kaba shynrang bad kumta u la lah ban pyndep bha ia kata ka eksamin jong u da kaba jem namar baroh ki jingkylli ki ngat na kaba u la pynkhreh baroh shi katta.

Ym slem hadien kane, ka jingtip ruh ka la mih, bran bran u la leit ban peit ia la ka kyrteng la jong bad da ka mynsiem kaba kmen bad ba phuhmat u la lap ba ka kyrteng jong u ka don ha ka kyrdon ba sha khmat.

U Rijied hadien kane u la ioh kawei ka kam babu rangbah ha kawei ka ophis, bad u la dei ban peit ia ki ba bun ki nongtrei ha kata ka ophis hapoh jong u.

Shisnem kynthih ba u Rijied u la bat ia kane ka kam, u la shongkurim noh artat bad kawei ka samla kaba trei ha kawei ku ophis ia kaba u la ia iait ia thoiñ la kham slem. Kane ka samla ka long kaba bha briew hynrei kaba kham kongsan ka long ba ka wan na ka Ing ba donburom bad ba bha jong ki briew.

Ym slem hadien kane ka jinglashong jong u Rijied bad kata ka samla, ba i kmie jong u ruh i la mih noh ban leit sah bad la ka khun khatduh, bad i da ong, "mynta te ba phi la don ba pynshet pyntiew bad ba ka pyrthei ruh kan nym ioh kren ei ei, bad kumba dei ruh ka rukom, dustur jong ngi kumta ngan leit sah noh bad ka khatduh sha Mawkar. Nga lah ban wan sah kai ruh bad phi teng teng" la ong i kmie u Rijied.

U ruh wat la ha ka jingshisha u kwah eh ba i kmie la shong bad u hynrei yada u la pynshongnia bha ia ki ktien

ong i kmie, u la sngewiahap jingmut bad u la ong, "kaei kaei kaba phi pyrkhat ba ka long ka ba dei, ka biang ruh ia ngi bad kano kano ba phi don kam nga kloi ban iarap ia phi ha kano kano ka rukom."

Naduh kata ka por u Rijied u la dei ban sah hi noh tang baroh arngut. Kine baroh arngut ki la im ka jingim kaba suk bad ba kmen haduh ban da ioh sa ki khun ki kti ruh.

Ka jingiapoi kha jong u Rijied bad kane ka samla ka la long da shisha ka jingkmen kaba khraw ia kiba ha ing ha sem baroh kumjuh ruh ia ka ing i bah Rising hi baroh kawei. Ka daw ka la long ba kata ka samla ka long kaba don burom bad don akor bad kawei ruh ka la don la ka jingnang jingstad ka ba biang.

KA 'WEI SHAIDOM.

Ki lum ba itynnat ryngkat bad ki 'lawbniap ba tngen, ki dieng ki siej, ki kohnguh khlieh ha ka jingbeh jong ka lyer batemon batesi ha kliar jong ki. Ki syntiew ki skud ba laiphew skit ba phuh ha la ki rong ba pher ba pher, ki pyn-dap ia ki at ki them da ki jingiwbihi subsieng ba har rukom. Ki ngap ki lwai, ki thapbalieh bad kiwei de ki her na uwei u syntiew sha u wei pat ban shad ban kmen halor jong ki bad ban kjit ia ki um ba thiang jong ki. Ki sim ki doh, ki mrad ki mreng ki ia shad ia kmen ia rwai ia pah sngewbha ha syrngiew jong ki dieng ha bniap ba itynnat, ki da pynpaw ia ka burom jong U Trai Nongpyn-long bad ia ka jingstad ba maian jong U, ba U lah ban pynlong kat ia kine kiei kiei kiba khraw bad ba itynnat. Ki umpohliaw ba kyrsoi bad ki duid ba sngur ki mih bad tuid na ki ranab bad sharing jong ki lum, ha kaba ki briew kumjuh ki mrad ki mreng ki ioh ban dii kyrhai ia ki um ba shngiam bad ba bang. Lyngba jong kine ki khap lum, ka Wah Umsa ka mareh bad sum khlieh arsut ia lade ryngkat bad ka kynhoi ka risa ha syrngiew jong ki bniap ba tngen. Ka da mareh stef ruh shaid shaid khlem shong-thait tat haduh ba kan da poi ha kawei ka kshaid ba

itynnat, hangta ka phriang ia la u 'niuhkhlieh rymphai bad ka suh thiaw ia lade sha ka thwei ba jngum; hangta ka khih ka ksaid bad ka sa sdang pat la ka lynti.

Kane ka thwei ka long kaba itynnat katta katta tangba ka wei ka jingeh ia ki nongleit jngoh kai ia ka, khamtam ha ka por lyiur, ka long namarba ka thwei ka don ha ki arkhap jong ki lum bah bad ha trai jong ka wei ka kshaid. Ha ka por lyiur, ngi lah ban iohsngew ia ka jingkyrhuh jong ka. Ka jingkyrhuh ka long la kat kawei ka Karkhana heh, lada ngin leit jngoh kham hajan; ngin iohi ia ka thnam um kaba mih nangta kaba pynlieh shaid ia ka thwei baroh kawei, la i kumba la tap da ka ior jong ki lumbah Makashang hi. Ngin nym lah ban iohi shuh ia ka um ne ia ka jingjylliew jong ka thwei namar ka jingtang jong kane ka thnam. Ka kyrteng jong kane ka thwei ka long ka 'Wei Shaidom, kane ka don ha ka Hima U Sordar Laitkroh, kaba don shathie na Sor Shillong kumba 18 mail ne 28 KM ha ka surok Shillong—Sohra.

Khyndiat shaphang ka kyrteng jong kane ka thwei, balei la khot 'Weishainom ia ka? Ka daw ka long ba namar kawei ka samla kaba kyrteng ka Shaidom ka la noh iap ha kane ka Thwei; na ka bynta ka jingksanglad jong ka kmie bad u kpanah jong ka ban ia poikha bad u wei u samla uba kyrteng u Stew. Une u samla u la iap noh hadien ka jingshah leh ijot ha ka kmie jong ka Shai, kane ka la pynlong ia u ban iohpang sngewsih. Ha lynti katba u dang mut ban leit sha la ing; ryngkat ki jingsngewsih bad ki ummat kthang kiba la tuid na ki khmat jong u, haduh ba um iohi shuh wat ia la ka lynti ruh. Dei na kane ka daw ba u la ur bad hapdeng ka miet ba khriat ryngkat ka jingthangan kaba jur u la iap tyrsaw noh. Hadien ba ka Shaidom ka la tip ia kane ka jingjia ba sngewsih ia la uba iait la jong, ka ruh ka ong ba kam myntoi shuh ban dang im shuh ha kane ka pyrtthei khlem u nong pyntngen. Kumta ka la leit noh iap ia lade ha kane ka Pung (Thwei). Na kane ka daw la khot noh ia kato ka Thwei "Wei Shaidom" ha ka kyrteng jong ka hi.

Ka jinglathuhkhana ka laid kumne: Ka Shnong Nongrit, ka dap tang da ka jingshongshit bad ka jingbun briew parum pareh, kiba laid ba ieng man ka janmiet bad man ka step. Ka daw ka long ba ha kata ka por ha kane ka shnong Nongrit, la don kawei ka 'thei samla kaba long ka khun ba marwei jong i kong Salin bad u kpa jong ka, u la lap noh naduh ba maka ka dong rit eh. Ka kmie jong ka kala loh kpanah noh. Ka kyrteng jong uta u kpanah jong ka Shai u dei, i bah Bising. Kane ka khynnah kala long kaba bha briew katta katta, haduh ka ryngieng rynlot, ka dur ka dar bad la u 'ñiuhkhlieh uba jrong rymphai la kum ka Puri blei hi. Ia ka dur jong ka la i kumba lada oh khnang da u Nongohdur ba tbit tam jong ka pyrthei. Lada ngin peit naduh i khmut ine jmot, ki ngab kine sawhoiñ, ka rymiang shyntur kaba stang bad i kumba lada tah saw khnang. Ki kti ki kjat haduh ka met ka phad baroh kawei, ymdon shuh ka bynta jong ka ba dang don ki ban kynthoh. Katsha ba ka leit maka ki khmat ki briew naduh ki kynthoi shynrang, barit bad bala san ruh ki shu kynriang tang sha ka.

Man ka miet, ka iing jong I kong Salin kam ju duna ia ka shiphew ne khatsaw ngut ki rangtyrwa kiba wan na la ki jong ki jong ki shnong ban wan ia pyrshang ia la ki nusib la jong bad ban pah sngewtynnatt ha la ki jong ki jong ki sur kiba pher ba pher, sawdong ia ka ding ba ryhem. Kine ki rang ki ju sei iala ki khana khana, don ruh kiba kren kai da ki ktien siat ba laiphew jait, don ruh kiba shu biria shaid shi shaid bad don ruh kiba shu rwai da ki jingrwai ba pher ba pher. Man la uwei pa uwei u samla u don la ki jong ki jong ki jingthmu bad la ki jong ki jingleh.

Kawei na ki jingrwai ba kham paw eh kaba la rwai da uwei u rangsamla uba kyrteng u Stew, u khun i bah Step iba shong ha shnong Ryngikseh, u la rwai kumne:—

Wat la lumbah ai kin khang,
Namar jong phi kin kylla madan;
Tang namar jong phi te thei,
Nga kloï ban ieh ia i pa i mei.

Man ka por nga ju pyrkhath,
 Kumno ngan loh shong ryngkat;
 Lano sha kita ki sngi,
 Ban loh la kmen lem bad phi.

Katno jingsngewtynnath,
 Ban loh la shong ryngkat;
 Ynda la poi kata ka sngi,
 Ha la i ing tang arngut hi.

Nga puson ruh man ka sngi,
 Synñia bad sngi tang la phi;
 Ba ym don ki wei pat thei,
 Lait tang ma phi hi marwei.

Kine kila long ki jingrwai jong u Stew ha kawei na ki
 miet ba ula wan kai. Kumne keifi ki sngi ki bnai ki laid ha
 ka jingim jong ki baroh.

Ka por thangstong nangta ka poi, ba kumta ruh kine
 ki rangsamla ki la tyrwa la lade lade ban leit larap la i kong
 Salin mar mar shi sngi. Ka sngi kaba ki la lait lang dei ha
 ka sngi lew Lyngka, namar ha kane ka sngi, ki briew jong
 kata ka thaifi ki ju la shong sngi na la ki kam ki duk baroh
 bad ki ju leit sha ka jaka lasiat thong kaba la long hapdeng
 U Laitkroh bad U Mylliem.

Ha ka miet sngi lew Umni, katba ki dang la shongkai
 lyngngai sawdong la kata ka ding ba klang bad ba syaid, ha
 ing jong i kong Saiin — “Kumno khynraw, kata phi la beit
 em ba la shisngi, ngin la leit larap thang stong la ki jong i
 kong Shai? Ne phi la ong kumno?” La ong u bah Mon-
 lade.

“Wa! shisha mo? Lada poi ka sngi lew Lyngka khlem
 lap ba lohngew,” la ong u Pynbudlang.

“Ngi dei keifi ban la leit baroh, ne phi la ong kumno,
 phi kine kiwei kiwei kiba shu sngap?” la ban ktien sa a
 Stew.

"Ngi dei ban la leit {keifi, baroh," la ia mynjur lang kita kiwei de

Ha ka miet lewduh, baroh kita ki rangsamla, kila wan poi iwei hadien iwei pat ryngkat la ki tiar ki tar namarba kin loh la trei ha lyngkha jong i kong Salin.

"Ka lyngkha jong phi shano sha kumto, kong?" la kylli u Stew.

"Mynta ka snem te, ngi ia rep sha Wah-U-Sim phi, hep Stew," la jubab i kong Salin.

"Kata kam da jngai eh du, ym dei?" la kren pynbud sa u Pynbudlang,

"Ka la shu bit hi, jan ruh ym jan shuh bad ban ong jngai ruh kam pat da jngai eh phi ban ia nujor bad kiwei kiwei" la ban ktien biang i kong Salin.

Ha kata ka miet ruh kumba ki ju leh man ka miet, ki la ia shongkai lyngngai sawdong ka Dpei ba ryhem ban lathuhkhana ban ia biria bad ia rwai ia siaw de.

"Shai, khie leit khat uto u Riewhadem na u Sup ban la shet hangne katba ngi dang ia shongkai, khnangba ngin loh rah la shai sha lyngkha, ban loh bam sugi" la ong i kong Salin. "Oh! sngewbha seh hep Stew, pynrah lem u tei u khiew phiang bad ka um de, na jingbyum, khnangba ngin loh shet riewhadem," la ong i kong Salin.

Ka miet ka la nanglaid khlem da sngewthuh, ba bang eh ka khana. Ka por ruh ka bym ju ap lano lano, ka la mareh stet khlem da sngewthuh. "Are! la da jan shiteng synnia du! kumno kumta?" la ong u Peitngor.

"Pynmeh shaid-shaid ka ding, Shai, shim dieng shuh na shyngkup, khnangba un ih une u Riewhadem, nga te ngan leit thiah noh phi, phin dang ia shongkai shwa? Te sada ia peit lem martat ka ding mo? khnangba un ih bha uto u riewhadem?" la ong i kong Salin.

“Hooid kong, ngi ruh ngin thiah noh tang shu kham ih une u riewhadem” la ong u Stew bad kiwei de.

“Shai, khie dangstep ho tun? Ba ngin loh leit no h kham step, ban dep kloï ka trei ka ktah,” la ong i kong Salin.

“Hooid mei,” la jubab ka Shai.

La dangriew u 'iar nyngkong. ka Shai ka la da khie thiah Ka la sdang ka shet ka tieu. Shwa ban mih ka sngi baroh kila da khie thiah, ki la sdang ban ia bam phan-karo khyndiat. Nangta ki la shim la ki byrni ki da leit sha Pungsboh ban leit thep sboh, ba kin loh kit la shibit sha lum.

“Ale ia bam ja noh keif, khnangba ngin loh leit no h,’ la ong i kong Salin ia kita ki samla.

“To to kong, ngi la ia wan artat kumne,” ki la ia ong lang baroh.

Ynda la dep bam dep dih, baroh kita ki samla kila shim la u star ban leit kit ia kata ka sboh sha lum.

Kata ka sngi ka laïd bad mareh stet haduh ba ym lah sngewthuh, ka kam ruh ka laïd beït laïd ryntih bha, ka daw ka long ba ki ia trei ryngkat bad ka rwai ka siaw, ka biria ka birai, ka por ka laïd haduh palat ia ka shiteng sngi.

“Nga la sngewthngan te phi, imat la dei mo ka por bam sngi?” la ong i kong Salin.

“Tip nga pat ngam shym poi kynmaw ia kata ka thngan bala bang eh ka khana i bah Shngiam,” la ong u Peitngor.

Nangta i kong Salin i la peit ia ka sngi, i la lohi ba ka la sdang nohphai. “Wow! la miet du pleng! khie khie Shai, ot uto u piat u sying, ban ia bam sngi noh.”

Mar ia dep bam sngi, kila sdang pat la ka kam ban trei pyndep syndon la kata kaba sah sa tang khyndiat. Dei hamar ka por shwa ban sep ka sngi, ba kata ka kam baroh ki la lah ban pyndep lut. Ha kata ka janmiet baroh kita ki samla, ki la hap leit bam leit dih shwa sha ing jong i kong Salin namar im shah ia ki ban leit khlem da leit bam leit dih shwa namar i ong ba i la dep shet lypa ka ja na ka bynta jong ki baroh. Da ka jingkyrpad eh jong i kong Salin, baroh ki la hap leit sha Nongrit ha kata ka janmiet.

“Shai, nangjam noh ma pha sha khmat katba ngi nanglum nanglang ma ngi ia kine ki tiar ki tar”

“To mei, nga la nangleit ho baroh, sa nang ia wan ma phi,” bad ka laid stet artat wut wut.

Ha lynti sha ing jong i kong Salin, katba baroh ki nangia laid synran ia i kmie jong ka Shai khnangba kin loh thied ia ka jingieit jong i, ryngkat ruh bad ki ktien padiah jong ki thylliej jong ki ha la ki jong ki jong ki jingpah. U Stew pat uba la thap bha baroh shikatta kumno ba un loh ia ka lad ban ia kren hi para marwei bad ka Shai, ba kumta ha kané ka por u la loh ka kabu ksiar kaba biang eh namar baroh kim kymaw sngi ei ei ruh em ia u, namar ki ia bun ktien eh bad i kmie jong ka Shai. Kumta u la mareh bak sha khmat katlah katlai, khnangba un lap ia ka Shai. Tang ha dien katto katne por ei ei u Stew u la da lap ngong ia ka Shai, “Kong Shai, phi la da poi shaduh shane seh? Wow! ka jingstet jong phi te, la kum ka lyer du!”

“Wa! i bah Stew du! nga nangtharai ba phi dang ia wan ryngkat bad ki jong i mei,” la kylli ka Shai.

“Hooid keifi, ngi ia wan ryngkat, tangba ki pat ba ki ia laid suki than, te nga ia lap ka sllangum bym don pyrthei shuh, ngam banse ban loh noh ia ki bad ban nangjam noh sha khmat,”

“Nga ruh keifi nga ingewsiang um hynne, imat ba shit eh ka sngi hynne mynsigi phi ade mo?”

“Ba ong keiñ phi, ka shit aïu ka ba la palat shisha te kat hynné ka sngi te imat ym don shuh shisha.”

Katba ki dang ia bun ktien kumne baroh arngut, u Stew u la sdang ban phawer kumne kumtai bad u la sdang ruh ban bsiat jingieit na jngai na jngai (ngan nai da pynbun ktien shuh ban iathuh shibun kiei kiei ia kaba ki la ia kren kine ki samla arngut, katba ki dang leit phai sha ing namarba bun na ngi ki 'rang samla bad 'thei samla lane ki longkmie longkpa ki la ia tip kham bniah, haba kumne ban ia laid hi tang arngut para samla). Ha kaba nyngkong ka Shai ka la leh kum ka bym pei phang satia ia kita ki jingkreng jong u Stew, hynrei katba hapoh ka la sngewthuh lut aïu ba u Stew u thmu (khyndiat shaphang jong u Stew, une udei uwei na ki rangsamla kiba la ia wan kai sha ing jong ka Shai man ka jan miet. U dei ruh uwei na ki samla ba ka Shai hi ka la lapmat bad shoh jingieit, tangba kum ka kynthei kam long ka rukom ban kren ei ei, kumto ka la hap ban ap ia ka por. Mynta ka jan miet ka la sngewkmen namarba ka jingthmu jong ka ka la urlong). Ynda ki la ia laid kumba katto kat-ne ei ei, u Stew u la ong, “kong Shai, phi lait ma ban ia leit sait jaiñ la shisngi sha Wahumdong?”

“Lait te ym lait balei, namarba mynta la dep kam dep jam shi khep shi khep, tangba loh im shah pat i mei keiñ.”

“Sa ong ba yn ia leit lang bad nga, tangba wat nym kylli keiñ ha ka por ba ki ia don kito kiwei ba salia mo.”

“Ieh ngan sa shu pyrshang bad la da i shah te ngin sa ia leit keiñ.”

Katba kine baroh arngut ki dang ia bun ktien, ka lynti ba ki laid ruh ka la shu kut khlem sngewthuh bad ba ki shom ba ki la da ia poi pynban ha phalor ing. Ynda ki la ia shong shiphang ha ing, bad katba ki dang ia bun ktien baroh arngut, “sngap ! sngap !” ki da pynshah bha la ki shkor. “Oh, ki jong i mei phi plng kita ki la da lapoi, nga nang-sngew kumba mano re,” “la ong ka Shai.

"Wa ! i hep Stew du ita i la da poi, phi lah poi slem ? phi la ia wan ryngkat bad ka Shai ne ?" La kylli i kmie ka Shai.

"Em phi kong, nga lei te nga dang shu poi kumne, nga nangjam noh nangthie na rud 'nong namarba sliang um palat haduh bym don pyrthei shuh," la phai ktien u Stew.

Baroh kita ki 'rang samla kiba la ia wan ryngkat bad i kmie jong ka Shai, ki la shu ia peit seh para ma ki, khlem da lait kren wat tang shi kyntien ruh. Nangta ki la shu ia muih para ki, ki da ia kohnguh khlich artad kum ban ong - ka la biang, shato pleng ka thiah ka mon katto te kam myn - toi shuh ia ngi ban dang ia wan kai pat namar ngi la rem.

"Shai, la don um syaid ?"

"Hooidei mei, kaba nga dang shu rah kumne."

"Ai ha kine ki bah, ba kin ia sum ia sait namarba kiba pli ki la bthuh lut da u khyndew baroh shi rynieng kum ki bula," la ban ktien i kmie ka Shai.

Nangta, mar ia dep sum dep sait, i kmie ka Shai i la shim ar tylli ki bilor na lor Almari bad i la theh ia ka um. Sohpie na kita ki bilor ia kiba i la buh tyngkai khnang naduh ka por lyiur na ka bynta ka por Pyrem. Te i la ai ia ki mar mar shi tyndong siej ba rit bad i da ong "kane te ka larap ban pynjah sliang bad jahthait." Kumta baroh ki la ia dih ia kata ka umsoh ba ai i kong Salin.

Hadien ba ki la ia shongkai shiphang, ki la sdang sa bam ia bam ia dih noh namarba ki la sngewpyrhut ki snier, sa kawei pat ka leit dei sa kata ka um sohpie, ka la nang trei shuh shuh ia ki. Ynda ki la ia dep bam dep dih, ki la ia shong-kai shiphang. Shen hadien kata kim sngew lah kyrda shuh ki khmat la liep liep ba shoh samthiah namarba la ban artad ka jingthait. Kumta baroh ki la ia leit thiah, baroh ki la ia lohthiah ngai-ly-ngai khlem da tip shuh ia kaei kaei ruh haduh ban da shai syndon phlait.

La dangstep, ha kata ka step ba bud, ki la da la khie thiah baroh shwa ba ka sngi kan mih, shwa ba kin leit phai noh sha la ing la ing, i kong Salin i la ai shishang rit u phankaro ba kin la bam. Ynda ki la dep bad shwa ba kin leit phai noh ki la la kren la i kong Salin bad ia ka Shai de bad ki da mih noh artad bak. Ynda, jan miet ym shym la don uwei ruh na kita ki samla ki ban wan kai sha ing jong ki, ym tip na kaei ka daw kaba la pynlong ia ki ban pep. "Shano mo kumne, iwei ruh ym don ba wan mih mynta ka jan miet, imat ki la ia leit sum leit sait pynban, ade?" la ong i kong Salin.

"Ngam tharai phi, imat ki ia don kam aju re, namarba i bah Stew i dang ong ia nga ban ia leit saitjaiñ la shai sha Wahumdong teh."

„I ong mynno ia pha ita i bah Stew?" la kylli bniah i kmie.

"Mynhynnin, long em mei ba la shai ngan leit saitjaiñ?" La pan jingbit ka Shai na la i kmie.

"Tip pha ong, phan leit shaduh kat kata ka pyrthei sngi bad u shynrang briew?" La ong pat i kmie.

"Yn lei ka, namar u briew uba bha bad ba donburom kum i bah Stew," la ong pat ka Shai ryngkat ka jingkyn-deh jong ka shadem lem bad ka jingtied sted jong u klong snam.

"U briew te uba bha shisha, ka akor burom ruh u kham pher na kiwei pat ki para samla ba wan kai hangne, hynroi mano pat ban tip ne iohi ia ka dohnud jong ki briew tip kaba kumno," "la ong i kmie. "Ban shu tharai sniew eh la kiwei ruh-sngewlong pop pynban khlem tip ia ka dang ka duh," i la ong biang pat i kong Salin hadien ba i la sngap shiphang, la kum iba la pyrkhat sani bad pynshongnia bha ia kata.

"Mei, phin shah ne em ban leit, khnang ba ngan loh khreh la dang step," la kylli biang ka Shai ryngkat da ka

jingangnud bad lynga katba kam pat loh la ka rai kaba biang na la i kmie.

"Niuma, pha lah ban leit, tangba khmih keiñ phan poi ha ka por ba biang thik, wat jah miet, pha sngewthuh?" La ong pat i kmie.

"Hooïd mei," la jubab pynsted ka Shai da ka mynsiem kaba kmen bad ba puh mat.

La dang step phyrngab ha ka sngi iew Umlong, u Stew u la da poi sha ing jong ka Shai. "Wa ! kong Shai, phim pat dep khreh seh katta ruh ! nga naduh shatai nga lah da poi?"

"Nga la dep artad phi, nga dang ap sa tang ki jaiñ jong i mei ba i dang bujli," la jubab ka Shai.

"Wa ! i hep Stew du ! ita la da poi," la kren i kmie jong ka Shai. "Khmih kane pat katta, ka dang leh lyngngai, sha phi ong ban la leit saitjaiñ sha Wahumdong, ong ka Shai?" la kylli bniah i kmie ka Shai.

"Hooïd kein, namar shane sha jan te mynta Pyrem ym long sait jaiñ heh shuh te kong," la jubab u Stew.

"Tangba khmih, la wan kloï wat la jah miet ho?" la ban ktien i kong Salin.

"Hooïd kong, ngin la leh hi katba lah ban poi mynshai," la jubab u Stew.

"Ka Shai ruh ka la dep khreh dep khrum, ka la dep lum dep lang ki jaiñ ki nep baroh kiba dei ban sait, ka la wan mih ha phyllaw ha kaba u Stew bad i kmie jong ka ki dang la shongkai syaid sngi. "Bah Stew, la noh keiñ.

"Oh ! Phi la dep khreh ?" u la ong la ka. "Kata ngi la leit ho kong?"

"Khie da la leit biang." Kumta ki la la mih noh artad bak.

Ha lynti sha Wahumdong: "Kong Shai, phi kynmaw ba nga la kren ia phi ha kato ka jan miet, hynrei phi ong ba phim sngewthuh. Te mynta nga kwah keit ban pvnshai noh ha phi. Ba la slem bah nga la don jingmut ban ong ei ei la phi bad nga kwah ruh ba phi bad nga ngin ia long kawei, kumba kiwei pat ki para samla ki ia long. Te la phi kloï ne em ban aiti la ka jong ka jingieit jong phi ha nga?" la kylli u Stew.

Da ka mynsiem kaba lung bad ka jingieit kaba thehsei ha ka dohnud bad nador kata u dei ruh u samla uba bha brierw jarawaiñ, naduh ka akor burom ruh kaba biang, ka Shai da ka jingmut kaba skhem bad ryngkat da ka jingieit kaba kyrsei, ka la mynjur ban aiti ia lade ha ka shadem ba syaid bad ba ieit jong u Stew.

Katba ki nangiaid shata sha phud wah, ki da ia phylliew ia la ki jong ki jingieit iwei ha iwei pat haduh ba kim sngewthuh shuh wat ia ka lynti ba ki laid ruh, shano ki la poi. Ha kata ka sngi baroh shi sngi, ki la ia pynlut por ha kaba ki ia khlei ia ki ktien jali jaum jong ka jingieit iwei ia iwei pat ryngkat bad ka saitjaiñ. "Kong Shai mynta kumba shu ong noh, lada i mei i pa jong phi kim mon ban ia poi kha ia nga bad phi, hato kumno phin leh?"

"Lada jia ba ki leh kumta, nga kloï ban bud ia phi kat sha ba phi ñalam wat lada dei ban shah ia ki jingeh ruh ngan ym sheptieng ban ngan ym kynran dien noh na phi, hynrei ngan ñai neh bad shaniah lut tang ha phi hi," la jubab ka Shai.

Ka por ka laid bad mareh sted, ka sngi ka la sdang ban sep, ha kumta ki sa kyndit bynriew, "Wa ! la miet du! kane te ka ban ñap. I mei in sa mai la shibit ia noh bah Stew." Markumta hi ki la khreh khrum khrum ban lum ban lang ia la ki jaiñ ki nep; khnangba kin loh leit phai noh sha la ñng. Mar ia dep ki la ia laid noh kham sted.

Ka por ka la laid stet shaid shaid, ki kjat sngi jong ka prem miet ki la sdang ban noh kjat ha ka mariang, khang

ban pynkhreh ban leit noh sha kawei pat ka pyrthei. "Wa em phi ! shano kine ki brieve, katta ruh kim wan poi satia ! Kaei ba la jia ia ki ?" Hamar kata ka por la wan poi i bah Bising, iba dang wan na sha Laitryngew. "Balei phi ieng thapbñiur kum ka bieit, kmie?" La kylli i bah Bising (ia i bah Bising ym shym la pynpaw naduh kaba sdang namarba im don ryngkat, i leit trei sha Laitryngew)

"Oh ! i kpa du ! phi la wan?" la kylli i kong Salin.

"Hooïd, phi ap iano kmie ha bar katta miet?" La kylli pat i bah Bising.

"Ngam tip shuh phi, kato ka Shai ka ia leit saitjaiñ bad i hep Stew sha Wahumdong, katta ruh kim pat ia wan, peit la kem dum ruh ! Shano keiñ ka ia jah? Ani ! nga te nga la lyngngoh phi ia kito ki brieve, balei sha?" La ong i kong Salin da ka jingdiaw.

"Hep Stew!" la kylli kyndit pat i bah Bising, "Um dei uto u khynnah uba na Ryngi-Kseh, u khun jong i bah Step?" la kylli sngewthuh bha i bah Bising.

"Nga sngew i dei keiñ, balei kpa ? U khynnah te uba ka akor ka burom kaba la itynnat than te phi, u kham pher na kito kiwei pat ki para samla," la ong i kong Salin.

"Phi ong kumta kmie ! Hynrei phi tip pat ia ka tynrai jong u, ba u wan na ka jait ing kaba kumno ? Namar wat la phi i kum u Langbrot hynrei phim tip pat ba dei pynban da u Suri uba i shyrkhei ! La ong i bah Bising.

"Ngam pei phang kpa, ia kita ki ktien jong phi, phi mut ba u shu leh mynleh don akor tang ban tyllap ia ka akor sniew?" la kylli sngewthuh pat i kong Salin.

"Ka mut hi kumta kmie, namar phi i une u khynnah leh se u lah ban long u ba don akor burom shisha kumba phi ong, bad ia kata nga kubur, hynrei kat ba ki kmie ki kpa jong u pat ki dei kiba ki brieve ki tharai beh 'langthohkhlieh," la pynsngewthuh pat i bah Bising.

"Oh phin ong kumta kpa ! Ngam ju tip te namar naduh ba sdang pat phim ju ia-thuh khana ei ei ruh em shaphang kata baroh ! Shish nga sngewsih phi ban ong kumta."

"Nga la mut keiñ ban iathuh, hynrei ynda hadien pat nga la shu mut ba la kumno kumno phi la tip pynban; na kata ka daw keiñ ngam shim la iathuh shuh ia phi."

"Kito kiwei kiwei ruh ki para samla, kum ki jong i hep Peitngor, Pynbudlang, Shngiam bad kiwei, kim shym la wan kai shuh na duh mynshisngi, tip na kaei ka daw. Are! ia kpa yn ia leit wad noh shano ka ia jah katne por ruh kam ia wan," la ong i kong Salin. Dei hamar kata ka por ba ki dang ia bun ktien bha, ba u Stew bad ka Shai ki la ia wan poi kynsan. "Balei katta Shai pha dang wan! kumno nga la ong ia pha hynne mynstep! hynrei pha la da saitlah kumne mo ! Ani ! ko pyrthei ! pha la pynher syrngiew sat ia nga"

"Wat sngewei ei phi kong, map ia ngi bad wat nym mai ia i Shai, namar dei ma nga uba la pynslem ia i; namar katba i Shai i nanglum jaiñ, nga pat nga nap klah doththli, te ngam lap ba iohsngew ba ka por ka la ia id bad ka miet ka la sdang ban tap. Kumta ngi la ia khreh bak bak, bad ngi la ia ia id sted haduh ba ngi la sngewthait hi lan." La batai u Stew.

"Wat nym kren pynbieit ei ei ruh em ia nga ! nga la tip lut, ngam shym la poi pyrkhath ba phi phin long ha kane ka rukom! pleng ban shaniah ia phi i mat ym long ! Pha ruh nadien kane pham bit shuh ban ia leit ia wan bad u Stew ! Ngan nym sngewbha te ngan nym sngewbha shisha, shisha, lym kumta ngan pyndkoh ia pha bad kti bad kjat bad ngan sa byrsa suk ha jingthiah, pha sngewthuh ne em." La kren ia tim i kong Salin, khlem da pyrkhath bad da pynshongnia bha bad khlem don jingmap ne jingisynei ia ka jingpan map jong u bapli u Stew. Im tip ruh ba ka jingsarong bad ka jingha-nga-mei bad ka jingsngewbiang lut ia lade ba kan sa shet thai hi ia i ha la ki um ksang. Ha ka jingshisha, i kong Salin i la dei ban da kham tyngkan ia kiei kiei baroh tat haduh ban da la leit u Stew, nangta in sa sneng ne mai ia

la ka khun la jong. Hynrei i pat khlem da kheiñ bñew ia u Stew u bapli, i la pyllait lut katba don; ba dei na kine ki kyntien ba i la kren ha kata ka janmiet, ka la ktah jur shibun ia ka jingiatip lem jong u Stew bad ia ka akor burom jong u baroh. U da sngewbha kine kiei kiei ki long na ka daw jong u hi. Ka mynsiem jong u ka la shlei tang da ki jingsngewsih bad jingktang suda; kawei ruh ka long ba haba u peit ia ka Shai ruh kane ka la shu dem ka khlieh sha poh khyndew ryngkat bad ki ummat kiba tuid brup shi brup. Kane ka la nang pynlung mynsiem shuh shuh ia u. Haba u peit pat sha i kong Salin ine shu lep lep kum ka leilieh, lane lada u phai pat sa sha i bah Bising ruh ine shu jraiñ jraiñ la kum u pyrthat rkhiang. Ha ka jingshisha i bah Bising keiñ kum u rangbah bñew i la dei ban pynsangeh ia kane, lane ban tem bad ban nym ailad ban kren palat i kong Salir; pynban i ruh i kumba ki ia long ka juh ka jinglong la kum ka leilieh bad u pyrthat. Ka daw ka long ba imat i bah Bising im da salia eh katta katta, namar ba kam shym dei hok ka khun trai la jong bad ba ka dei tang ka khun ting ne khun ruit.

Ynda u Stew um lah shah shuh ban shong hangta, u la mut ban leit noh; kumta u la kren ia i kong Salin bad ia i bah Bising, ki ruh khlem jingsalia ki la kren jyndat ia u ba pli-
 “khie khie leit noh sha la ing la sem ba la miet ioh lap nong-shohnoh pynban shibit,” ki la ong baroh arngut.

Da ka mynsiem kaba khia bad da ka dohnud ba la pait arliang, u Stew u la phai sha ka Shai, “Kong Shai nga la leit ho? Nang shong suk.” Hynrei ka Shai khlem da lah kren wat tang shi kyntien ruh, ka shadem jong ka, ka la kum ban pait, ka shyntur ruh ka la dap mam haduh ba ka shu peit liep ia u Stew ryngkat bad ka jingjaw ummat ka la shu kohnguh khlieh, kum ban ong khie leit suk ngin sa la shem pat. U Stew u la mih noh bak, ryngkat bad ki ummat ba tuid brup shi brup da ka jingsngew synei ia ka Shai kaba pli bad ia la ka jingshem, kumta u la shu laid hapteng kata ka jingdum ryngkat bad ka jingsngewsih kaba ym don ba lah ban tip. U da jaw ummat, ka jabieng jong u ruh kam trai kam shuh ban pyni ia u la ka lynti ba un laid kumta u la shu laid tda lamwir lamtham hapteng kata ka jingdum jeng ka miet.

Ha kata ka miet, ka Shai ka la shah tim shah tla bad shah shoh ha uta u kpa nah haban da at bylliang lut ka met ka phad baroh bad nador kata la nang bynrap shuh shuh da ka kmie haban da biang, nador nangta ka ba kham ktah eh ia ka Shai ka long ba ka kmie ka ong - ba kam bit ban la kren ne ia laid ia leng shuh bad u Stew lym kumta kan 'sur dam ia ka shyntur jong ka Shai bad ba kan pynkheifi la ki kti ki kjat baroh.

Kata ka miet hi baroh shimiet, ka la shu kut tang ha ki jingpyrkhat sngewsynei bad lung mynsiem na ka bynta jong u Stew uba pli, ia uba ka la aiti ia la ka jong ka jingieit baroh tang ha u, hynrei uba la shah kren bein ha i kmie jong ka ha kata ka janmiet hi. Ka da pyrkhat bad puson ruh, ba da kano ka lad ba kan loh ia kynduh pat bad u Stew namar ka tip skhem ba katto un nym nud shuh ban wan kai pat kumba mynshuwa. Kane ka jinglam bad jingpyrkhat jong ka ia u Stew, ka daw ka long ba u dei artad u Samla uba nyingkong eh ha uba ka la aiti lut met bad mynsiem tang ha u. Kane ka jinglam jong ka, ka la poi shaduh ba ka step hi ka la sdang ban wan phngoid ia ka mariang lem bad ia ki lum ki wah, ki dieng ki siej bad kiwei.

Katba ka Shai ka dang pyngam bad jngi ia lade ha ki thwei jong ka jingieit ba lung jong ka ia u Stew. Kyndit kyndit, ka la lohngew ia i kmie ba i da kyrsiew ia ka da ki ktien kiba da eh, ka la khie noh shi syndon ban trei ban ktah.

Ynda ka sngi ka la kham jrong, kawei ka la wan "Kong Salin, sngewbha seh wan sha ing jong ngi sha Umsohlang mynta mynstep, i ong i mei namar ba ngin ia pynbeit ia u pud u sam jong kato ka kper rit kaba ha syndah ka kper jong phi. Ngi la mut ban die noh, te ia leit noh ryngkat mynta, ki jong i mei ruh ki la don shatei, ki ap sa tang ia phi." Kumta kine baroh arngut ki la ia mih ryngkat ban leit sha Umsohlang.

Mynta ka Shai ka sah sa tang marwei, namar i kmie i la leit sha Umsohlang bad u kpanah jong ka ruh u la mih naduh mynstep ban leit sha Laitryngew ban leit shim noh shwa ia ki tiar ki tar jong u bad ban leit shim de ia ka pisa kaba sah, namar un hap sah noh shwa ha la shnong ba la jan eh ka por thung por tep. Kumta ka Shai ka la ioh lad ban iam bad ud wei brieve ha ban da biang namar la ka nusib jot la jong. Katba ka Shai ka dangiam kumne, ka la ioh sngew ia ka sur, "ko kong, kong ka dei kane kata ka lynti ban leit sha Lumpdeng?" la kylli uta u 'riew phylla.

"Katei tei na neng khyndiat, ka dei ka lynti kaba ialam sha Lumpdeng," la jubab ka Shai.

"Balei saw ki khmat katne katne kong?" la kylli biang uta u 'riew phylla.

"Nga ioh baionghlieh phi bah." la jubab pat ka Shai.

"Mynta te ba dei hi ka por baroh baroh hi ki ia ioh baionghlieh lut," la ban ktien biang uta u 'riew phylla. (Kane ka jingia kylli pyrthew hapteng jong u 'riew phylla bad ka Shai kam long kaba phylla ei ei ruh em, namar baroh ki brieve sha ki thain nongkyndong, kim ju tyngkan ia la ka ktien thylliej haba ki shem ne lap ia-no ia-no, ka iapher na ki brieve kiba shong ha ki thain sor). Kumta ka Shai ruh ka la kylli kylliang ia uta u 'riew phylla, "phi naei ka shnong, bah?"

"Ka shnong te, nga dei na Ryngi-kseh phi, tangba mynta ngan leit sha Lumpdeng ban leit shaw ia i bah Pyllon namarba (u la sdang ban ia thuh lynkot) hynne mynstep, ki brieve kiba na Laitthynru, ki la wan sha shnong jong ngi, ki ong ba ki lap ia uwei u brieve uba la thiahlap ha Wah-ktieh, kumta ynda ngi la leit peit, ngi shem pynhan da u Stew....."

"U Stew!!!" kada leh kyndit bad pynhiar mynsiem jur bad nangta ka la phet jyndat de artat bak sha la ing, kada ieh noh ia uta u 'riew phylla marwei khlem da kren wat tang shi kyntien ruh. U ruh da ka jinglyngngoh kaba khraw, ia ka

jingleh jong ka bad kawei ruh namar ba u la slem ban leit shaw briew loh un ym lap shuh ia ki, u la leit noh la ka lynti ryngkat bad ka jingsngew lyngngoh kaba khraw.

Ka tang shu poi ha la ing ka la lam lympat ia lade ryngkat ruh ki ktien phawar ki ktien kynnoh namar la uba ieit la jong, bad ka la ong - "baieit! Balei phi ieh noh ia nga marwei hangne ha pyrthei kaba dap tang da ki jingjynjar suda? Balei phi shu phet jyndat tang marwei hi khlem da iathuh lem ia nga de ban ia leit ryngkat bad phi katsha ba phi ia-lam, wat lada ka long kaba kumno kumno ruh ka lyn-ti nga kloï ban bud ia phi baieit kumba nga la khlei ha phi, ha kato ka sngi. Wow! balei ia nga kumne! phi ieh ia nga hapdeng ka jingsngewsih kthang mo? Haba don ma phi wat lada nga shah ki jingjynjar kiba kumno kumno ruh ngam sngew ei ei, naba nga tip skhem ba phi hi phin sa wan ban pyllait ia nga ha kano kano ka por. Mynta! Mano pat! Phi shano! Nga shano! Wow! kaei ka pap ka sang kaba la wan hap ha nga kumne! Baieit! Ko baieit! Ah! ba ngan da la tip lypa hynne mynmiet ngan jin da la mih ryngkat bad phi ban bud bad ban ia leit lang bad phi katsha ba poi lane ban ia thiah lang hapdeng ka jingkynoi jong ka jingiohthiah ba shi arta bad phi! Hynrei ngam poi pyrkhate baieit ba kan da jia haduh katne eh! Baieit! Ale seh to wan shaw lem ia nga de! Ngin ia leit lang kat sha ba phi leit, wat ieh seh ia nga marwei, naba khlem ka jingieit jong phi, ka long kumjuh kumba nga shong ha ka jingdum kaba khlem ka jingshai bad jingsyaid ka sngi!"

Nangta ryngkat bad ka lam ka ud kaba ym don thylliej shuh ban batai ka la mih na la ing ka da mareh ruma rutit sha lum sha wah. "Kan myntoi aïu shuh ia nga ban dang im pat ha kane ka pyrthei khlem ma phi u nongpyntngen, uba ju syrpaï syrpuð ia nga wat la khushai ruh...." ka da mareh artat wut wut la kum ka lyer. Kane ka jinglam jingud jong ka, ka la pynlohsngew ia ki katto katne kiba ia trei lyngkha sha kata thaifi, hynrei la ki pyrta ki khot, kam man da loh-sngew shuh ia ki namar ki shkor jong ka, ki la set kyllut la kumba la set da ka bthing hi, ki khmat jong ka ruh ki la tap da ki ummat ba kumta kam lohi shuh iano iano ruh; ka da

mareh bran bran shano ruh kim tip. Ryngkat bad kata ka iam ka ud lem ruh bad ki ktien sangsot kiba la mih na ka dohnud jong ka, ba ka la khlei madan baroh. Ym don shuh ki ba la iohsngew ia ki ktien sangsot jong ka, ki ban eh dohnud bad ban set ia la ki ummat khlem da pynmih, haba ki la iohsngew ia ki ktien sangsot shem pap jong ka Shai.

Markumta hi kita ki rangbah ki la ia beh bran bran shata shaba phet maka. Hynrei long leh nohei namar ka jingstet jong ka kaba la palat, wat la ki pyrshang ban pynsangeh ia ka da kaba pyrta ruh, pynban kam lah iohsngew ia ki.

Khatduh, ynda ka la poi ha rud kawei ka Thwei kaba don sharum Tulieh, ka ieng skhek, hangta ka da peit shaiñ da ka mynsiem kmen bad ka khmat kaba phuh samrkhie. Ka da pyrta khatduh artat ia kine ki kyntien - "Stew! Baieit! Wan shaw noh ia nga kumne, nga la kloi ban wan lem bad phi! Naba ngam mon shuh ban shong marwei hangne khlem ma phi! Wan shaw kloi ioh ngam lap lynti!"

Kita ki rangbah, tangmar ia iohsngew lei lei ia kita ki ktien jong ka, ki la mareh stet katlah katiñ khnang ba kin lap ia ka. Hynrei shwa ba kin poi artat hangta, ka Shai ka la phai sawdong sawdong kum ban ia khublei khatduh bad kane ka pyrthei, bad nangta ka la pynnoh ia lade thiaw-ly-thiaw shapoh Thwei ba jylliew bad ka jah mynsiem artat jar hangta. Ka um ruh baroh kawei ka ud da ka jingsngew ngiew ban sngap.

Ynda wan i kmie i la tip ia kata ka jingjia, ka la iam pait dohnud bad sngewsih kthang ia la ki jingleh kiba kam shym poi pyrkhata ban jia haduh katta. Kumta keiñ ka Shai ka la iap bad ka la leit noh sha ka wei pat ka pyrthei ban ia shem bad la u baieit la jong uba la nangleit ha shwa jong ka.

KA JINGIEIT BA JYLLIEWSAT.

Ka jingieit ka pynjlh ia ka lynti khohruh khohram sha ki lynti ba beit. Ka shoh ha ki jingmut kiba noh mynsiem bad ka kyrsiew pat ia kiba shemlanot. Ka phalang da ka dur ba itynnat bad ba phieng ban kah tngen ia kiba lwait, ka wad ruh biang biang hangno ka skum jong ka ka don. Kam ju long ruh kaba leh jubor ia ki bym pat sngewthuh ia ka jingmut jong ka. Hynrei ka da thew da woh bad tba la ka lynti ha shwa ba kan prong. Ka phong barabor da ka dur kaba jynsur kumjuh ruh kane ka juh ka jingieit ka la loh bsut hapoh ka dohnud ba lung bad ba sotti jong ki arngut ki shijur ki samla; ha kaba ka la kyrthai bad pdem bha khop bad ka la thaw ruh ia ka jaka shongneh kaba skhem ha ka dohnud jong kine arngut, kat haduh ba kim lah shuh ban khlad ne ban bthat ia ka. Kane ka juh ka jingieit kaba la shong suhsat ha ka dohnud jong ki ka la long kaba eh katta katta ba ki wei pat ki bor kiba don ha kane ka mariang ba kin lah ban bthat jyndat ne ban pynkhlad ia ki iwei na iwei pat.

La don shisien u wei u khynnah uba kyrteng u Rangdamut, uba shong ha Pynthor Umkhras. U dei uwei napdeng ki khun ba don burum jong kawei ka ing kaba don sha kito ki thairi. Une u khynnah u dei u ba trei ophis sorkar. Man ka sngi u ju leit trei wan trei na iew Polo. Kumta u la ju lohi ia kawei ka 'thei samla kaba shong die jingdie ha iew Polo, kumta man ba u iaid nangta u ju peit iapmat ia ka na khlieh ha kjat kumjuh ruh maka ka leh hi kumjuh tangba kim ia nud ia kren iwei ia iwei pat namar ba ki don ka jinglehrai. Kane ka la pynkhuslai ia une u samla man ka sngi namarba u kwah eh ban kren ia ka hynrei ym man loh lad kumno ban kren. Te ha kawei ka sngi u la kut jingmut ban shu leit leh thied kwai noh na ka tang ban loh ia kren bad ka. Kumta la shai ka sngi u la khreh leit trei bad ynda u la poi ha Polo u la leit beit beit shata sha ba die jingdie ma ka bad tang shu poi u la ong - "sngewbha seh ai kwai shiphew naia." Ka ruh ka la ai bad u ruh u la shu peit liep ia ka bad u la leit la ka leit noh artat.

Kane ka la pynlong ia u ban leit thied kwai man ka sngi shwa bad ynda u la wan trei, suki suki da kane ka jingleit thied kwai ka la pynlong ia u ban kham shlor bad ban lait kren namar ba u la kham duna ka jinglehrain; kane ka la long ruh kum ka jingkhank kaba la plie war ia kaba la shu khang khyrdep baroh shi katta. Ha kawei ka sngi u la sdang ban kren kai shi kyntien ar kyntien, katba nangsem u la nang kham bun ktien ha ka kren kai kumne kumtai. Ha kawei na ki sngi, u la kylli ia ka kumne - "phi shong phi sah shano kong?"

"Nga te nga sah ha Mawroh, phi pat?" ka la kylli kylliang.

'Nga te nga sah sha Pynthor Umkhras."

"Phi mut ban leit shano mynta ? Man ka sngi nga ju lohi ia phi ba phi ju laid nangne, phi leit shano?"

"Nga leit bylla keiñ," u la jubab da kaba puh samrkhie rymmuifi ia ka, bad u la ong pat, "ngan leit noh shwa phi namarba la slem ban leit trei, ngan sa wan pat la shibit ynda nga la wan trei."

"To kata, sa da wan keiñ shibit ynda phi la wan trei, ho?"

"Hooi," kumta ruh u la leit noh artat ryngkat da ka khmat kaba puh samrkhie bad ba la dap da ka jingsngew-bha ka bym lah ong shuh namar u la loh ban kren mynta ia kata ka samla kaba um ju nud koit ban kren baroh shikatta.

Ynda u la wan trei u la wan beit beit sha jaka ba don ma ka, ka ruh ka la lohi ia u ba u la wan naduh jngai ba kumta ka la shu peit shlip shaphang jong u katba u nangwan shata sha ka jaka ba don ma ka. Ynda u la poi kham hajan ka la peit ia u da ki khmat baphuh samrkhie rymmuifi kumjuh u ruh u la wiat ia ka katba u nangtur artat kham sha jan jong ka. Haba u la poi ha jan, ka la kylli ia u, "phi la da wan trei seh?"

"Hooïd nga la wan, namar nga la mih kham kloï noh mynta ka sngi." Kumta ka la ai jaka shong ia u ba un shong bad kumta u la shongkai sngewbha lyngngai bad ka ryngkat bad ka iathuhkhana baroh arngut. Ka por ka la nangïaid bad ka miet ruh ka la jan, u Rang u la ong "ngan leit noh ba la miet namarba donkam ha ñng artat kiba nga dei ban pyndep, ieh ngin sa ñashongkai pat la shai la shi sngi, mo?"

"To ñiuma, wei ba phi ong ba donkam te, hynrei ban ong miet te leit pat da miet shano phi la dang katta haba ki briew baroh kiba wan trei lei lei ki dang khreh sa ka wan iew wan hat," ka da wiat artat muiñ ia u, ka da leh kum kaba leh raiñ artat.

"Keiñ noh. phi te phi kham nang artat," u da wiat lem muiñ sha ka bad u da ñeng artat joit na ba shong bad u da ong "to ho, nga la leit ngin sa ñashem pat la shai?"

"To leit suk."

Kumta u Rang u la leit noh artat bran. Katba u nangïaid ha la ka lynti, ka pat ka nangpeit ia u shlip nangta na ba shong die jingdie tat haduh ba un da lyngngop. Ki jingmut jingpyrkhat jong ka Romelia ki la shu her ban pyrkhat tang sha u bad ka la shong khop khlem khih bad ki khmat ki shu peit seh tang sha kata ka jaka ba u la leit u Rang. Kane ka jingleh jong ka, ka la pynlyngngoh ia ki briew baroh kiba ia shong die jingdie lang shata, namar barabor pat ka ju kren bad pariah bha shaid shaid hynrei mynta pat ka i kumba ka bun jingmut jing-pyerkhat lymne kumba ka pyrkhat ia ei re, ym don batip ba ma ka pat ka dang jngi ia lade ha ki jingpyrkhat jylliew shaphang jong u Rang bad ba u klong snam jong ka u la tied bad kyndeh stet shaid shaid. Kane baroh ka la ktah ia ka Romilia wat haduh kan da la poi ha ñng ruh, ka jingmut jingpyrkhat jong ka ka shu her lut tang sha u Rang hi.

Ha kawei ka sngi ynda u la leit trei, u la leit biang naba don ma ka bad u la ong, "ngan shu leit noh shwa mynta ba

la slem trei, ngan sa wan pat la shibit shiteng sngi namarba dei ka sngi Saitjaiñ, ho?"

"Hooïd to, tangba sa da wan keiñ la shibit, mo?"

"Hooïd," u da wiat samrkhie artat bad u la leit noh de bak.

Ynda la wai ophis, u Rang u la pynkloi lan ban mareh sha dukan jong ka, bad tang shu poi ha dukan jong ka, ka Romilia ka la peit sha u da ki khmat phuh samrkhie bad ka la ong, "phi la wan? Shong seh," ka da ai jaka shong artat ia u Rang ban shong.

"Hooïd nga la wan," bad u da shong artat hajan jong ka khop.

Ynda ki la ia shongkai katto katne por ei ei, ki la sdang sa ka ia biria kai ia kane katai namar baroh arngut ki la ia kham duna ka jinglehraiñ ba la ju la kren khana man ka sngi bad mynta baroh arngut ki la sngew kham shlur bad kham jan. Kumta ka por ka la nang mareh stet shaid shaid katba ki ruh ki la nangsei ia la ki ktien sngewtynnai ba har rukom da kiba ki la pyndap maiñ da ka jingkmien bad jinghun ha ki dohnud jong ki baroh arngut kat haduh ba ki la jan klet wat ba ki don ha ei ruh, lynda la pynkyndit ia ki na kata ka jinglabuaid jingieit da ka wei ka briew kaba wan thied jing-thied nangta. Dei ha kane ka por ba u Rang u shem ba ka miet ka la nangtap ba kumta u la sdang ban ieng noh artat. Shwa ba u Rang un sa ieng nangta na dukan jong ka Romilia, u la ong ia ka : "shano phin leit la shai ka sngi?"

"Ngam leit phi nga tharai shano shano ruh, tang shu wan ingmane nga don beit ha ing namar ngam ju kham leit kai ruh namarba marwei artat."

"Kata ka mut phin don jingleit keiñ la shai ka sngi?"
La kylli sngewthuh u Rang.

"Em phi ngam don shano shano ruh, balei bah?"

"Em, nga ong ba wei ba phi ong ba phim don jingleit shano shano ruh te, ia ia leit kai noh keiñ la shai shi sien shisien, long?"

"Tip seh, ngan ong kumno, shano mo ya leit kai?"

"Ngin shu ia laid kai pyngngad keiñ jan miet shato sha jan jong phi namarba sha wei te nga kham salia ba bun eh ki 'riew thala bad ki 'riew khlem akor, hynrei shato pat te ka long ka jaka kaba bha shibun bad ka dei ruh ka jaka laid kai ki 'riew donburom surom ryngkat bad la ki khun ki kti jong ki, phin leit? Ia seh shisien shisien."

"Kata phi mut ia ka Kolphling seh mo kata ka jaka?"

"Hooïd keiñ, kumba la ong ia phi ba shawei te ngam kwah te ban laid kai namar phi la tip hi."

"To ñiuma, jait ba leit lang bad phi te ngan leit hynrei ngam ju shlan te ban leit kai namar nga sngew kumba ki briew ki shu peit lut tang ia nga, bad nga sngew kumba kin shu ong kumno re."

"Kata peit shane, sa ap la shai jan miet por saw baje ei ei hangto ha madan, kumjuh ruh lada kloï ma nga ruh ngan ap ia phi hangto thik, mo."

"Hooïd to."

"Te nga ruh ngan shu leit noh shwa ba la miet loh i sa lyngngoh pat sa i papa, namar i te nga tang shu la jah slem ma nga katta i la lamwir, to ho nga la leit."

"To kata, nga ruh kumne hi ngan khreh noh namar ba la miet artat."

U Rang ynda u la poi ha ñng, u la pyrkhath kumno keiñ un leh na ka bynta la shai ka sngi namar lada un mih na ñng u kpa khlem pep un nym shah ia u namarba dei ka sngi U Blei. Kumta baroh shimiet u la shu pyrkhath lyng-a pisa

namar kane. Ynda ha kaba khatduh u la kut jingmut ba kan kham bha ia u ba un shu pan pyrshah noh na la u kpa, da kaba ong ba un hap leit sha ing jong u Ophisar namar ba u phah wan kai ia u. Kumta ka miet ka la nangiaid bad ka jingkynjah ruh ka la nang tyllap ia ka mariang, kumta ruh u Rang u la ioh-thiah noh jar.

Ynda mynstep, u Rang u la khreh ka shet ka tiew bad ka sum ka sait bad nangta u la bam la dih. Shwa ka shi-phew baje u Rang u la mih na la ing ban leit sha ingmane bad hadien ba u la wan na ingmane u la ong ia la u kpa ba un hap leit sha ing jong u Ophisar namarba u phah wan khnang khnang ia u. U kpa ruh u la mynjur ia kata ba kumta u Rang u la pynkloi ka shet ka tiew bak bak shwa ba un mih ban leit noh. Hadien ba u Rang u la dep lut baroh kiei kiei ki kam kiba u dei ban pyndep u la ong ia la u kpa "papa ngan leit noh mo ioh slem pat shibit?"

"Khie leit tangba ia wan kloi sha ing, me sngew?"

"Hooiid papa," bad u la mih artat bak.

Ynda u Rang u la poi ha kata ka jaka ba la ia buh ban ia kynduh hynrei u shem ba ka Romilia pat kam pat poi. Ynda u la ap kumba katto katne por ei ei, u la sngewbtai bad kumta u la shu ia id kai myllen noh shane shatai kat ba kam pat wan.

Ka Romilia pat ka la lah wan la kham slem tangba kam nud ban ia kynduh ia u namar ka dei ka sien kaba nyngkong ban leit ia kynduh bad u shynrang briew khamtam u samla artat, kumta ka la shu shong ha ka jinglynga pisa marwei sha jan shata hi. Ynda katto katne por ei ei ka la sngewbtai bad sngewrem ban pynap kai ia u bapli, kumta da ka jing-saw kyrang kum u kyieng bad ryngkat ka syep ba ka tuid, ka ka la mih na la ka jaka rieh bad ka la wan beit beit sha kata ka jaka ba don u Rang. U Rang u la kum peit kumno re liak shaphang sha-ta u la iohi pynban da ka Romilia ba ka wan bad ba ka da wiat artat ia u rymmuii. U ruh u la tur

shajan jong ka. Ynda ki la ia poi lang hajuh u la kylli ia ka
 “balei phi slem?”

“Namarba don kam noh khyndiat ha ing bad ki para
 lok kumta ngam shym la ioh ban mih tat haduh ba kin da
 la leit noh maki, wat sngew ei ei mo ia nga ba nga la pynslem
 ap ia phi.”

“Koit ym lei lei, phimpat da slem eh haduh katta
 namar nga ruh nga dang shu poi shen hi te.” Kumta ki la
 ia iaaid kham harum khyndiat bad ki la ia shong kai ha trai
 jong u wei u dieng kseh bad hangta ki la ia sdang ban ia
 kren ia khana baroh arngut bad ban ia phylliew ia la ki jong
 ki jingieit iwei ia iwei pat. Katba ki kjat sngi jong ka prem
 miet ki nangsdang ban jah katta ruh ka jingieit jong ki ka
 nangih ban nangshlei haduh ba ki la klet ruh shipor ba ki
 don haei, namar kata ka jingkmien jong ki ka la pynlong ia
 ki la kum ba ki don ha paradais. Hynrei hamar kata ka
 por ba ki dang ia bun ktien bha ha kaba ki ia kren, u Rang
 n la kum peit kumno re kumno sha ka baje bad u shem ba
 ka por ka la mareh sha ka san baje tam ei ei, kumta u la ong
 ia ka-” ia ngin ia leit noh phi, wow la da miet du pleng, la
 da poi sha ka san baje tam te!”

“Wow! San la lah phi ong, kata te la miet shisha du! Ia
 phi ia ngin leit noh ioh sa lap sa ki ‘riew sniew ‘riew smeh
 pat la shibit lada ngin ia shong-kai slem.

“Ngin ia leit dih sha shwa mo nangthie na Polo?”

“Kabiang phi bah ieh ngin sa ia dih pat lashai la shisngi
 ruh, namarba mynta la miet.”

“To ia phi jingjang, nangne hangthie ruh yn slem afu
 katban da ia bun ktien hangne te ngi la poi pynban.” Kum-
 ta ka ruh ka la mynjur bad ki la ia leit de bak.

Ynda ki la dep ia dih sha, ki la ia mih noh kloï namar
 ba la miet, bad u Rang ruh u la leit on lynti ia ka Romilia

haduh jan ing jong ka hi bad u la ong - "ngan leit noh ngin sa la shem pat la shai ka sngi, khie leit bad thiah suk mo?"

"Leit suk bad thiah suk ma phi ruh bad khublei shibun eh na ka bynta ka jingbha jong phi baroh," ka la phai ktien sa ma ka bad ka la ong ruh, "ngi la ioh ia ka janmiet kaba da sngewtynnat palat."

"Ka la long kumta ia nga ruh," bad u la leit noh artat bak. Te kata ka sngi kala shu kut noh kumto namar jait ba dang dei ka sien nyngkong.

Ka Romilia tang shu poi ha la ing, ka jingmut jingpyrkhat jong ka ka la her sa tang sha u Rang ba kumno ki la ia pynlut por ha kata ka jan miet tang ha ki ktien ieit ki ktien thiang suda. Ka la pynshong dor ruh ia ka jingitynnat jong ka akor bad burom jong u ia kaba ka la iohi, ba kumta kane baroh ka la nang pynih shuh shuh ia ka dohnud jong ka Romilia ban puson bad ban pynshong nia tang ia u Rang, kane ka la pynlong ia ka ba kan nym nangthiah nangdem shuh baroh shimiet.

U Rang pat ynda u la poi ha ing, u la bam la dih bad maria dep bam dep dih u la pynkloi lan ban leit sha la kamra thiah bad u ruh ka jingmut jingpyrkhat ka her tang sha ka, bad katno ka mynsiem ka kyndeh da ka jingkmen haba u kynmaw ia kata ka jan miet ha kaba u la pynlut por ha kaba ia phylliew jingieit ryngkat bad ka Romilia. Hadien katto katne por u la kut jingmut ban shim ia la u khulom bad ka kot sada ban thoh ei ei ia ka knangban nang kham pynskhem ia kato baroh kaba ki la dep kren kumta u la thoh kumne:

Romilia baieit,

Nga kyrpad ba phin nymngew ei ei ne phylla ei ei kumba ia long lem baroh. Namarkata ngam sngewlah kun tang ha lade khlem da pynpaw ha phi ba kumba ngi la ia

kren ruh mynhynnin janmiet, ba nga kwah ba ka jingieit jong nga bad phi mynta kan long noh kawei. Kumta la phi mynjur ne em bad kane ka jingsngew jong nga.

Sa ai jubab kloï ia kane.

Uba kynmaw ieit ia phi,
Rangdamut.

Nangta u la thep ia kata ka shithi ha ka Enbelop bad shwa ba un leit thiah noh u la thep khop ia ka ha la ka pla Kud kaba un sa phong trei lashai, khnang ba un nymklet. Kumta katba u dang sdang thiah u la pyrkhath khuslai pat la kan shim ne em ia kata kata ka shithi jong u. Kane ka jingpyrkhat jong u ka la poi shaduh ar bad lai baje mynstep. Shwa ban kynjat shai ka khmat jong u ka la shoh bad u la lip ngaiñ haduh ba la jrong ka sngi. Tang shukhie u la khreh la khrum ban bam ban di, nangta u la mih leit trei noh artat bak. Tang poi ha Polo u la khot ia u wei u khynnah uba teng kai hangta bad u la ong ia u, "sngewbha pynai lem kane ka shithi ha i tai i kong iba shong die jing-die hangtai," u da al pisa artat ia uta u khynnah. Tang shu dep nangta u la leit noh khlem da pyni khmat ei ei ia ka, namar u sngewleh raiñ namar ba um pat ju mlien ban ai shithi hano hano ruh mynshwa.

Uta u khynnah u tang shu loh ia kata ka pisa u la leit ai bak bak ia kata ka shithi. Ynda u la ai ha ka, ka la shim bad ka la kylli, "mano ba phah ai?"

"Oh i ai iwei irangbah," bad u da phai artat shaphang surok kum ban peit ia uta u briew.

"I ba kumno ita i briew bad hangno i don mynta?"

"Tip ngam nangbatai ia ka dur, tangba mynta i jeng hangtai, hynrei i la leit shano kumto ngam lap ba lohi shuh."

• • Kumta ka ruh ka shu angap noh bad hangta hangta hi ka la plied ia kata ka shithi ban pule. Uta u khynnah pat u la leit dihsha noh namar ba u la ioh pisa ei na uta u bah. Ynda ka la dep pule ia kata ka shithi ka la shem ruh ia ka kyrteng jong u Rang, katno ka la pyrkhath jylliew jai, ym kum kiwei ki kynthai kiba shu khluid bieit. Hynrei ka pat ka da pyrkhath bniah jai da kaba suki kum ka 'erbate-mon kaba beh ha ka por janmiet synrai. Kumta ka la bishar bniah ia ka jinglong jong u baroh shisngi. Ynda la miet ka la leit noh sha ing, bad ka la kut jingmut kumne ha lade - 'nga kaba ju shong iew shong hat, kumta ki jait bynriew har jait ngan ia kynduh lut, te ioh ka nusib jong nga kan sniew ba ngan ia kynduh bad u nongdih nongbam ne u 'riew thala thaleiñ ba har rukom jong kane ka sor, te ka jingim sotti jong nga kan sa shu pulom bad ka jingjynjar ruh ngan sa ngat namar ba nga la iohi tyugkreiñ ia ki briew kiba kum kita. Nga tharai lada ngan pdiang noh ia une u khynnah te ngan suk ngan saiñ namar ba ka akor bad ka jinglong jong u ka long kaba bha shikatdei ban ia nujor bad kiwei pat ki para briew kiba nga la ju shem.

Kumta ka la kut jingmut ba dei la kumno kumno ban pdiang ia une u khynnah. Kumta kala shim ia u khulom bad ka kot sada bad kala thoh kumne:—

Bah Rang,

Nga la ioh pdiang ia ka shithi jongphi bad hadien ba nga la pyrkhath pynshong nia bad thew phylla bha nadong shadong, nga kloï ban pdiang ia kato ka jingtyrwa jongphi. Sngewbha sa wan ia kynduh ha kine ki sngi ban ia kren khambha.

Tang kumta.

Kaba kynmaw ia phi barabor,
Romilia Mary.

Kumta ka la la phah ia kata ka shithi jong u ha ki para lok kiba shong marjan ing bad u.

U Rangdamut u la hap ban shim shuti arbnaï ei ei namar ba dei ban puh lyngkha khyndiat ban iarap ia la u kpa. Ba kumta um ju leit kai shano shano ruh namar ba bun kam eh. Kumta u la shu khmih lynti sa tang ia ka jubab lano ba un ioh na ka Romilia. Hadien shisngi arsngi kata ka jingkhmih lynti bad jingangnud jong u kala urlong. Bad u tang shu ioh ia kata ka shithi u la plied noh bad u tang shudep pule iaka, ka mynsiem jong u kala dap da ka jingkinen kabym lah ong shuh namar ba ka Romilia kala mynjur iaka jingtyrwa jong u. Nangta u la thoh shithi biang shaka kumne :

Romilia baieit,

Sngewbha sa ap ia nga ha ka por 2 baje janmiet ha ka sngi U Trai ha Kolphling, bad u la thoh ruh kumne :

Dei tang ma phi thei marwei,
Ha pyrthei baroh ka wei;
Ba wan syrpaï ia nga,
Hapdeng ka miet kynsha.

Dei shisha tang ma phi,
Ba nga kloi ban aiti;
Jingieit ngan pynshong duh,
Junom bad phi kan pluh.

Khlieh la ka sngi nga ju pyrkhath,
Ryngkat ruh bad jingjaw ummat;
Khlem da iohi ka dur jong phi,
Ha nga la kum ba sep ka sngi.

Hynrei haba iohi ia phi,
Jingshai ha nga la kum kjat sngi;
Namar dei tang ma phi te thei,
Nga kloi ban ieh i pa i mei.

Dei tang ha phi ruh nga ju shem,
 Ba ha nga ka iai long ka Bneng;
 Namar tang phi ba lah ban ai,
 Jingsuk jingkmén kaba janai.

Bad tang katne ngan pynkut noh bad nga kyrmen ban
 ia shem kumba ia buh.

Uba iai kynmaw ieit ia phi,
 Rangdamut.

Ynda la poi ka sngi U Trai kine baroh arngut kila ia
 pynkhreh ia lade-lade ban sa leit kai ha kata ka janmiet.
 Kumta u Rang ula leit jingiaseng shwa mynstep bad ynda u
 ia wan jingiaseng u la bam la dih bad nangta u la mih bak
 ban leit kai sha Kolphling kumba u la iakut bad ka Romilia.
 Ynda u la poi ha Kolphling u la ap ia ka kumba katto katne
 por bad shen hadien khyndiat minit, kala wan poi ka Ro-
 milia. Tang mar ia kynduh baroh arngut kila shu ia wiat
 samrkhie iwei ia iwei pat, bad u pat u la ong ia ka, "phi la
 la poi?".

"Hooïd," ka da wiat artat ia u, "phi pat phi la poi
 slem ne?". Wat sngew ei ei mo ba nga la kham slem
 khyndiat.

"To ym lei lei phi, ym pat da slem eh." kumta ki la
 shu ia kut noh kata ka jinglakren iaka jingwan slem bad u
 Rang u la ong ia ka Romilia," ia ia leit shongkai noh
 hangthie harum khyndiat ba kham tngen namar ba sngew
 kumba lam shit te."

Ka ruh ka la ong, "hooïd keiñ," hynrei ym tip la ka
 shit shisha ne tip ba lehraiñ ba loh lohi ki briew namar
 ba kim pat ju ia laïd ia ieng mynno mynno ruh.

Mynta ngin phaï khyndiat shaphang kumno ki ia kren
 ia khana kine baroh arngut. Kumta u Rang u la phaï sha
 ka Romilia bad u la ong : "kumno ha kata ka miet ba nga
 wan on lynti ia phi sha ing jong phi ym don ba tip?"

Ka Romilia ka la ong, "tip ngam da tip, la don ba iohi ne em ruh tang ba ym shym don ba kren ei ei keifi shaphang jong nga bad nga tharai ba kin da iohi te kin jin dala kren ei ei keifi phi ia nga wat la da kim nud ban kren pyrshah ruh ki lah ban shu kren siat da kumne kumtai; hynrei haduh mynta hi ka sngi ym pat don ba ong ei ei la nga bad nga shu tharai ba ym don ba iohi phi."

"To Niuma ka la bha shibun eh namar ba ymdon ba iohi hynrei nga la nangmut ba la don ba iohi te ka ban iap bad nga la khuslai shibun eh namar jong phi ba ioh don kiba iohi ha kato ka miet te kin sa leit iathuh ha ki ba ha ing jong phi bad hangta kan long ka jingjynjar ia phi bad ki lah ruh ban mai ne shoh ruh ia phi. Nga la shu khuslai sa tang ia kata bad nga la shu duai ruh ia U Blei ba un nym pynleh-raifi ia ngi namar ba ngi laid ha ka lynti kaba beit ym kum ki 'riew khlemrain, kata ki bym kheifi ia ka raiifi ne ia ka rem ruh hynrei u ong nga te nga kwah ban da laid da ka rukom kaba shisha."

Hangta u la sdang ban iathuhkhana ia ka shaphang ka jingpyrkhang jong ki ba ha ing jong u ia u khamtam eh i kpa ba im ju shah ban laid khlem akor ne ban kren khlem akor kum ki wei pat bad u ong, "lada in tip lei lei shaphang kane te in mai bad in tim in tla hynrei wat la katta ngan lai shah tang namar jong phi khamtam lada phi hi phi kular ban nymieh noh ia nga haduh kaba kut. Lada kumno kumno ruh kat ba long ngin pyrshang ban pynsngewthuh ia la ki kmie ki kpa bad bad kiba ha iing ha sem jong ngi, da ka jinglaieit bad leh don burom jong ngi hi, ha khmat jong ki. Nga ngeit phin mynjur ia kata ka jingtyrwa jong nga ne phi lah ban ong da kaba shai mynta khnang ba ngin ia sngewthuh lang."

Ka ruh ka la ong, "nga kloï ban mynjur ia kata ba phi ong, nga kloï ruh ban bud ia ka lynti kaba phi ialam ia nga wat lada nga dei ban len katto katne ia lade, kata la da kim pat shah ia nga ban ia laid bad phi."

"Phi kloi ban len katto katne kiba phi dei ban ioh lada ngi dei ban iaid lyngba ki dieng pyngkiang kiba pynshoi pynshad, kiba bishni ia ka jingim suk jingim saifi jong nga bad phi?"

"Hoooid," ka la ong "nga kloi ruh ban leh kumta bad ban snoh ryngkat bad phi wat lada ngi dei ban thom khyn-diat ki jingbym ia sngewthuh jingmut. Tang ba nai ia khmih lynti than ia kata."

Ym lah ban iathuh lut ia ki jingiakren jong u Rang bad ka Romilia kumta kum ban shu ong noh ba dei ha kane ka sngi ba ki la khlei madan lut ia la ki jong ki jong ki jing-sngew bad ki da ia phylliew lut ruh iwei ia iwei pat ia ka jingieit jong ki. Ka por ka la nang iaid stet bad ka miet ka la wan. Kine baroh arngut ki la dei ban ia ieng noh ban leit sha la iing la iing. U Rang u la peit ia ka sngi ka la sep, ka jingdum ka la wan ban tap ia ka mariang kumta u la ong ia ka Romilia "ia ngin ia leit noh phi ba la miet." Kumta ki la ieng ban leit noh. U Rang namar ba la kham miet um nud ban shu phah hi ia ka marwei, u la sngewdei ban da leit on ia ka, ba kumta ruh u la leit on ia ka Romilia haduh jan iing jong ka hi. Nangta u Rang u la phai sha ka bad u la ong, "sa leit suk bad thiah suk, sa da phohsniew ruh ia nga," ka ruh ka la ong kumjuh bad ki la iakhlad noh artat.

Kumno ka la jia ia ka Romilia ha kata ka miet, u Rang um tip ei ei ruh shaphang kata baroh kaba la jia ia ka bapli ka Romilia. La don mano re mano ba la leit pasiaw ha kiba ha ing jong ka Romilia, ki da ong "ka Romilia ka la leit shangkai bad u wei u samla uba sniew, uba dih kyiad, khalai bad uba shah set patok la bun sien. Kum ka khun jong phi kaba donburom kan ia iaid bad kum uto u jait briew, hato ki briew kin ong kumno keifi ia phi kiba ha ing hasem? Khlem pep kin fiiew ba phi ruh phi long kiwei na kum kita ki jait briew hi."

Ha kata ka miet, ka Romilia bapli ka la shah tim bad shah mai ha ban da biang, ki ong ruh "pha ia iaid bad u briew sniew uba la bna lut ka pyrthei baroh hynrei pha pat

pha ia iaid bad kum uta u brierw tang ban pynpoh ia lade. Ym tang katta hynrei ia ngi ruh kiba ha ling ha sem baroh ngin ia shah lang ia ka jingkhlemraiñ na ka bynta jong pha." Te ha kata ka miet ka Romilia ka la dap tang da ka jingkhulslai ba jingsngewsih suda namar kane. Kumta ha kata hi ka miet ynda la thiah lut baroh ka la shim ia u khulom bad ka kot sada ban iathuh ia kita ki jingjia bad jingshahmai jong ka baroh ha u Rang, kada pynpaw ruh ia ka jingsngewsih kaba jur na ka bynta kane. Kumta ka la thoh ia kata ka shithi sha u Rang bad tang shu khie mynstep ka la phah rah ia kata ka shithi jong ka sha u ia kaba ka la thoh kumne:

Bah Rang baieit,

Nga dap da ka jingsngewsih suda ban iathuh ia phi, ba hynnin ka miet tang mar shu ia khlad bad phi, nga la iung ha ling bad ha ka jaka ba ngan sngewbha hynrei nga la loh pynban tang da ka jingsngewsih suda. Ka jingshah shoh kaba ngam lah shuh ban batai ia phi, nga la shah jynjar katta katta na ka bynta kane, ah! ba phin da la lohi hi da la ki jong ki khmat, phin jin da la sngewsih bad khulai bad phin nym lah shah hi ruh ban peit kumto na ka bynta jong nga. Kumta ngam lah ban da pynpaw lut ia kata hangne, ieh ngin da ia kynduh hi markhmat

Kaba ieit eh ia phi,
Romilia.

U Rang tang mar ia loh ia kata ka shithi u la pleid noh bad u tang shu dep pule ka dohnud jong u ka la dap tang da ka jingsngewsih suda bad u la thoh shithi pyntngen sha ka kumne:

Romilia baieit eh,

Nga la loh pdiang ia ka shithi jong phi, kaba phi la thoh sha nga bad ba phi la iathuh shaphang kiei kiei kiba phi la shah. Kumta to laishah wat nymngew ei ei ia kata baroh, kan sa poi ka por ba ngin sa ia kynduh hi wat! a ki

jingeh kin khang hynrei ngin rat ia ki da kawei ka jingmut bad da ka wei ka bor. Kumta to shong suk bad wat nym sngew ei ei ia kane baroh. Khublei shongsuk ngin sa lashem ha kawei pat ka sngi.

Uba ieit eh la phi,
Rang.

Ha kawei pat ka sngi, ki ba ha ing jong ka Romilia ki la khang ia ka katlah kat lai ban leit die jingdie namar ki tieng ba loh kan ia kynduh biang ia u Rang. Kumta kim shah shuh ia ka ban leit shano shano ruh, ki ong "phah die jingdie ia pha ha ka jaka ia ki mar pha leit die pynban ia la ka burom bad akor la jong pynban." Kumta naduh kata hi ka sngi kiba ha ling jong ka Romilia kim shah shuh artat ia ka ban dang leit die jingdie kumba mynshwa. Kumta kine ki samla baroh arngut kim lah shuh ban ia kynduh markhmat hynrei ki la kynduh tang ha ka jingphohsniew bad ia ki jingieit jong ki ruh ki la phylliew tang lyngba jong ka shithi.

Ym slem hadien khyndiat sngi, kiba ha ing jong u Rang ruh ki la bna baroh ia kata ka jingjia, kumta ki la khang ia la u khun jong ki ban dang ia juh ia jan pat bad kane ka samla namar kiba ha ling jong ka ki la thad bad ia u ha ban da biang.

Katno u Rang u dap tang da ka jingklusai bad sngew-sih man la ka sngi shaphang jong ka bad ruh na ka bynta ia lade. Ha ka jingshisha, u Rang hi u long u wei na ki samla ba donburom bad ba khuid mynsiem katta katta, hynrei la shu pynbud nam sniew ei ia u kha-ma-kha bad ba u la shah thad ei kum la u 'riew sniew 'riew smeh. Kumta u la duwai ia U Blei barabor ba Un pynsngewthuh ia ki kmie ki kpa ka Romilia, na ka bynta kata ka jingsngewthuh bakla jong ki la kaei kaba ki briew ki la shu pynbud nam kai ia u.

Kine baroh arngut ki la sah hapteng ka jingeh kaba khraw ban dang ia kynduh biang namar kiba ha ing kim shah shuh ia ki ban mih na ling.

Ynda la dap katto katne bnai ruh kim lah hi ban ia kynduh, namar kiba ha ing jong ka i kumba ki nang pyrkhing shuh shuh ban ia kaba mynshwa hynrei kine pat baroh arngut ka jingieit jong ki ka la nangkiew bad nangrhem haduh ba kim lah shah shuh, ba kumta ha kawei ka sngi u Rang u la thoh shithi sha ka kumne:

Romilia baieit eh,

Ngam sngewlah shah shuh ban shu iai ap kumne, namar-kata, lada phi hi phi ieit bad don jinmut kum ma nga, sngewbha ban thawlad ban wan ia kynduh la shisngi janmiet ia nga ha madan Kolphling lym kumta ka dohnud jong nga kan pait bad yn nym lah shuh ban ai paiñ ia ka.

Sngewbha jubab kloi lada phi ieit hok ia nga, kumba ieit ma nga ia phi.

Uba ieit eh ia phi,
Rang.

Ka Romilia hapteng ka jinglynga bad khulai ka la loh-pdiang biang ia ka shithi u Rang ba u thoh sha ka. Hangta ka mynsiem jong ka ka la ih bad pluh shaid bad ka la kut jingmut ban phet tuh la shisngi khnang ban ia kynduh bad u Rang bad katba u ong ma u ka kloi ban kohnguh:

Kumata ka la shim ia u khulom bad i lyngkhot kot sada ban thoh sha u Rang kumne:

Bah Rang baieit eh,

Ngan sa leh shitom da bun ki lad ban wan ia kynduh bad phi la shai bad nga kloi ban kohnguh ia kaba phi ong ban leh. Bad ka la thoh ruh kumne:

Phi dang kynmaw kito ki por,
Baieit ba nga la phla ha phi;
Ba ia phi ngam shym ieit shukor,
Hynrei jingieit nylla sotti.

Wat la ka spah burom ngan duh,
Ynda la dei kata ka por;
Jingieit jong nga te kan lai phuh,
Kan lai kmen bad phi barabor.

Jingieit nylla ba lai tuid,
Na la kut shadem khlem pud;
Pdiang seh ba ieit ngan aiti,
Met bad mynsiem tang ha phi.

Tang katne ngan pyngkut noh, kyrmen ba ngin sa ia
shem kum ba la buh.

Kaba ieit eh ia phi,
Romilia.

Ynda u Rang u la loh ia kata ka shithi jong ka Romi-
lia, katno u la dap da ka jingsngewbha bad jingkmn namar
ba u tip ba maka ruh ka dang lai neh bad ba kam shym la
klet noh ia u, bad u tip ruh ba ka jingieit jong ka ka nang
lai rhem bad nang kiew wat la ki dieng pyngkiang ki khang-
lad ia ka ruh.

Kine baroh arngut ki la ia khmih lynti sa tang lano ba
kata ka kynta kan poi noh ba kin dup loh ban ia phylliew
ia la ki jingieit ba nylla bad ba kin thaw lad da kumno ban
pyllait na kine ki jingpynwit baroh. Ynda la janmiet u
Rang u la leit ap ia ka sha kata ka jaka ba la ia buh. Ym
slem hadien ba la poi u Rang, ka Romilia ruh ka la da
poi bad kane ka la thait hop hop bad ki kti ki kjat jong ka
ki la khoh phler. U Rang u tang shu lohi ia ka u la kylli,
"balei ba phi long haduh katne! Kaei ba la jia ia phi?"

Ka ruh ka la lathuh, "nga la shu phet tuh na kper ha
ka por ba ki jong i mei i pa ki dang ia khreh dihsha, kumta
nga la prong na ki sainar shiah kiba ker ia ka kper bad
kumta ruh ki la thar ia ki kti ki kjat jong nga baroh.
Nga la thait ruh namar ba nga la shu mareh stet namar ba
nga tieng loh don ki ba lohi ia nga lymne ki jong i mei i pa."

“Koit kam pher ei ei,” u da piam ia ka bad kdup ha la shadem, “ai ba ki jingshitom bad jynjar kiba kumno kumno kin wan hap ha ngi bad ai ruh ba ki jingtynjuh ki ba eh katno katno kin wan; hynrei baieit lai shah bad pdiang hun ia kita baroh da ka mynsiem kaba kmen, namar baieit, to tip ba dei lyngba kum kine ki jingeh bad jingtynjuh pynban ki kylla long ka jingkieng ksiar kaba lam sha ka burom, bad dei ruh lyngba jong kine ba ia ka jingieit ba sotti nylla shisha ba la saif dur bad ba ngi sa loh ban thied. To tip ruh ba ka jingieit ia kaba ngi la loh lyngba jong kine ki jingjynjar ka long ka jingieit kaba shongkun bad kaba lai neh rta. Kumta ba ieit ngo ong ia phi to lai neh lai shah bad nga ruh ngan pyrshang lut da bun ki lad kumno ban pyllait ia phi na kane baroh; ban wallam pat ia ka jingiasongsuk hapdeng jong kiba ha iingjong nga bad ki jong phi.” Katba u Rang u dang kren ia kine ki kyntien u da jaw arta bad ki ummat sngewlem na ka bynta jong ka.

“Baieit, ngam sngewlah shah shuh te ia kine baroh, ka mynsiem jong nga ka rit bad nga khuslai bad nga da sngew kum ban loh pang te. Kumta lada ka long kaba lah, sngewbha seh ban thaw lad mynta kumno ban pyllait noh ia nga, ne phi hun ba ngan iap ha ka jingkhuslai.?”

“Romilia! Balei baieit phi kren kumta? Phi tharai ba ngan kmen haba phi jynjar? Lymne ngan lohthiah haba ma phi pat phi duh thiah? Baieit, namarkata, kynmaw ba kumba phi jynjar bad khuslai ma phi kumta ruh ka long ia nga.”

“Baieit, kumba nga la ju ong bad pynpaw barabor ha phi, ba nga kloï ban bud ia phi kat shaba phi ialam bad ruh ban shah lang ia ki jingeh kiba katno katno ruh tang ba ryngkat bad phi, namar-kata nga ai jingmut ia phi mynta ba ia ngin shu ia phet noh kat shaba poi bad ai ba ngin noh iap kat haba lap tangba ngin lait noh na ki jingbishni jingpihuif jong kane ka pyrthei, nga la kloï ban jied ia ka jing-iap ryngkat bad phi ban ia ka im tang marwei hi.....”

"Baieit!" U da kynjrut artat ia ka kti jong ka, "wat ju kren kumta, da sngap shwa seh! Phi la da pyrkhath pat ba kane ka lynti ia kaba phi la kdew ka long ka lynti sha ka burom? Ne ka ban sah nam sah burom ia ngi? Ne ka kut noh tang hangta bad ba ia ka mynsiem jong ngi ruh U Nongthaw Un nym pdiang hun satia, namar ngi long kum ki nongpynlap briew hi! Hynrei sngap mynta ngan ai jingmut ia phi, ia agin ia leit mynta ka janmiet sha ing jong phi, khnangba ngan loh lad ban pynsngewthuh ia i mei i pa jong phi ia kaei kaba ki la sngewthuh bakla bad nga ngeit dei tang da kata ka lad bad ryngkat ka jinglarap jong U Blei ba ngin lah ban pynsngewthuh ia ki ban pyn-dem ia kaba sniew da kaba bha. Ne phi ong kumno?"

"Kata ka jingong jong phi kaba dei, hynrei nga tip ba i mei i pa kin nym sngap khyndiat ruh em ia phi bad da kaba ngi ia leit lang kan nangpyndom shuh shuh ia ki bad ki lah ban nangpyrkhing shuh shuh pynban hadien ha bud."

U Rang ha ka jaka ba un duh jingkyrmen noh bad ba un tieng hynrei u pat kum u 'riew shynrang ba paka bad u samla ba da mut hok shisha u la nangshlur pynban bad u la ong, "wat nym tieng ban leit ryngkat bad nga, nga kloï ban lada namar jong phi lada jia kano kano ruh bad ngam duh jingkyrmen ba ngan jop ryngkat ka jinglarap jong U Blei. Namarkata, ia ngin ia leit loh lap ba miet pynban bad ngin sa ia peit kaei ka ban mih nangne; bad lada ka long ka bym jop mynta ngin pyrshang pat da kiwei kiwei ki lad bad lada ka long ka bym lah kiar shuh bad bym banse shuh te ngim banse ban pdiang ia ka jingai jingmut jong phi ruh, hynrei tangba ngin nym khmih lynti ia kata baroh bad kaba ngi dei ban khmih lynti ka long ia ka jingbha keiñ."

Ka Romilia ruh ynda ka la sngap ia ki jingpyni jong u Rang bad ryngkat bad ka jingshaniah jong ka ha u, ka la ong "ia ngin ia leit bad nga kloï ban kohnguh ia kata ka jingong jong phi bad nga ngeit ruh ba ka jingpyrshang jong phi kan long kaba jop ryngkat da ka jingiarap lem jong U Blei namar ba ngim shym leh bakla ei ei."

Kumta baroh arngut ki la ia leit bak sha Ing jong ka Romilia. Ynda ki la poi ha Ing jong ka, ka kmie ka la iohi la ka Romilia ba ka la wan ryngkat bad u Rangdamut; kumta ka mynsiem jong ka ka la meh ding shaid bad khlem da sngap shuh ia kaei ba ki kren ruh, ka la teng kynsan joit na ba shong bad ka shim da u dieng tylli na tyngier bad ka la mut ban bom ia kaba pli ka Romilia. U Rang kum u rangbah ba shisha bad ba skhem ka jingmut jingpyrkhat u la tur bad kynrup ban bat ia ka kti ka kmie ka Romilia, bar u da ong, "Kong, sngewbha wat nym shoh ia i Romilia, da ap shwa ba ngan da iathuh ia phi ia ki jingshisha baroh ia kiba ma phi, phi la ia sngewthuh bakla baroh shikatta, nga tharai."

"Sngewthuh bakla aŭ kata, ia kaei phi wan pynsngewthuh bakla ma phi ia nga, ngam ju sngewthuh bakla mynno mynno ruh, shuh wat bat ia nga, ngan trei ia ine haduh ba in da jem jai."

"Kong; da sngap shwa seh, wat shu bitar shla katne katne, namar ioh kan ialam pynban sha kaba sniew hadien ha bud."

"Ba nga tip ia kata keiŋ, shuh ngan trei mynta haduh ba kan da duh dyngkhong syndon khoit."

"Kaba dei kong kata kaba phi ong ma phi, hynrei to da sngap ngan da kren lem ma nga shi kyntien ar kyntien bad lada ia kaba dei to shim bad ia kaba lait pat to bret keiŋ."

Hamar kata ka por la wan rung sa u kpa jong ka Romilia uba dang wan kai na ing ki para marjan bad u la peit bitar ia ka, u da ong, "Na shaei pha wan katta, naduh ba ka sngi kam pat sep haduh katta jlang pha jah, pha wan wad tuh shano?"

"Bah, wat sngew ei ei, iwan sha nga ban iathuh ia kiei kiei baroh kiba phi, phi la ia sngewthuh bakla baroh shikatta tang da ka jingbishni pihuiŋ jong ki brierw,

nga wan khnang mynta ka janmiet ban iathuh ha phi la ki jingshisha baroh, kumta sngewbha shah ia nga ban iathuh mynta."

Hynrei ka kmie ka Romilia ka la kynrup ktien biang ka da ong, "Ym ju don kam keiñ keiñ, ngi la tip hi ia ki jingshisha baroh naduh ba sdang bad —————."

U Kpa ka Romilia kum u rangbah briew uba kham iar kham proh ka jingmut jingpyrkhat, kumta wat la u la dom shisha, hynrei u kwah ban da ioh sngew ei ei khyndiat sa na uta u samla, ai u don ban ong. Kumta u la ong ia i kmie ka Romilia ba kan sngap shwa bad ban ailad ba un kren, bad u la phai sa sha u Rang u da ong, "Phi mut ban kren? To kren."

"Bah," la sdang t Rang," nga la ioh sngew bad tip ruh na i Romilia, ba don kiba wan pynshoi pynshad ia ka jinglong jong nga ha phi, ba nga, nga long uwei na ki 'riew dakaaid ba runar tam bad uba la shah set phatok ruh la bun sien, ym dei kumta? ————,"

"Te, phi dei keiñ, haba baroh baroh ki la ia ong te yn leit lait shano ————." Kynrup ktien ka kmie ka Romilia.

"Shish, da sngap shwa seh kmie, phi pat kaba shu lep lep, ai lad shwa ba un da kren pynkut. To bteng bteng shuh shuh," u da phai pat sha u Rang uba la sngap noh ba la knieh ktien noh ka kmie jong ka Romilia.

"Phi i ka long kaei kaei kaba bakla keiñ ba phin shu sngap na ka jingpah ka khlieng ka tyngab, hynrei ha ka jingshisha phi la dei keiñ ban da wat ban da swar thikna ia ka jingshisha baroh, bad khnangba phin tip ia ka jingshisha ba thikna phi la dei ban kyli ia kata na kito ki briew kiba shong ba sah sha jan ing jong nga; lane na ki shnong ki thaw baroh kiba sha kato ka dong, te dei hangta keiñ ba phin sa ioh ia ka jingshisha baroh. Hynrei knmno keiñ ki

briew kiba na kawei pat ka jaka kin tip ia ka laid ka leng jong nga. Kata baroh ka long tang ka ktien shuthaw bad ka jingbishni pihui. ka jingrhah jingrhing jong ki ia nga keifi, tang kumno ban pynbudnam sniew ei ia nga kham - kha.

U Kpa bad ka kmie ba eh rang jong ka Romilia ki la um ka dohnud hin-ly-hin bad kim lait ang shuh shiphang ynda haba ki la iohsngew ia ki ktien ba don akor bad ba u pyni ia kaba dei ryngkat da ki ktien ba jai jai wat kat ha kata ka jingdom jong ki ruh hynrei u pat um pynpaw mat sngewsih ei ei ruh em, bad u kren beit tang ia kaei kaba u dei ban kren. Nangta u kpa ka Romilia u la kem ktien pat u da ong, "Te ba'ei phim wan naduh ka sngi nyngkong ban ia kren ia ka jingshisha, hynrei phi da buh teng haduh katta?"

"Phi i bah, kata ka jingong jong phi kaba dei eh, hynrei da kumno keifi ngan dang shlan pat ban wan, haba tang hapdeng khyndiat sugi ba nga dang ia juh ia jan, ia ieit ia thoifi bad i Romilia, nga la da ioh sngewnoh ia ki jingbyrngem byrsit jong phi? Ba kumta ha kaba sdang nga la jan man ngiah noh, hynrei haba ka jingieit ka la nang ngam iylliew bad shong seng ha ka dohnud jong nga, ngam banse ban kut jingmat kum u rangbah uba da mut hok shisha ban shinti ia ka kam jinglong rangbah, kumta nga la rai ha lade ba nga dei la kumno kumno ban thom ia ki jingeh bad ia ki dieng pyngkiang kiba wit bad ban rat dyngkhong ia ka jingsniew da kaba bha, dei na kata ka daw keifi, nga sa wan mynta ka janmiet shanc sha ing jong phi."

Ka kmie bad u kpa jong ka Romilia, ki la shu ang tyngheng katba u Rang u dang kren bad ki la shu ia peit matlieh para ma ki namar ba ki ktien jong u Rang ki la dung tynggeh ia ka dohnud bad ia ka jinglong jong ki. Kumta u kpa ka Romilia u la phai pat sha u Rang bad u la ong, "To fiuma, mynta ba la miet phi lah ban leit noh ngin sa la shem pat la shai jan miet, sa da ia wan khnang khnang hangne la shai jan miet ba ngin ioh la kren kham

bha ia kata baroh, lada ka long kaba lah ia wan lang bad katto katne ki ba ha ing de."

U Rang ruh u la ieng ban leit noh, u da kren aikhublei lang ia ki baroh.

Tang shu mih u Rang, ka Romilia ruh ka la leit noh sha la kamra thiah la jong ban thiah noh ryngkat bad ka dohnud ba la kham sting bad ryngkat ruh bad ka jingkyrmen ba la shai ka janmiet kan long ka jan miet ba jop bad ba kmen. Kumta ka thiah noh khop katba u kpa bad ka kmie pat ki dang ia shong syaid ding bad ki dang ia bun ktien ia ka jinglong jingim jong u Rang, khamtam haba ki la tip ia ki kmie ki kpa bad ki kur ki jait ba khuid bad ba suba shisha.

"Phi i kpa, ka ktien jong uta u khynnah samla te kaba da ngam shisha te phi bad kaba da pynum wat ia ka dohnud jong nga ruh, kat kaba u kren nga da sngewdei eh te phi, tangba la katta ruh, kan bha ba ma phi la shai ka step phin leit swar bad tohkit bha ia ka jinglong jingim jong u na i bah Kyrshan hanthie ha Polo, namar i la dangstep i la wan plie dukan, i khamtip bha namar ka ing jong i bad uto u samla ki ia jan bha."

"Hooïd, kaba da dei eh kata ka jingai jingmut jong phi kmie, tangba kaba sngewsih ka long ba phin da la kymaw sngi naduh mynshwa te katta ngi la ia sngewthuh lut ia kiei kiei baroh bad kan jin nym da la long kumne."

"Hooïd keiñ phi, nga ruh kumba tep kaei re, ngam shym poi kymaw sngi ei ei ruh em, i mat la shoh ka jadu jong u Korbar bad ka Jler phi, ba ki tang shu lathuh ma ki, nga duh lut ki jingmut jingpyrkhat ba bha baroh bad ka mynsiem jong nga ka la shu dap tang da ka mynsiem sniew suda, khlem pyashong nia."

"Nga ruh kum u sniang hi te haba ha kato ka sngi, tang shu lathuh ma phi kumto, nga la shu ngeit bieit khlem

da wad ia ka jingshisha ruh, ew, kane te ka ban iap phi. Ia thiah noh phi kmie ka por ka la dei, ieh ngin sa ia peit pat la shai ia ka liem ka lup." Kumta kine baroh arngut ki la ia leit thiah noh.

U Rang ynda u la poi ha la ing u la bam la dih bad u ruh shen u la leit thiah noh bad u da buh 'ti ia kiei kiei baroh ba u leh bad thmu na ka bynta ka jingbha ha ka jing-pyniaid bastad bad ba donbor jong U Blei ba kan sei soh bad kan long kaba jop, bad kumta u ruh u la leit thiah noh artat.

Ha ka step kaba bud, tang shu lah dih sha step, u kpa ka Romilia u la mih noh na la ing ban leit sha dukan i bah Kyrshan ban kylli tohkit shaphang kata ka kam kumba ki la ia pynbeit lang mynmiet baroh shi tymmen.

"Kumno bah Shan, phi la da plie dukan la dang step mo seh? I mat phi te phim ju thiah ju dem shuh phi, la dang step phi la da poi shane, bad mynmiet ruh ki briew baroh ki lah thiah lut, phi pat dang leit tied ing, ym dei kumta?"

"Yn leh kumno phi Mama, katba dang ia wad ia u khaw te hap trei shitom hi katba lah."

"Keiñ noh phi, phi te uba la nang ktien than."

"Shisha te mama wat ba trei katne ruh ka bam thap ym loh teh, ban leh sting lei lei te, ngam tip shuh, phi pat phi mut ban leit shano la dang katta mama?"

"Nga shu ia id kai step noh teng teng tang ban eh ban khlañ ka met ka phad, hynrei phi te phim da don kam shuh namar ka la long hi kumba ia id kai step artat ym dei?"

"Hooïd mama."

"Te phi lah hi ma ban tip ia kiei kiei ki kam shnong kam thaw, haba kumne la dang step phi la mih bad ynda miet phi poi ing, lane ia kaei kaba la jia ha la shnong la thaw."

"Ym tip lei phi mama, ia kat kata eh te tip hi te wei ba ngi dei u trai shnong, bad ha ki kam ki kam ruh ba don kam ka shnong kum ka Dorbar shnong, iap brieve ne kano kano nga poi hi te."

"Kata ka mut ba phi hap khang noh ia ka Dukan mo?"

"Hooi mama, don ba nga hap khang baroh shisngi don pat ba tang shi phang, katkum ki kkep ki kkep phi."

"Nangta kawei nga kwah ban kyli kai na phi, la shi-sha phi tip ne em, ba sha tei sha ngi sha Mawroh te la bna haiñ shaphang jong uto u Rangdamut te, hana sha u dei uba tuh ba lute bad uba la shah set phatok la bun sien? Haduh ba shatei sha ngi la ia syier lut tang shu i ia u! Sha ka dei mo kumta?"

"Waw! mano ba iathuh ia phi mama? Ani ka brieve ka ba la ia nangang sat imat shatei sha phi, ban ong kum ia u Rang hi em, ba kan ia kren kumta ka la shu ia nangang phi, ka ktien bishni pihuiñ ki brieve. Naei phin loh khynnah samla kum ma u? Ha shnong baroh ngi ieit bad burom ia u, u long u khynnah uba da tipsngi bad don akor sat bad uba kit khia ruh ia ka kam shnong kam thaw. Baroh shi shnong ngi ieit bad burom ia u naduh iba rit eh haduh ki tymmen ki kro ruh. Ym pat ju don nam sniew ei ei ruh em kaba kum kata ban ong ia u Rang hi, nga tharai phin wad khynnah samla kum u Rang phin nym loh, wat lada phin shang lut ki jaka ki muluk ruh, phi uba shu ngeit bieit phi mama."

"Em, kata keiñ nga ruh nga nang lyngngoh namar shi sien nga la lohi ia u, bad nga la kren ruh ia u. Ka ktien te uba la da jai jai than shisha phi bad ka akor ruh uba don

khamtam ia ngi ki tymmen. Nga ruh nga lyngngoh keiñ ba ki briew kin ia tharai sniew kum ia u."

"Shisha phi mama, nga te ia u, wat la nga la rangbah katne ruh ngam ju nud kren thala ha khmat jong u, nga leh raiñ te."

"Tang ba ha leh ioh u bha tang ha shnong hynrei sha bar pat kumwei? Kata seh kaba eh, phi i."

"Kata kaba dei mama, hynrei nga katta ba nga la ia kynduh ki lok kiba na man la ki dong ba pher kane ka sor kiba ia ithuh ia u, baroh ki ba pyrto lut bad bunsien ruh ki ju kylli na nga ba u dei u khun jongno namar ka akor baroh. Hynrei imat tang ka tei ka dong jong phi kaba nud ban thad burom kum ia u. Kawei ruh, ban ong kum kata ka shah set pha tok lei lei te ka da long kaba bakla eh keiñ, phi tharai yn jah kat u briew na shnong, ym la kulmar, bad lada u long kumno kumno ruh la dei ban tip keiñ, khamtam lei lei nga, nga shong mar syndah bad u. Te fiuma, shiwat ruh kin len, hynrei ynda la bun sien te ym lah len shuh keiñ, ngi ki marjan marpa ki shnong ki thaw ngi la dei ban tip lut baroh, phi pat phi ong kumno?"

"Kata keiñ nga ruh nga la sngew lyngngoh ngaiñ phi ia kane ka jingthad jong ki briew ia u bapli, namar ha nga hi nga shem ba u long uba bha shi-sha keiñ khamtam lei lei ynda la pynshisha sa ma phi uba ia sah ryngkat nga la sngewthuh lut baroh mynta ba pleng, dei tang ka jingbishui jong ki briew namar ka jinglong ba bha jong u. Oh, phi shi-sha la katno ngut ki khun bah Shan?" La kylli i kpa ka Romilia da kab a leh klet noh ia kata baroh namarba i la ioh thied lut mynta ia kaei ba i kwah, i la pynphai noh ia ka jing-kren shane shatai.

"Nga te la saw ngut phi, mama."

"Kumno ki ia shait ia khlain bha em baroh?"

"Hooïd mama."

“ Sngewtynnat mo haba ia shait ia khaiñ, ym dei ? ”

“ Hooïd mama, ka jingkoit jingkhiah keiñ kaba kongsan tam ha ka pyrthei.

“ Kumno ka die ka thied ka ñaid bha mynta bah Shan ? ”

“ Shu ña long hi phi mama kat ban ia ñoh bam te.”

“ Kata keiñ kaba kongsan, wei la ñoh ka bam te ngin ña khuslai ña ei pat, ym dei ? ”

“ Hooïd keiñ mama.”

“ Te ngan shu leit noh shwa phi bah Shan, katta ka kmie te ka la lyngngoh.”

“ To kata mama, don bok tangba ngin ña shait ia khlaiñ mo? Sa da wan kai seh teng teng, ong ña i kong ruh ba in wan kai sha ñng.”

“ Hooïd ngin sa ña wan ha kano kano ka por ba ngi ñoh por, te to mo bah Shan ? ”

“ Hooïd mama.”

Ha lynti i kpa ka Romilia i la sngewsih kthang namar ka jingmut sniew ña u bapli u Rang, katba khlem da dei ei ei ruh em, bad kaba kham pynsngewsih ña i ka long ba ha ka jingshisha i la dei ban da kylli tohkit ña ka jingshisha.

Ynda i la poi ha ñng i la ñathuh baroh ña kaba i la ñoh-sngew bad tip shaphang ka jinglong u Rang, kumta ruh i kmie i la sngewsih kthang bad babe ña la ka jingleh bieit jong i baroh, khamtam hynnin ka jan miet ba i la pynpaw kum kato ka ktien bad akor ha khmat jong u Rang, kumjuh ruh i la sngewsih namar la ka jong ka khun ña kaba i la ju shoh ju dat, jumai ju tim ña ka man ka por.

Ynda ha kata ka janmiet u Rang u la wan kumba la ña kut ryngkat ruh bad arngut ki kñi jong u. Kaba pynlyngngoh ña u ka long ban ñohi ba kita ki tymmen baroh arngut, ki peit sha u da ki khmat puh samrkhie rymmuiñ bad ki da pdiang ña u da ka akor kum ña u 'riew don burom, bad kloï lan ruh ki la ong ña ka khun ban ai jaka shong ña ki.

U Rang ha la mynsiem u la sngewthuh ba U Blei u la jubab ia ka jingpan jong u ban pyndem ia kaba sniew da kaba bha. Kumta, ka khmat jong u ka la kham shat phyr-nai bad kham sngewkmen.

Ynda hadien ba ki la ia shongkai shiphang, i kmie bad i kpa jong ka Romilia ki la kren bad pan map ia ki jingbakla bad ngeit bieit jong ki ba ki la shu tharai sniew ei khamakha ia u, bad ki da iaroh ruh ia ka jingshlur jong u ban wan pyndem da kaba bha namar ka ba sniew.

Ki kni u Rang ruh kila ban ktien, ki da ong: "koit kam pher, ym ju ia biang hi, namar ha ka jinglong brierw to mano mano ruh ba bakla lut hi, ym dei tang phi ym dei tang ngi, hynrei baroh kiba don la ki jong ki jong ki jingbakla bad jingduna suda, khamtam lei lei ha ba don ki nongpynshit ki nongpynshad."

Ki kmie ki kpa jong ka Romilia, baroh arngut ki la kumba dung ngak da u 'nam sarang, ynda haba ki la ioh-sngew ia kine ki kyntien na ki kni jong u Rang; namar ha ka jaka ba kin dom ne pynhiar kput, pynban ki la pynphai da ki ktien don akor bad ryngkat da ka jingsngewrit ki la ong, ba ym biang mano mano ruh, kumta kine ki tymmen baroh arngut kim lah shuh ban set ia la ki ummat bad ban iam rangbah rangsan bad ki da ia bat ia ki kti u Rang baroh arngut, bad ki da ia kyrkhu kyrdoh ia u ba un nang lai long u samla u ban lam lynti la shai la shisngi ia kiwei pat bad ki da pynpaw ruh ka jingsngewbha bad sngewhun ba ka khun jong ki kan ia ia id ia teng bad u wat lada ki nongbishni kin kren kumno kumno ruh, bad ki kloj ruh ban pdiang ia u, ban long u pyrsa kurim jong ki la ha kano kano ka por-ruh. Kumjuh ruh ki la pan map na la ka khun ia ka jingbakla jong ki baroh, bad ka ruh ka la map ia ki da ka mynsiem jingkmen, bad da kaba burom ia la ki kmie ki kpa.

"Bah Rang bad mama to ngin ia bam noh da ka ja mo, shiwat shiwat?"

“Koit, ieh ngin sa leit bam sha ing phi Thei.”

“To, seh bam noh hangne ruh sa shu leit thiah beit la shibit, shim um ha ka Dabor Ro.”

U Rang, ki kñi ruh kim sngewbit ban kyntait haba ki bapli ki tyrwa naduh ka mynsiem kumta ki la bam. Hadien ba ki la dep bam dep dih bad ynda haba ki la ia shongkai shiphang, U Rang u la phai sha la ki kñi u da ong,” ngin leit noh shwa namarba la miet, ioh ngin sa ia shong kai pat.

Ki ruh namarba ka por ka la dei, kim nud bat slem shuh ia ki bad ki la ong, “to khie leit suk leit biang sa da ia wan kai pat.”

U Rang bad ki kñi ruh hadien kata ki la ia mih noh bak ban leit sha la ing. Tang shu poi ha la ing u Rang u la iathuh lut ia kaei kaba la jia baroh ha la ki kmie ki kpa la jong bad ki ruh ki la ong, “hato kumno keiñ khun katto phi la shah thad ruh phi dang nud ban leit kiew?”

“Mei, papa, balei ngin ia thew ia kata baroh haba ki bapli ki la pynpaw ia la ka jingbakla bad ki la pan map ruh namar ka jingshukor jong ki briew, mano keiñ ba biang, baroh kiba bakla lut, namarkata te ngin klet noh ia kaei kaba la dep bad ngin ia khmih pat sa ia kaba bha nadien kane.”

Ki ruh ynda haba ki la pyrkhat bha ia ka jingkren jong u bad ka jingbynap ktien sa ki kñi jong u, ki la mynjur.

U Rang u ju leit kai shisien shi taiew sha ing ka Romilia bad ki kmie ki kpa jong ka ruh ki pdiang ia u da ka burom bad da ka jingkmien kaba khraw.

Ynda hadien katto katne por ba u la leit kai u Rang sha ing ka Romilia, ki kmie ki kpa jong u Rang lem ruh bad kiba ha ing ha sem baroh ki la ia pynbeit ba la kumno

kumno kan bha ban pyniathoh noh ia ki khnangba kan nangwallam ia ka jingsuk bad jingbha hapteng kine ki aring.

Te ka jingiamynjur ka la long ruh hapteng kiba ha ing ka Romilia ruh, bad hadien ka sneng ka kraw baroh, ki la ia pynbeit ruh sa ia ka sngi ka ia ban ia kyntiew kurim noh.

Ynda kata ka sngi ban iathoh kyntiew kurim hapteng u Rangdamut bad ka Romilia ka la poi, la wan poi ruh shibun ki briew ba la khot sngewbha ban wan sha kata ka jingkhawai bah ha ing jong ka Romilia bad ha ing u Rang kumjuh. Ka jing kyntiew kurim ka la long kaba donburom bad shongkun bad ka mariang ruh ka la synreit da ka jingphuh samrkhe naduh dang step haduh ban da longreifi. Ki lok ki jor, ki kha ki man parum pareh ki la shlei da ka jingkmen ryngkat bad kine ki arliang kur ha kata ka sngi, kaba la synshar ia ki baroh da ka jingpalei.

KA DOR KA JINGIEIT

Ka jingieit ka dei ka wei na ki bor ba khraw bad ba bha tam, kaba ju don ha man la uwei pa uwei u breiw uba im ba khii ha kane ka Pyrthei. Ka jingieit kam ju ngen ha uno uno uba ri bad sumar bha ia ka. Hynrei ka nangsangplung man la ka sngi, bad ka shynna tyngkreifi synia bad sngi. Ka mait ia ki fiut ki fier, ki khlaw ki btap, ki shiah ki tram bad ka siang da ki mawjam ba ni bad ba itynnad ha ki lynti iaid jong ngi. Ka pynphuh pynphieng ia ka dur ka dar bad ka long ryngieng jong u briew uba don ia ka. Ka long ruh kum u kynjri uba teh ia ngi wat la ngi don sha jngai ne hajan ruh. Ka ialam ruh ia ngi sha ka burom bad ka nam. Ka jingieit kam ju die noh ia ka long ryngieng jong ngi bad kam ju ieh noh jynde lynda ma ngi hi ngi beh bad ieh noh ia ka tang shiteng por. Hynrei ka wallam ia ka jingshaniah bad jingshong shngaii para briew; ka beh noh ruh wat ia ka jingkhwan myntoi shimet, ka jingsngewmeng bad sngewkhraw kaba don ha ka dohnud jong

ngi: ka syrpaï ruh wat ïa ka thma ka ktien kaba la meh ding katno. Ka jingieit ka long ka tynrai jong ka jingsuk ba nylla kaba pynjahthait wat ïa ki ba swai bad lwait ruh. Da ka la weng noh ïa ki lyoh ïong ba rben ki ba kah wat ïa ka khmat jong ngi. Ka jingieit ka thied wat ïa ka pyrthei kaba dap da ka jingïashun bad ka pynbeit ïa ka lynti khohruh khohram bad ba kyllaiñ kyrjaw, kada pynmadan ruh wat ïa ki lum bah bad ka pynpra wat ïa ki mawsiang ba eh tam. Ka jingieit ka saiñ dur biang pa biang ïa ka long briew man briew bad ïa ka long ïng long sem jong ngi kaba or kaba pait. Ka jingleit ka long ka tynrai jong ka hok bad ka jingshisha.

Ïa ka jingieit ngi lah ban bhah ha ki lai bynta ba ïar:—

(i) Ka jingieit ïa lade shimet, (ii) Ka jingieit ïa la ki para briew, bad (iii) ka jingieit ïa U Blei U Trai Nongthaw. Mynta ngin ïa tai iwei hadien iwei pat.—

(i) *Ka jingieit ïa lade shimet*: Kaba nyngkong eh ka kamram jong ngi iwei pa iwei ka long ba ngin ieit ïa lade bad haba ngi la nang ban ieit ïa lade, kata ruh ngi la nang ban burom bad ñiewkor ïa la ka met ruh. Kane ka tei ïa ka long briew man briew jong ngi la ha kaba ïaid ba ïeng, ba trei ba ktah ne wat la ha kano kano ka dur.

(ii) *Ka jingieit ïa kiwei pat*: Haba ngi, ngi la nang ban ieit ïa lade, ba kumta ruh ngi la nang ban ieit ïa la ki para briew kumjuh. Ba kumta kane ka juh ka jingieit ïa kaba ngi la ieit bad ba ngi la ai ha la ki para briew, khlem pep kin ym lah khlem da siew kylliang ïa ngi da ka jingieit bad jingshaniah iwei ïa iwei pat. Kumta kane ka pynphuh pynphieng ïa ka dur bad ka long ryntheng jong ngi bad ka wallam ïa ka jingïa shongsuk shongsaiñ, ka jingshngaiñ ha ka shong ka sah, ka imlang ka sahleng para briew; bad ka wallam ruh ïa ka nam bad ka burom jong ka ri bad ka jait bynriew baroh kawei. Ym don ka tieng ka smiej ne kano kano ka jingma ïa ha ka ïaid ka ïeng, ka trel ka ktah ne ha

kano kano ka dur ruh. Namarkata ka jingieit ka wallam ia ka jingia shongsuk, ka hok, jingshaniah bad ka jingshisha.

(iii) *Ka jingieit ia U Blei U Trai Nongthaw:* Shisien ba ngi la nang ban ieit bad burom ia lade kumjuh ruh ia la ki para briew, ngim lah ruh khlem da ieit ia U Blei U Trai Nongthaw jong ngi, ia Uba ngi dei hok ban ieit bad tieng burom.

(a) Lada uno uno u bym ieit bad niewkor ia lade, un ym nang da lei lei ruh ban ieit bad niewkor ia kiwei pat, bad da kata hi u pynpoh bad pynjot da lade ia lade hi, bad u long ruh u bym bit ban shong lane ban im ryngkat para briew ha kane ka Mariang.

(b) Lada uno uno u bym nang ban ieit lem ia ki para briew kumba u la ieit ia lade, kum uta u dei u khwan myntoi shimet. U long uba dei hok ban nym ioh pdiang ia ka jingieit bad jingshaniah na kiwei pat bad kum ia uta la dei ban tait syndon na ki para briew.

(c) Lada uno uno u bym nang ban ieit ia U Blei U Trai Nongthaw, haba u la ieit ia lade bad ia la ki para briew, kum uta, ka jingim jong u ka long ka bym don jingmut ei ei ruh em, namar khlem jingieit bad tieng burom ia la u Nongthaw.

Kumta uwei pa uwei u briew kam biang ia u ba un don tang kawei ne ar na kitei ki jingieit, hynrei u dei ban don lut baroh, khnangba un long u briew uba paka bad nvlla ha ka jingim jong u. Lym kumta ka jingim jong u ka long kaba khlem dur khlem dar, ka jingieit kaba suda; u long ruh tang kum u tyngshop ba pynfeng ha pdeng lew lane ha khyndai lad, bad u bym tip wat ia lade ba u don hangno ruh.

Kane ka juh ka jingieit ka la don ha ki longshuwa jong ngi, bad ka la long doh long snam ryngkat bad ka jingim jong ki. Dei lyngba jong ka, ki saindur ia ka long ing long sem, ka longkur longkha bad ia ka shnong ka thaw lymne

wat ia ka Hima Sima ruh kumjuh. U kãi rangbah uba long u patsha-longkur uba da kane ka jingieit u la synshar ia la ka kur ka jait bad uba la hikai ruh ia ki kumuo ba kin don ia ka juh ka jingieit ba nylla. Kumta ba ki kur ki jait kin roi parum pareh ha ka hok bad ka jingshisha.

Kumjuh ruh wat ha ka synshar khadar, u Syiem u patsha ruh, ki pyndonkam da ka, ha kaba ki synshar ia ka jaka ka muluk, bad katno ki ieit bad ñiewkor ia la ki jong ki khun ki hajar la jong bad ki ñaleh katba lah ba ka Hima bad ki khun ki hajar kin suk kin sañ bad ba kin lait na kiei kiei ki jingsniew bad jingjynjar. Ki kren ia ka hok bad ki leh ia ka hok. Ba na kata ka daw ki khun ki hajar ki ieit bad burom ia ki. Namar kumba ngi tip ba dei lyngba jong ka jingieit bad ka hok, ba sa bud dien ka nam bad ka burom. Hynrei shisien ba ngi la duh ia ka jingieit bad ka hok, khlem artatien kan wallam ia ka jingbym shaniah, bad ka jingbym shaniah ka wallam ia ka jingjot jingpra bad ki jingsniew ba har rukom. Lada ka Hima kam don shuh ka jingshaniah ia la u jong u Nongsynshar, kata ka Hima ka kyllon bad ki ruh kin poi sha ka jah burom bad ka lehrañ. Kano kano ka ñng ne ka Hima i aba la duh noh ia kane ka jingieit, ka mut ba ka ia duh noh ia la ka dor bad burom jong ka, kaba mih nangta ka long satang ka jot ka pra, ka ñashrut ka ia kynad bad khatduh lada ym lah pat ban wallam biang ia kane ka jingieit kan poi sha kaba jah syrngiew syndon artat jlang. Kumta ka jingieit ka dei ban don ha man la uwei pa uwei u briew, haman la u tnum u tyndai, ha man la kawei pa kawei ka Sengkur sengjart, haman la kawei pa kawei ka Sengsañ pyrtnei ruh kum juh.

Katba ki sngi ki snem ki nangñaid, kiei kiei ruh ki nang kylla noh ia la ka rong bad ka dor jong ki. Kumba ki syntiew ba speh ha tdah khyndcw ki mih na u symbai, hadien kata ki nangsar nangplung ha la ka sngi, bad ka por ka poi ba kin phuh bad pynmih ia ki syntiew ba iwbiñ bad ba suhsieng kiba itynnat bha, hynrei tang poi ka por ba kin jlop noh, ngim lah shuh ban loh pat ia ki.

Kumjuh ruh katba ka mariang ka nangtyllun na kawei ka por sha kawei pat ka por, ka jingieit na ngi ruh ka nang jah bad nang ngen noh, bad ka nang buhrieh ia la ka jong ka dor bad ka la nangblad ruh ia la ka rong ksiar rong rupa. Ka daw ka long ba ma ngi iwei pa iwei ngi la nangbeh bad nang klet noh ia ka. Kumta samih shibun ki jingsniew jingsmeh, ka jingkhwan lalot, kwah nam kwah burom bad ka jingthrang spah ba khlem nongrim. Ha ka juh ruh ka por ka sa mih sa ki jingbym leh hok bad jingbym shaniah iwei ia iwei pat wat ia ka long ha ing ha sem, ha shnong ha thaw, ne wat ha ka Hima sima kumjuh. Satang hangne hangtai, ha uwei u ar ba ngin dang shem kiba dang don ia ka, hynrei kiba bun balang te ki la duh noh ia ka.

Kumba la ong ba neng. ba kane ka jingduh noh ia ka jingieit, ka wallam ia ka jot ka pra ha ing ha sem, shikhun shikti, shi kmie shi kpa. shi para lok para jor, shi shnong shi thaw ha ka Hima sima baroh kawei. Na kane ka daw sa mih tang ki jingia kynad ki jinglashrut para ma ngi, bad kane ka lah ban ialam ia ngi sha kaba ym don ba shaniah shuh, kaba lah ruh ban siang bad pun lynti ia ngi sha ka jah burom bad jot syndon khait.

(i) Hato ngin phai mynta sha kane ka juk jong ngi, hato ka jingieit ka dang trei kam ne em? Haba peit bniah shwa na duh ka long ing long sem la bun ki jingkylla bad kat shaba phai la shu iohi satang ia ka iashrut ka iakynad bad hangne ruh ngin shem ba ka pylla kam ju ieng mar ia ryngkat thik. bun sien ka noh shiliang, ba la shem jingeh ban wad ia ka jingieit hangno ka don.

(ii) Haba peit pat ia ka shnong ka thaw ruh, ym i don satia kata ka jingia shongsuk shongsiañ wat hapdeng para marjan marpa, tang ka ia bishni pihuiñ iwei ia iwei pat, ka pynmih ruh ia ka jingbym ia shaniah. Ngil lah ban kham ieit ia kiwei katba ia kiwei pat ngi shun. Hangne ruh ngi shem ba ka pylla ka noh shiliang, lane ka long kum u bnai ba lung ne u bnai ba la jan iap.

(iii) Haba ngi peit ia ka synshar ka khadar ruh, ngi iohi satang ki jingkylla ba man ka por. Kane ruh ka kha na ki jingia kynad bad ia shrut, bym don ka jing ia shaniah iwei ia iwei pat. Kane ka long kaba ma bad ka lah ban wan rah ia ka jot ka pra ha ka long briew man briew ka ban pynjah kyndam syndon jlang.

Hadien ba ngi la bishar na kitei ki jingong haneng, hato ka jingieit ba nylla ka dang shong seng ha kane ka jaitbyn-riew jong ngi? Hato ngi don kata ka jingieit lem ia la ki para doh para snam kumba ia lade? Hato ngi la don lut ia kitei ki bynta jong ka jingieit baroh ha ka dohnud bad ka mynsiem jong ngi? Ne ka la ngen noh bad ka la jah syrgiew na kane ka pateng jong ngi kaba mynta?